

鳥來還語法。客去更安禪。畫涉松露盡。暮投蘭若邊。洞房隱深竹。清夜聞遙泉。向是雲霞裏。今成枕席前。豈唯留暫宿。服事將窮年。

山中示弟等

山林吾喪我。冠帶爾成人。莫學嵇康懶。且安原憲貧。山陰多北戶。泉水在東鄰。緣合妄相有。性空無所親。安和廣成子。不是老夫身。

田家

舊穀行將盡。良苗未可希。老年方愛粥。卒歲且無衣。雀乳青苔井。鷄鳴白版扉。柴車駕羸犢。草屨牧豪豨。多雨紅糲折。新秋綠芋肥。餉田桑下憩。旁舍草中歸。住處名愚谷。何煩問是非。

過盧員外宅看飯僧共題

三賢異七聖。青眼慕青蓮。乞飯從香積。裁衣學水田。上人飛錫杖。檀越施金錢。趺坐簷前日。焚香竹下煙。寒空法雲地。秋色淨居天。身逐因緣法。心過次第禪。不須愁日暮。自有一燈然。

濟州過趙叟家宴

雖與入境接。閉門成隱居。道言莊叟事。儒行魯人餘。深巷斜暉靜。閉門高柳疎。

荷鋤修藥圃。散帙曝農書。上客搖芳翰。中厨饋野蔬。夫君第高飲。景晏出林闕。

青龍寺曇壁上人院集序并

吾兄大開蔭中。明徹物外。以定力勝敵。以慧用解嚴。深居僧坊。傍俯人里。高原陸地。下映芙蓉之池。竹林果園。中秀菩提之樹。八極氛霧。萬彙塵息。太虛寥廓。南山爲之端倪。皇州蒼茫。渭水貫於天地。經行之後。跌坐而閒。升堂梵筵。餌客香飯。不起而游覽。不風而清涼。得世界於蓮花。記文章於貝葉。時江寧大兄。持片石命維序之。詩五韻坐上成。

高處做招提。虛空詎有倪。坐看南陌騎。下聽秦城雞。渺渺孤煙起。芊芊遠樹齊。青山萬井外。落日五陵西。眼界今無染。心空安可迷。

王右丞詩集卷十二

近體詩

春過賀遂員外藥園

前年權離故。今作藥欄成。香草爲君子。名花是長卿。水穿盤石透。藤繫古松生。畫長開厨走。來蒙倒屣迎。蔗漿菰米飯。芍醬露葵羹。頗識灌園意。於陵不自輕。

河南嚴尹弟見宿敝廬訪別人賦十韻

上客能論道。吾生學養蒙。貧交世情外。才子古人中。冠上方簪豸。車邊已畫熊。拂衣迎五馬。垂手憑雙童。花醪和松屑。茶香透竹叢。薄霜澄夜月。殘雪帶春風。古壁蒼苔黑。寒山遠燒紅。眼看東侯別。心事北山同。爲學輕先輩。何能訪老翁。欲知今日後。不樂爲車公。

送祕書晁監還日本國并序

舜觀羣后。有苗不格。禹會諸侯。防風後至。動干戚之舞。與斧鉞之誅。乃貢九牧之金。始頒五瑞之玉。我開元天地大寶聖文神武應道皇帝大道之行。先天布化。乾元廣運。涵育無垠。若華爲東道之標。戴勝爲西門之候。豈甘心于叩杖。非微貢於苞茅。亦由呼韓來朝。舍于蒲萄之館。卑彌遣使。報以蛟龍之錦。犧牲玉帛。以將厚意。服食器用。不寶遠物。百神受職。五老告期。況乎戴髮含齒。得不稽顙。屈膝海東。日本爲大服聖人之訓。有君子之風。正朔本乎夏時。衣裳同乎漢制。歷歲方達。繼舊好於行人。滔天無涯。貢方物於天子。司儀加等。位在王侯之先。掌次改觀。不居蠻夷之邸。我無爾詐。爾無我虞。彼以好來。廢關弛禁。上敷文教。虛至實歸。故人民雜居。往來如市。晁司馬結髮游聖。負笈辭親。問禮於老聃。學詩於子夏。魯借車馬。孔丘遂適於宗周。鄭獻縞衣。季札始通於上國。名成太學。官至客卿。必齊之姜。不歸娶於高國。在楚猶晉。亦何獨於由余。游宦三年。願以君羹遺母。不居一國。

欲其畫錦還鄉。莊鳥既顯而思歸。關羽報恩而終去。於是馳首北闕。裹足東轅。篋命賜之衣。懷敬問之詔。金簡玉字。傳道經於絕域之人。方鼎彝樽。致分器於異姓之國。琅邪臺上。迴望龍門。碣石館前。復然鳥逝。鯨魚噴浪。則萬里倒迴。鶴首乘雲。則八風卻走。扶桑若齊。鬱島如萍。沃白日而簸三山。浮蒼天而吞九域。黃雀之風動地。黑蜃之氣成雲。森不知其所之。何相思之可寄。嘻。去帝鄉之故舊。謁本朝之君臣。詠七子之詩。佩兩國之印。恢我王度。論彼蕃臣。三寸猶在。藥毅辭燕而未老。十年在外。信陵歸魏而逾尊。子其行乎。余贈言者。

積水不可極。安知滄海東。九州何處遠。萬里似乘空。向國唯看日。歸帆但信風。鰲身映天黑。魚眼射波紅。鄉樹扶桑外。主人孤島中。別離方異域。音信若爲通。

送徐郎中

東郊春草色。驅馬去悠悠。況復鄉山外。猿啼湘水流。鳥夷傳露版。江館候鳴鷗。卉服爲諸吏。珠宮拜本州。孤鶯吟遠墅。野杏發山郵。早晚方歸秦。南中絕忌秋。

送熊九赴任安陽

魏國應劉後。寂寥文雅空。漳河如舊日。之子繼清風。阡陌銅臺下。閭閻金虎中。送車盈灞上。輕騎出關東。相去千餘里。西園明月同。

送李太守赴上洛

商山包楚鄧。積翠藹沈沈。驛路飛泉濕。關門落照深。野花開古戍。行客響空林。板屋春多雨。山城畫欲陰。丹泉通魏略。白羽抵荆岑。若見西山爽。應知黃綺心。

游感化寺

翡翠香煙合。瑤瑤寶地平。龍宮連棟宇。虎穴傍簷楹。谷靜唯松響。山深無鳥聲。瓊峯當戶拆。金澗透林鳴。郢路雲端迴。秦川雨外晴。雁王銜果獻。鹿女踏花行。抖擻辭貧里。歸依宿化城。繞籬生野蕨。空館發山櫻。香飯青菰米。嘉蔬綠芋羹。誓陪清梵末。端坐學無生。

游悟真寺

開道黃金地。仍開白玉田。擲山移巨石。咒嶺出飛泉。猛虎同三逕。愁猿學四禪。買香燃綠桂。乞火踏紅蓮。草色搖霞上。松聲汎月邊。山河窮百二。世界滿三千。梵宇聊憑視。王城遂渺然。瀾陵纔出樹。渭水欲連天。遠縣分諸郭。孤邨起白煙。望雲思聖主。披霧憶羣賢。薄宦慙尸素。終身擬尙玄。誰知住菴客。曾和柏梁篇。與蘇盧二員外期游方丈寺而蘇不至因有是作。共仰頭陀行。能忘世諦情。迴看雙鳳闕。相去一牛鳴。法向空林說。心隨寶地平。

手巾花氎淨。香帳稻畦成。開道邀同舍。相期宿化城。安知不來往。翻以得無生。

曉行巴峽

際曉投巴峽。餘春憶帝京。晴江一女浣。朝日衆鷄鳴。水國舟中市。山橋樹杪行。登高萬井出。眺迥二流明。人作殊方語。鶯爲舊國聲。賴諳山水趣。稍解別離情。

賦得清如玉壺冰

藏冰玉壺裏。冰水類方諸。未共銷丹日。還同照綺疏。抱明中不隱。含淨外疑虛。氣似庭霜積。光言砌月餘。曉凌飛鶴鏡。宵映聚螢書。若向夫君比。清心尙不如。

春日直門下省早朝

騎省直明光。鷄鳴謁建章。遙聞侍中佩。暗識令君香。玉漏隨銅史。天書拜夕郎。旌旗映閭闔。歌吹滿昭陽。官合梅初紫。宮門柳欲黃。願將遲日意。同與聖恩長。

上張令公

珥筆趨丹陛。垂璫上玉除。步簷青瑣闥。方輶畫輪車。市閱千金字。朝開五色書。致君光帝典。薦士滿公車。伏奏廻金駕。橫經重石渠。從茲罷角抵。希復幸儲胥。天統知堯後。王章笑魯初。匈奴遙俯伏。漢相儼簪裾。賈生非不遇。汲黯自堪疎。學易思求我。言詩或起余。嘗從大夫後。何惜隸人餘。

哭褚司馬

妄誠皆心累，浮生定死媒。誰言老龍吉，未免伯牛災。故有求仙藥，仍餘遁俗杯。山川秋樹苦，聽戶夜泉哀。尙憶青驪去，寧知白馬來。漢臣修史記，莫蔽褚生才。

過沈居士山居哭之

楊朱來此哭，桑扈返于真。獨自成千古，依然舊四鄰。閒簷喧鳥雀，故榻滿埃塵。曙月孤鶯囀，空山五柳春。野花愁對客，泉水咽迎人。善卷明時隱，黔婁在日貧。逝川嗟爾命，邱井嘆吾身。前後從言隔，相悲詎幾晨。

哭祖六自虛

否極嘗聞泰，嗟君獨不然。憫凶纔稚齒，羸疾至中年。餘力文章秀，生知禮樂全。翰畱天帳覽，詞入帝宮傳。國訝終軍少，人知賈誼賢。公卿盡虛左，朋誼共推先。不恨依窮轍，終期濟巨川。才雄望羔雁，壽促背貂蟬。福善開前錄，殲良味上玄。何辜鑿鸞翻，何事與龍泉。鷗起長沙賦，麟終曲阜編。城中君道廣，海內我情偏。乍失疑猶見，沈思悟絕緣。生前不忍別，死後向誰宣。爲此情難盡，彌令憶更纏。本家清渭曲，歸葬舊塋邊。永去長安道，徒聞京兆阡。旌車出郊甸，鄉國隱雲天。定作無期別，寧同舊日旋。候門家屬苦，行路國人憐。送客哀終進，征途哭復前。

王右丞詩集卷十三

近體詩

答裴迪

森森寒流廣，蒼蒼秋雨晦。君問終南山，心知白雲外。

山中寄諸弟妹

山中多法侶，禪誦自爲羣。城郭遙相望，唯應見白雲。

聞裴秀才迪吟詩因戲贈

猿吟一何苦，愁朝復悲夕。草作巫峽聲，腸斷秋江客。

贈韋穆十八

與君青眼客。共有白雲心。不向東山去。日令春草深。
皇甫岳雲溪雜題五首

【一】鳥鳴磻

人閒桂花落。夜靜春山空。月出驚山鳥。時鳴春湖中。

【二】蓮花塢

日日探蓮去。洲長多暮歸。弄篙莫濺水。畏濕紅蓮衣。

【三】鷓鴣塢

乍向紅蓮沒。復出清浦颺。獨立何離礎。銜魚古查上。

【四】上平田

朝畊上平田。暮畊上平田。借問問津者。寧知沮溺賢。

【五】萍池

春池深且廣。會待輕舟迴。靡靡綠萍合。垂楊掃復開。

輞川集并序

余別業在輞川山谷。其游止有孟城塢。華子岡。文杏館。斤竹嶺。鹿柴。木蘭柴。茱萸泚。宮槐。柏。臨湖亭。南垞。欽湖。柳浪。欒家澗。金屑泉。白石灘。北垞。竹里館。辛夷塢。漆園。椒園等。與裴

迪閒暇各賦絕句云爾

孟城塢

新家孟城口。古木餘垂柳。來者復爲誰。空悲昔人有。

華子岡

飛鳥去不窮。連山復秋色。上下華子岡。惆悵情何極。

文杏館

文杏栽爲梁。香茅結爲宇。不知棟裏雲。去作人閒雨。

斤竹嶺

檀欒映空曲。青翠漾漣漪。暗入商山路。樵人不可知。

鹿柴

空山不見人。但聞人語響。返景入深林。復照青苔上。

木蘭柴

秋山斂餘照。飛鳥逐前侶。彩翠時分明。夕嵐無處所。

茱萸泚

結實紅且綠。復如花更開。山中倘畱客。置此茱萸杯。

宮槐柏

仄徑蔭宮槐。幽陰多綠苔。應門但迎掃。畏有山僧來。

臨湖亭

輕舸迎上客。悠悠湖上來。當軒對樽酒。四面芙蓉開。

南垞

輕舟南垞去。北垞森難即。隔浦望人家。遙遙不相識。

歛湖

吹蕭凌極浦。日暮送夫君。湖上一迴首。青山卷白雲。

柳浪

分行接綺樹。倒影入清漪。不學御溝上。春風傷別離。

槩家瀨

颯颯秋雨中。淺淺石溜瀉。跳波自相濺。白鷺驚復下。

金屑泉

日飲金屑泉。少當千餘歲。翠鳳翔文螭。羽節朝玉帝。

白石灘

清淺白石灘。綠蒲尚堪把。家住水東西。浣紗明月下。

北垞

北垞湖水北。雜樹映朱欄。逶迤南川水。明滅青林端。

竹里館

獨坐幽篁裏。彈琴復長嘯。深林人不知。明月來相照。

辛夷塢

木末芙蓉花。山中發紅萼。澗戶寂無人。紛紛開且落。

漆園

古人非傲吏。自闕經世務。偶寄一微官。婆娑數株樹。

椒園

桂尊迎帝子。杜若贈佳人。椒漿奠瑤席。欲下雲中君。

臨高臺送黎拾遺

相送臨高臺。川原杳何極。日暮飛鳥還。行人去不息。

送別

山中相送罷。日暮掩柴扉。春草明年綠。王孫歸不歸。

別輞川別業

依遲動車馬。惆悵出松蘿。忍別青山去。其如綠水何。

崔九弟欲往南山。馬上口號與別

城隅一分手。幾日還相見。山中有桂花。莫待花如霰。

留別崔興宗

駐馬欲分襟。清寒御溝上。前山景氣佳。獨往還惆悵。

息夫人

莫以今時寵。能忘舊日恩。看花滿眼淚。不共楚王言。

班婕妤三首

玉窗螢影度。金殿人聲絕。秋夜守羅幃。孤燈耿明滅。

【二】

宮殿生秋草。君王恩幸疎。那堪聞風吹。門外度金輿。

【三】

怪來妝閣閉。朝下不相迎。總向春園裏。花開笑語聲。

題友人雲母障子

君家雲母障。持向野庭開。自有山泉入。非因彩畫來。

紅牡丹

綠豔閒且靜。紅衣淺復深。花心愁欲斷。春色豈知心。

左掖梨花

閒灑堦邊草。輕隨箔外風。黃鸝弄不足。賺入未央宮。

口號又示裴迪

安得含塵網。拂衣辭世喧。悠然策藜杖。歸向桃花源。

雜詩三首

家住孟津河。門對孟津口。常有江南船。寄書家中否。

【二】

君自故鄉來。應知故鄉事。來日綺窗前。寒梅著花未。

【三】

已見寒梅發。復聞啼鳥聲。愁心視春草。畏向玉階生。

崔興宗寫真

畫君年少時。如今君已老。今時新識人。知君舊時好。

山茶萸

朱實山下開。清香寒更發。幸有叢桂花。窗前向秋月。
哭孟浩然

故人不可見。漢水日東流。借問襄陽老。江山空蔡洲。

王右丞詩集卷十四

近體詩

田園樂七首

出入千門萬戶。經過北里南鄰。蹀躞鳴珂有底。崆峒散髮何人。

【二】

再見封侯萬戶。立談賜璧一雙。詎勝耦畊南畝。何如高臥東窗。

【三】

採菱渡頭風急。策杖邨西日斜。杏樹壇邊漁父。桃花源裏人家。

【四】

萋萋芳草春綠。落落長松夏寒。牛羊自歸邨巷。童稚不識衣冠。

【五】

山下孤煙遠邨。天邊獨樹高原。一瓢顏回陋巷。五柳先生對門。

【六】

桃紅復含宿雨。柳綠更帶春煙。花落家僮未掃。鶯啼山客猶眠。

【七】

酌酒會臨泉水。抱琴好倚長松。南園露葵朝折。東舍黃梁夜春。

少年行四首

新豐美酒斗十千。咸陽游俠多少年。相逢意氣爲君飲。繫馬高樓垂柳邊。

【二】

出身仕漢羽林郎。初隨驃騎戰漁陽。熟知不向邊庭苦。縱死猶聞俠骨香。

【三】

一身能擘兩彫弧。虜騎千重只似無。偏坐金鞍調白羽。紛紛射殺五單于。

【四】

漢家君臣歡宴終。高議雲臺論戰功。天子臨軒賜侯印。將軍佩出明光宮。

寄河上段十六

與君相見即相親。聞道君家在孟津。

為見行舟試借問。

客中時有洛陽人。

贈裴旻將軍

腰閒寶劍七星文。臂上珊瑚百戰功。

見說雲中擒黠虜。

始知天上有將軍。

九月九日憶山東兄弟

獨在異鄉為異客。每逢佳節倍思親。

遙知兄弟登高處。

遍插茱萸少一人。

戲題朝川別業

柳條拂地不須折。松樹披雲從更長。

藤花欲暗藏猓子。

柏葉初齊養麝香。

戲題盤石

可憐盤石臨泉水。復有垂楊拂酒杯。

若道春風不解意。

何因吹送落花來。

與盧員外象過崔處士興宗林亭

綠樹重陰蓋四鄰。青苔日厚自無塵。

科頭箕踞長松下。

白眼看他世上人。

送王尊師歸蜀中

大羅天上神仙客。濯錦江頭花柳春。

不為碧雞稱使者。

唯令白鶴報鄉人。

送元二使安西

渭城朝雨裊輕塵。客舍青青柳色新。

勸君更盡一杯酒。

西出陽關無故人。

送別

送君南浦淚如絲。君向東州使我悲。

為報故人願領盡。

如今不似洛陽時。

送韋評事

欲逐將軍取右賢。沙場走馬向居延。

遙知漢使蕭關外。

愁見孤城落日邊。

靈雲池送從弟

金杯緩酌清歌轉。畫舸輕移豔舞迴。

自歎鶺鴒臨水別。

不同鴻雁向池來。

送沈子福歸江東

楊柳渡頭行客稀。罟師盪槳向臨圻。

唯有相思似春色。

江南江北送君歸。

寒食汜上作

廣武城邊逢暮春。汶陽歸客淚沾巾。

落花寂寂啼山鳥。

楊柳青青渡水人。

劇嘲史實

清風細雨濕梅花。驟馬先過碧玉家。

正值楚王宮裏至。

門前初下七香車。

菩提寺禁裴迪來相看。說逆賊等凝碧池上作音樂。供奉人等舉聲便。

一時淚下。私成口號。誦示裴迪。

萬戶傷心生野煙。

百官何日再朝天。

秋槐葉落空宮裏。

凝碧池頭奏管絃。

涼州賽神

涼州城外少行人。

百尺峯頭望虜塵。

健兒擊鼓吹羌笛。

共賽城東越騎神。

哭殷遙

送君返葬石樓山。

松柏蒼蒼賓馭還。

埋骨白雲長已矣。

空餘流水向人閒。

歎白髮

宿昔朱顏成暮齒。

須臾白髮變垂髫。

一生幾許傷心事。

不向空門何處銷。

王右丞詩集卷十五

外編

東溪翫月

月從斷山口。遙吐柴門端。

萬木分空霽。

流陰中夜攢。

光連虛象白。

氣與風露寒。

谷靜秋泉響。巖深青靄殘。

清澄入幽夢。

破影抱空罨。

恍惚琴牕裏。

松溪曉思難。

過太乙觀買生房

昔余棲遁日。之子煙霞鄰。

共攜松葉酒。

俱簪竹皮巾。

攀林遍雲洞。

採藥無冬春。

謬以道門子。

微爲驂御臣。

常恐丹液就。

先我紫陽賓。

天促萬塗盡。

哀傷百慮新。

蹟峻不容俗。

才多反累真。

泣對雙泉水。

還山無主人。

送孟六歸襄陽

杜門不欲出。久與世情疎。

以此爲長策。

勸君歸舊廬。

醉歌田舍酒。

笑讀古人書。

好是一生事。

無勞獻子虛。

淮陰夜宿二首

水國南無畔。扁舟北未期。

鄉情淮上失。

歸夢郢中疑。

木落知寒近。

山長見日遲。

客行心緒亂。

不及洛陽時。

【二】

永絕臥煙塘。蕭條天一方。

秋風淮水落。

寒夜楚歌長。

宿莽非中土。

鱸魚豈我鄉。

孤舟行已倦。

南越尙茫茫。

下京口埭夜行

孤帆度綠氛。寒浦落紅曛。

江樹朝來出。

吳歌夜漸聞。

南溟接潮水。

北斗近鄉雲。

行役從茲去。

歸情入雁羣。

山行遇雨

驟雨晝氛氳。空天望不分。暗山唯覺電。窮海但生雲。涉澗猜行潦。緣崖畏宿氛。

夜到澗州

夜入丹陽郡。天高氣象秋。海隅雲漢轉。江畔火星流。城郭傳金柝。閭閻閉綠洲。

冬夜寓直麟閣

直事披三省。重關祕七門。廣庭憐雪淨。深屋喜爐溫。月幌花虛覆。風牕竹暗喧。

賦得秋日懸清光

寥廓涼天靜。晶明白日秋。圓光含萬象。碎影入閒流。迴與青冥合。遙同江甸浮。遙同江甸浮。遙同江甸浮。遙同江甸浮。

山中

荆溪白石出。天寒紅葉稀。山路元無雨。空翠濕人衣。

從軍行二首

戈甲從軍久。風雲識陣難。今朝拜韓信。計日斬成安。

【一】

燕領多奇相。狼頭敢犯邊。寄言班定遠。正是立功年。

游春曲二首

萬樹江邊杏。新開一夜風。滿園深淺色。照在綠波中。

【二】

上苑無窮樹。花開次第新。香車與絲騎。風靜亦生塵。

相思

紅豆生南國。秋來發幾枝。勸君多採擷。此物最相思。

太平樂二首

風俗今和厚。君王在穆清。行看探花曲。盡是泰階平。

【二】

聖德超千古。皇威靜四方。蒼生今息戰。無事覺時長。

送春辭

日日人空老。年年春更歸。相歡在尊酒。不用惜花飛。

書事

輕陰閣小雨。深院晝慵開。坐看蒼苔色。欲上人衣來。

塞上曲二首

天驕遠塞行。出鞘寶刀鳴。定是酬恩日。今朝覺命輕。

【二】

塞虜常爲敵。邊風已報秋。平生多志氣。箭底覓封侯。

隴上行

負羽到邊州。鳴笳度隴頭。雲黃知塞近。草白見邊秋。

閨人贈遠五首

花明綺陌春。柳拂御溝新。爲報遼陽客。流芳不待人。

【二】

遠成功名薄。幽閨年貌傷。妝成對春樹。不語淚千行。

【三】

啼鶯綠樹深。語燕雕梁晚。不省出門行。沙場知近遠。

【四】

形影一朝別。煙波千里分。君看望君處。祇是起行雲。

【五】

洞房今夜月。如練復如霜。爲照離人恨。亭亭到曉光。

過友人莊

故人具雞黍。邀我至田家。綠樹邨邊合。青山郭外斜。

感興

禾黍不豔陽。競栽桃李春。翻令力畊者。半作賣花人。

游春辭二首

曲江絲柳變煙條。寒谷冰隨暖氣銷。纔見春光生綺陌。已聞清樂動雲韶。

【二】

經過柳陌與桃谿。尋逐春光著處迷。鳥度時時衝絮起。花繁滾滾壓枝低。

秋思二首

網軒涼吹動輕衣。夜聽長生玉漏稀。月渡天河光轉濕。鶴驚秋樹葉頻飛。

【二】

宮連太液見滄波。暑氣微消秋意多。一夜輕風蘋末起。露珠翻盡滿池荷。

秋夜曲二首

丁丁漏水夜何長。

漫漫輕陰露月光。

秋逼暗蟲通夕響。

寒衣未寄莫飛霜。

【二】

桂魄初生秋露微。

輕羅已薄未更衣。

銀箏夜久殷勤弄。

心怯空房不忍歸。

從軍辭

髦頭夜落捷書飛。

來奏軍門著賜衣。

白馬將軍頻破敵。

黃龍戍卒幾時歸。

塞下曲二首

辛勤幾出黃花戍。

迢遞初隨細柳營。

塞晚每愁殘月苦。

邊愁更逐斷蓬驚。

【二】

年少辭家從冠軍。

金裝寶劍去邀勳。

不知馬骨傷寒水。

唯見龍城起暮雲。

平戎辭二首

太白秋高助漢兵。

長風夜卷虜塵清。

男兒解卻腰閒劍。

喜見從王道化平。

【二】

卷旆生風喜氣新。

早持龍節靜邊塵。

漢家天子圖麟閣。

身是當今第一人。

聞人春思

愁見遙空百丈絲。

春風挽斷更傷離。

閒花落遍青苔地。

盡日無人誰得知。

贈遠二首

當年只自守空帷。

夢見關山覺別離。

不見鄉書傳雁足。

唯看新月吐蛾眉。

【二】

厭攀楊柳臨青閣。

閒採芙蓉傍碧潭。

走馬臺邊人不見。

拂雲堆畔戰初酣。

獻壽辭

宮殿參差列九重。

祥雲瑞氣捧階濃。

微臣欲獻唐堯壽。

遙指南山對袞龍。

失題

清風明月苦相思。

蕩子從戎十載餘。

征人去日殷勤囑。

歸雁來時數寄書。

疑夢

莫驚龍辱空憂喜。

莫計恩讎浪苦辛。

黃帝孔邱何處問。

安知不是夢中身。

王右丞詩集終

韓昌黎詩集

韓昌黎詩集卷一

古詩

元和聖德詩并序

臣愈頓首再拜言。臣伏見皇帝陛下即位以來。誅流姦臣。朝廷清明。無有欺蔽。外斬楊惠琳。劉闢。以收夏蜀。東定青徐。積年之叛。海內怖駭。不敢違越。郊天告廟。神靈歡喜。風雨晦明。無不從順。太平之期。適當今日。臣蒙被恩澤。日與羣臣序立紫宸殿。陛下親望穆穆之光。而其職業又在。以經籍教導國子。誠宜率先作歌詩。以稱道盛德。不可以辭語淺薄。不足以自效。爲解。輒依古作四言。元和聖德詩一篇。凡千有二十四字。指事實錄。具載明天子文武神聖。以警動百姓耳目。傳示無極。其詩曰。

皇帝卽阼。物無違拒。日暘而暘。日雨而雨。維是元年。有盜在夏。欲覆其州。以踵近武。皇帝曰嘻。豈不在我。負鄙爲艱。縱則不可。出師征之。其衆十旅。軍其城下。告以福禍。腹敗枝披。不敢保聚。擲首陣外。降旛夜豎。疆外之險。莫過蜀土。韋臯去鎮。劉闢守後。血入于牙。不肯吐口。開庫啗士。日隨所取。

汝張汝弓。汝伐汝鼓。汝爲表書。求我帥汝。事始上聞。在列威怒。皇帝曰然。
 嗟遠士女。苟附而安。則且付與。讀命於庭。出節少府。朝發京師。夕至其部。
 關喜謂黨。汝派而伍。蜀可全有。此不當受。萬牛備炙。萬甕行酒。以錦纏股。
 以紅帕首。有惟其兇。有餌其誘。其出穰穰。隊以萬數。遂劫東川。遂據城阻。
 皇帝曰嗟。其又可許。爰命崇文。分卒禁禦。有安其驅。無暴我野。日行三十。
 徐璧其右。關黨聚謀。鹿頭是守。崇文奉詔。進退規矩。戰不貪殺。擒不濫數。
 四方節度。整兵頓馬。上章請討。俟命起坐。皇帝曰嘻。無汝煩苦。荆并泊梁。
 在國門戶。出師三千。各選爾醜。四軍齊作。殷其如阜。或拔其角。或脫其距。
 長驅洋洋。無有阻斷。八月壬午。關棄城走。戴妻與妾。包裹稚乳。是日崇文。
 入處其宇。分散逐捕。搜原剔藪。關窮見窘。無地自處。俯視大江。不見洲渚。
 遂自顛倒。若杵投臼。取之江中。柳匣械手。婦女鬘髻。啼哭拜叩。來獻闕下。
 以告廟社。周示城市。咸使觀視。解脫繫索。夾以砧斧。婉婉弱子。赤立僂僂。
 牽頭曳足。先斷腰脅。次及其徒。體骸撐拄。末乃取關。骸汗如寫。揮刀紛紜。
 爭判膺脯。優賞將吏。扶珪綴組。帛堆其家。粟塞其庾。哀憐陣歿。屢給孤寡。
 贈官封墓。周匝宏溥。經戰伐地。寬免租簿。施令酬功。急疾如火。天地中開。

莫不順序。此恆青魏。東盡海浦。南至徐蔡。區外雜虜。但威報德。踉蹌蹈舞。
 掉棄兵革。私習篋篋。來請來覲。十百其耦。皇帝曰吁。伯父叔舅。各安爾位。
 訓厥眈眈。正月元日。初見宗祖。躬執百禮。登降拜俯。薦于新宮。視瞻梁楹。
 感見容色。淚落入俎。侍祠之臣。助我惻楚。乃以上辛。於郊用牡。除于國南。
 麟符毛鬣。廡幕周施。開揭磊砢。獸盾騰挈。圓壇帖妥。天兵四羅。旂常娜婀。
 駕龍十二。魚魚雅雅。宵昇于丘。奠璧獻粍。衆樂驚作。轟厯融冶。紫焰嘘呵。
 高靈下墮。羣星從坐。錯落侈侈。日君月妃。煥赫嫋嫋。讀鬼濛鴻。嶽祇業業。
 飲沃羶薌。產祥降嘏。鳳皇應奏。舒翼自拊。赤麟黃龍。透陀結糾。卿士庶人。
 黃童白叟。踊躍歡呀。失喜嗟歐。乾清坤夷。境落寰舉。帝車迴來。日正當午。
 幸丹鳳門。大赦天下。滌滌剗諍。磨滅瑕垢。續功臣嗣。拔賢任考。孩養無告。
 仁涉施厚。皇帝神聖。道達今古。聽聰視明。一似堯禹。生知法式。動得理所。
 天錫皇帝。爲天下主。并包畜養。無異細鉅。億載萬年。敢有違者。皇帝儉勤。
 盥濯陶瓦。斥遣浮華。好此緹紵。敷戒四方。修則有咎。天錫皇帝。多麥與黍。
 無召水旱。耗于雀鼠。億載萬年。有富無窶。皇帝正直。別白善否。擅命而狂。
 既翦既去。盡逐羣姦。靡有遺侶。天錫皇帝。扈臣碩輔。博問遐觀。以置左右。

億載萬年。無敢余侮。皇帝大孝。慈祥悌友。怡怡愉愉。奉太皇后。決于族親。
 潘及九有。天錫皇帝。與天齊壽。登茲太平。無怠永久。億載萬年。爲父爲母。
 博士臣愈。職是訓詁。作爲歌詩。以配吉甫。
 琴操十首并序

【一】將歸操 孔子之趙聞殺竇鳴犢作

狄之水兮。其色幽幽。我將濟兮。不得其由。涉其淺兮。石齧我足。乘其深兮。
 龍入我舟。我濟而悔兮。將安歸尤。歸兮歸兮。無與石鬪兮。無應龍求。

【二】猗蘭操 孔子傷不逢時作

蘭之猗猗。揚揚其香。不採而佩。於蘭何傷。今天之旋。其曷爲然。我行四方。
 以日以年。雪霜貿貿。薺麥之茂。子如不傷。我不爾覩。薺麥之茂。薺麥之有。
 君子之傷。君子之守。

【三】龜山操 孔子以季桓子受齊女樂諫不從望龜山而作

龜之氛兮。不能雲雨。龜之楛兮。不中梁柱。龜之大兮。祇以奄魯。知將隳兮。
 哀莫余伍。周公有鬼兮。嗟歸余輔。

【四】越裳操 周公作

雨之施。物以孳。我何意於彼爲。自周之先。其艱其勤。以有疆宇。私我後人。
 我祖在上。四方在下。厥臨孔威。敢戲以侮。孰荒于門。孰治于田。四海既均。
 越裳是臣。

【五】拘幽操 文王羸里作

目窈窕兮。其凝其盲。耳肅肅兮。聽不開聲。朝不見日出兮。夜不見月與星。有
 知無知兮。爲死爲生。嗚呼臣罪當誅兮。天王聖明。

【六】岐山操 周公爲大王作

我家于幽。自我先公。伊我承序。敢有不同。今狄之人。將土我疆。民爲我戰。
 誰使死傷。彼岐有岨。我往獨處。爾莫余追。無思我悲。

【七】履霜操 尹吉甫子伯奇無罪爲後母譖而見逐自傷作

父兮兒寒。母兮兒饑。兒罪當笞。逐兒何爲。兒在中野。以宿以處。四無人聲。
 誰與兒語。兒寒何衣。兒饑何食。兒行于野。履霜以足。母生衆兒。有母憐之。
 獨無母憐。兒寧不悲。

【八】雉朝飛操 牧犢子七十無妻見雉雙飛感之而作

雉之飛。于朝日。羣雌孤雄。意氣橫出。當東而西。當啄而飛。隨飛隨啄。羣雌

粥粥。嗟我雖人。曾不如彼雞。生身七十年。無一妾與妃。

【九】別鶴操 商陵穆子娶妻五年無子。父母欲其改娶。其妻聞之。中夜悲嘯。穆子感之而作。

雄鶴銜枝來。雌鶴啄泥歸。巢成不生子。大義當乖離。江漢水之大。鶴身鳥之微。更無相逢日。且可繞樹相隨飛。

【十】殘形操 曾子夢見一狸。不見其首。作

有獸維狸兮。我夢得之。其身孔明兮。而頭不知。吉凶何為兮。覺坐而思。巫咸上天兮。識者其誰。

南山詩

吾聞京城南。茲維羣山固。東西兩際海。巨細難悉究。山經及地志。茫昧非受授。圖辭試提挈。挂一念萬漏。欲休諒不能。粗敝所經觀。嘗昇崇丘望。戢戢見相湊。晴明出稜角。縷脈碎分繡。蒸嵐相溷洞。表裏忽通透。無風自飄颻。融液煦柔茂。橫雲時不凝。點點露數岫。天空浮修眉。濃綠畫新就。孤撐有巖絕。海浴寒鵬噉。春陽潛沮洳。濯濯吐深秀。巖巒雖嶺峯。軟弱類含酎。夏炎百木盛。蔭鬱增埋覆。神靈日歛歔。雲氣爭結構。秋霜喜刻轢。磔卓立瘿瘦。參差相疊重。剛耿陵宇宙。

冬行雖幽墨。冰雪工琢鍊。新曦照危峨。億丈恒高袤。明昏無停態。頃刻異狀候。西南雄太白。突起莫閉箴。藩都配德運。分宅占丁戊。逍遙越坤位。詆訐陷乾寶。空虛寒兢兢。風氣較搜漱。朱維方燒日。陰霰縱騰糅。昆明大池北。去觀偶時晝。緜聯窮俯視。倒側困清漚。微瀾動水面。踊躍蹂蹂狃。驚呼惜破碎。仰喜呀不仆。前尋徑杜墅。盆蔽畢原陋。崎嶇上軒昂。始得觀覽富。行行將遂窮。嶺陸煩互走。勃然思坼裂。擁掩難恕宥。巨靈與夸蛾。遠賈期必售。還疑造物意。固護善精祐。力雖能排幹。雷電怯呵詬。攀緣脫手足。蹭蹬抵積甃。茫如試矯首。壅塞生恟恟。威容喪蕭爽。近新迷遠舊。拘官計日月。欲進不可又。因緣窺其湫。凝湛閔陰囿。魚蝦可俯掇。神物安敢寇。林柯有脫葉。欲墮鳥驚救。爭銜彎環飛。投棄急哺鷗。旋歸道迴睨。達枿壯復奏。吁嗟信奇怪。峙質能化質。前年遭譴謫。探歷得邂逅。初從藍田入。顧盼勞頸脰。時天晦大雪。淚目苦矐矐。峻塗拖長冰。直上若懸溜。褰衣步推馬。顛蹶退且復。若黃忘遐睎。所囑纒左右。杉篁咤蒲蘇。杲耀費介冑。專心憶平道。脫險逾避臭。昨來逢清霽。宿願忻始副。崢嶸躋冢頂。倏閃雖踰岫。前低劃開闕。爛漫堆衆皴。或連若相從。或蹙若相鬪。或妥若弭伏。或竦若驚雉。或散若瓦解。或赴若輻湊。或翻若船遊。或決若馬驟。或背若相惡。或向若相佑。

或亂若抽筍。或燥若注灸。或錯若繪畫。或綠若篆籀。或羅若星離。或蒼若雲逗。
 或浮若波濤。或碎若鋤耨。或如賁育倫。賭勝勇前購。先強勢已出。後鈍噴詭譎。
 或如帝王尊。叢集朝賤幼。雖親不褻狎。雖遠不悖謬。或如臨食案。看核紛釘釘。
 又如遊九原。墳墓包柳柩。或崇若盆罌。或揭若蠶豆。或覆若曝鼈。或頽若寢獸。
 或蜿若藏龍。或翼若搏鷲。或齊若友朋。或隨若先後。或迸若流落。或顧若宿置。
 或戾若仇讐。或密若婚媾。或儼若峨冠。或翻若舞袖。或屹若戰陣。或圍若蒐狩。
 或靡然東注。或偃然北首。或如火焙焰。或若氣饋餽。或行而不輟。或道而不收。
 或斜而不倚。或弛而不激。或赤若禿鬣。或燻若柴樵。或如龜拆兆。或若卦分繇。
 或前橫若剝。或後斷若姤。延延離又屬。夫夫叛還遘。或如龜拆兆。或若卦分繇。
 閭閻樹牆垣。嚙嚙架庫廩。參參削劍戟。煥煥銜瑩瑋。敷敷花披萼。闐闐屋摧雷。
 悠悠舒而安。兀兀狂以狃。超超出猶奔。蠢蠢駭不懋。大哉立天地。經紀肖營腴。
 厥初孰開張。僮俛誰勸侑。創茲朴而巧。戮力忍勞疚。得非施斧斤。無乃假詛呪。
 鴻荒竟無傳。功大莫酬儔。嘗聞於祠官。芬苾降歆嗅。斐然作歌詩。惟用贊報酢。

謝自然詩

果州南充縣 寒女謝自然 童叟無所識 但聞有神仙 輕生學其術 乃在金泉山

繁華榮慕絕。父母慈愛捐。凝心感魑魅。慌惚難具言。一朝坐空室。雲霧生其閒。
 如聆笙竽韻。來自冥冥天。白日變幽晦。蕭蕭風景寒。簷楹慙明滅。五色光屬聯。
 觀者徒傾駭。躑躅詎敢前。須臾自輕舉。飄若風中煙。茫茫八紘大。影響無由緣。
 里胥上其事。郡守驚且歎。驅車領官吏。忙俗爭相先。入門無所見。冠屣同蛻蟬。
 皆云神仙事。灼灼信可傳。余聞古夏后。象物知神姦。山林民可入。烟燭莫逢旃。
 逶迤不復振。後世恣欺謾。幽明紛雜亂。人鬼更相殘。秦皇雖篤好。漢武洪其源。
 自從二王來。此禍竟連連。木石生怪變。狐狸鳴妖患。莫能盡性命。安得更長延。
 人生處萬類。知識最為賢。奈何不自信。反欲從物遷。往者不可悔。孤魂抱深冤。
 來者獨可誠。余言豈空文。人生有常理。男女各有倫。寒衣及餓食。在紡績耕耘。
 下以保子孫。上以奉君親。苟異於此道。皆為棄其身。噫乎彼寒女。永託異物羣。
 感傷遂成詩。味者宜書紳。

秋懷詩十一首

窗前兩好樹。衆葉光疑疑。秋風一披拂。策策鳴不已。微燈照空牀。夜半偏入耳。
 愁憂無端來。感歎成坐起。天明視顏色。與故不相似。羲和驅日月。疾急不可恃。
 浮世雖多塗。趨死惟一軌。胡為浪自苦。得酒且歡喜。

【二】 白露下百草。蕭蘭共雕悴。青青四牆下。已復生滿地。寒蟬暫寂寞。蟋蟀鳴自恣。運行無窮期。稟受氣苦異。適時各得所。松柏不必貴。

【三】 彼時何卒卒。我志何曼曼。犀首空好飲。廉頗尚能飯。學堂日無事。驅馬適所願。茫茫出門路。欲去聊自勸。歸還閱書史。文字浩千萬。陳跡竟誰尋。賤嗜非貴獻。丈夫意有在。女子乃多怨。

【四】 秋氣日惻惻。秋空日凌凌。上無枝上蠟。下無盤中蠅。豈不感時節。耳目去所憎。清曉卷書坐。南山見高稜。其下澄秋水。有蛟寒可習。惜哉不得往。豈謂吾無能。

【五】 離離掛空悲。感感抱虛警。露滋秋樹高。蟲弔寒夜永。斂退就新儒。趨營悼前猛。歸愚識夷塗。汲古得修綆。名浮猶有恥。味薄真自幸。庶幾遺悔尤。卽此是幽屏。

【六】 今晨不成起。端坐盡日景。蟲鳴室幽幽。月吐窗間間。爽懷若迷方。浮念劇含梗。

塵埃備伺候。文字浪馳騁。尙須勉其頑。王事有朝請。

【七】 秋夜不可晨。秋日苦易暗。我無汲汲志。何以有此憾。寒雞空在棲。缺月頗屢瞰。有琴具徽絃。再鼓聽愈淡。古聲久埋滅。無由見真濫。低心逐時趨。苦勉祇能暫。有如乘風船。一縱不可纜。不如觀文字。丹鉛事點勘。豈必求贏餘。所要石與飯。

【八】 卷卷落地葉。隨風走前軒。鳴聲若有意。顛倒相追奔。空堂黃昏暮。我坐默不言。童子自外至。吹燈當我前。問我我不應。饋我我不餐。退坐西壁下。讀詩盡數編。作者非今士。相去時已千。其言有感觸。使我復懷酸。願謂汝童子。置書且安眠。丈夫屬有念。事業無窮年。

【九】 霜風侵梧桐。衆葉著樹乾。空塔一片下。琤若摧琅玕。謂是夜氣滅。望舒置其團。青冥無依倚。飛轍危難安。驚起出戶視。倚楹久沈瀾。憂愁費晷景。日月如跳丸。迷復不計遠。爲君駐塵鞍。

【十】

暮暗來客去。羣鷺各收聲。悠悠偃宵寂。嚶嚶抱秋明。世累忽進慮。外憂遂侵誠。強懷張不滿。弱念缺已盈。詰屈避語窄。冥茫觸心兵。敗虜千金棄。得比寸草榮。知恥足爲勇。晏然誰汝令。

【十一】

鮮鮮霜中菊。既晚何用好。揚揚弄芳蝶。爾生還不早。運窮兩值遇。婉孌死相保。西風蟄龍蛇。衆木日凋槁。山來命分爾。泯滅豈足道。

赴江陵途中寄贈王二十補闕李十一拾遺李二十六員外翰林三學士

孤臣昔放逐。泣血追愆尤。汗漫不省誠。悅如乘桴浮。或自疑上疏。上疏豈其由。是年京師旱。田畝少所收。上憐民無食。征賦半已休。有司恤經費。未免煩徵求。富者既云急。貧者固已流。傳聞閭里閒。赤子棄渠溝。持男易斗粟。掉臂莫肯酬。我時出衢路。餓者何其稠。親逢道邊死。佇立久啜憂。歸舍不能食。有如魚中鉤。適會除御史。誠當得言秋。拜疏移閣門。爲忠寧自謀。上陳人疾苦。無令絕其喉。下陳幾句內。根本理宜優。積雪驗豐熟。幸寬待蠶絲。天子惻然感。司空歎綱繆。謂言卽施設。乃反遷炎州。同官盡才俊。偏善柳與劉。或慮語言洩。傳之落冤讐。二子不宜爾。將疑斷還不。中使臨門遣。頃刻不得留。病妹臥牀褥。分知隔明幽。

悲啼乞就別。百請不領頭。弱妻抱稚子。出拜忘慚羞。僂僂不廻顧。行行詣連州。朝爲青雲士。暮作白首囚。商山季冬月。冰凍絕行輜。春風洞庭浪。出沒驚孤舟。逾嶺到所任。低顏奉君侯。酸寒何足道。隨事生瘡疣。遠地觸途異。吏民似猿猴。生獐多忿很。辭舌紛嘲啁。白日屋簷下。雙鳴鬪鶴鷗。有蛇類兩首。有蠱羣飛游。窮冬或搖扇。盛夏或重裘。颺起最可畏。旬哮簸陵丘。雷霆助光怪。氣象難比侔。病疫忽潛遘。十家無一瘳。猜嫌動置毒。對案輒懷愁。前日遇恩赦。私心喜還愛。果然又羈繫。不得歸勸綬。此府雄且大。騰凌盡戈矛。棲棲法曹掾。何處事卑陬。生不企仁義。所學皆孔周。早知大理官。不列三后儔。何況親狂獄。敲榜發姦偷。懸知失事勢。恐自罹置罟。湘水清且急。涼風日脩脩。胡爲首歸路。旅泊尙夷猶。昨者京使至。嗣皇傳冕旒。赫然下明詔。首罪誅共毆。復聞顛天輩。蛾冠進鴻疇。班行再肅穆。瓊珮鳴琅璆。佇繼貞觀烈。邊封脫兜鍪。三賢推侍從。卓犖傾枚鄒。高議參造化。清文煥皇猷。協心輔齊聖。政理同毛鷗。小雅詠鹿鳴。食苹貴呦呦。遺風邈不嗣。豈憶吾同稠。失志早衰換。前期擬蜉蝣。自從齒牙缺。始慕舌爲柔。因疾鼻又塞。漸能等薰蕕。深思罷官去。畢命依松楸。空懷焉能果。但見歲已遒。殷湯閔禽獸。解網祝蛛蝥。雷煥掘寶劍。冤氛銷斗牛。茲道誠可尙。誰能借前籌。

殷勤謝吾友。明月非暗投。

暮行河堤上

暮行河堤上。四顧不見人。衰草際黃雲。感歎愁我神。夜歸孤舟臥。展轉空及晨。謀計竟何就。嗟嗟世與身。

夜歌

靜夜有清光。閉堂仍獨息。念身幸無恨。志氣方自得。樂哉何所憂。所憂非我力。

重雲一首李觀疾贈之

天行失其度。陰氣來干陽。重雲閉白日。炎煥成寒涼。小人但咨怨。君子惟憂傷。飲食為減少。身體豈寧康。此志誠足貴。懼非職所當。藜藿尚如此。肉食安可嘗。窮冬百草死。幽桂乃芬芳。且況天地閉。大運自有常。勸君善飲食。鸞鳳本高翔。

江漢一首答孟郊

江漢雖云廣。乘舟渡無艱。流沙信難行。馬足常往還。淒風結衝波。狐裘能禦寒。終宵處幽室。華燭光爛爛。苟能行忠信。可以居夷蠻。嗟余與夫子。此義每所敦。何為復見贈。繾綣在不諼。

長安交游者一首贈孟郊

長安交游者。貧富各有徒。親朋相遇時。亦各有以娛。陋室有文史。高門有笙竽。何能辨榮悴。且欲分賢愚。

岐山下

誰謂我有耳。不聞鳳皇鳴。却來岐山下。日暮邊鴻驚。丹穴五色羽。其名為鳳皇。昔周有盛德。此鳥鳴高岡。和聲隨祥風。宵窕相飄揚。聞者亦何事。但知時俗康。自從公旦死。千載闕其光。吾君亦勤理。遲爾一來翔。

韓昌黎詩集卷二

古詩

北極一首贈李觀

北極有羈羽。南溟有沈鱗。川原浩浩隔。影響兩無因。風雲一朝會。變化成一身。誰言道里遠。感激疾如神。我年二十五。求友昧其人。哀歌西京市。乃與夫子親。所向苟同趨。賢愚豈異倫。方為金石姿。萬世無緇磷。無為兒女態。憔悴悲賤貧。此日足可惜。一首贈張籍。

此日足可惜。此酒不足嘗。捨酒去相語。共分一日光。念昔未知子。孟君自南方。自矜有所得。言子有文章。我名屬相府。欲往不得行。思之不可見。百端在中腸。維時月魄死。冬日朝在房。驅馳公事退。聞子適及城。命車載之至。引坐於中堂。開懷聽其說。往往副所望。孔丘歿已遠。仁義路久荒。紛紛百家起。詭怪相披猖。長老守所聞。後生習爲常。少知誠難得。純粹古已亡。譬彼植園木。有根易爲長。謂之不遺去。館置城西旁。歲時未云幾。浩浩觀湖江。衆夫指之笑。謂我知不明。兒童畏雷電。魚鼈驚夜光。州家舉進士。選試繆所當。馳辭對我策。章句何煒煌。相公朝服立。工席歌鹿鳴。禮終樂亦闕。相拜送於庭。之子去須臾。赫赫流盛名。竊喜復竊歎。諒知有所成。人事安可恆。奄忽令我傷。聞子高第日。正從相公喪。哀情逢吉語。愉悅難爲雙。暮宿偃師西。徒展轉在牀。夜聞汴州亂。遠壁行務徨。我時留妻子。倉卒不及將。相見不復期。零落甘所丁。驕女未絕乳。念之不能忘。忽如在我所。耳若聞啼聲。中途安得返。一日不可更。俄有東來說。我家免罹殃。乘船下汴水。東去趨彭城。從喪朝至洛。還走不及停。假道經盟津。出入行澗岡。日西入軍門。羸馬顛且僵。主人願少留。延入陳壺觴。卑賤不敢辭。忽忽心如狂。飲食豈知味。絲竹徒轟轟。平明脫身去。決若鷲鳥翔。黃昏次汜水。欲過無舟航。

號呼久乃至。夜濟十里黃。中流上灘渾。沙水不可詳。驚波暗合沓。星宿爭翻芒。轅馬躑躅鳴。左右泣僕童。甲午憩時門。臨泉窺圖龍。東南出陳許。陂澤平茫茫。道邊草木花。紅紫相低昂。百里不逢人。角角雄雉鳴。行行二月暮。乃及徐南疆。下馬步隄岸。上船拜吾兄。誰云經艱難。百口無天殤。僕射南陽公。宅我睢水陽。篋中有餘衣。盡中有餘糧。閉門讀書史。窗戶忽已涼。日念子來遊。子豈知我情。別離未爲久。辛苦多所經。對食每不飽。共言無倦聽。連延三十日。晨坐達五更。我友二三子。宦遊在西京。東野窺馮穴。李翱觀濤江。蕭條千萬里。會合安可逢。淮之水舒舒。楚山直叢叢。子又捨我去。我懷焉所窺。男兒不再壯。百歲如風狂。高爵尙可求。無爲守一鄉。

幽懷

幽懷不能寫。行此春江潯。適與佳節會。士女競光陰。凝妝耀洲渚。繁吹蕩人心。閉關林中鳥。亦知和爲音。豆無一罇酒。自酌還自吟。但悲時易失。四序迭相侵。我歌君子行。視古猶視今。

君子法天運

君子法天運。四時可前知。小人惟所遇。寒暑不可期。利害有常勢。取捨無定姿。

焉能使我心。皎皎遠憂疑。

落葉一首送陳羽

落葉不更息。斷蓬無復歸。飄飄終自異。邂逅暫相依。悄悄深夜語。悠悠寒月輝。誰云少年別。流淚各霑衣。

歸彭城

天下兵又動。太平竟何時。評議者誰子。無乃失所宜。前年關中旱。閭井多死餓。去歲東郡水。生民爲流屍。上天不虛應。禍福各有隨。我欲進短策。無由至彤墀。列肝以爲紙。瀝血以書辭。上言陳堯舜。下言引龍夔。言詞多感激。文字少威蕤。一讀已自怪。再尋良自疑。食芹雖云美。獻御固已癡。絨封在骨髓。耿耿空自奇。昨者到京師。屢陪高車馳。周行多俊異。議論無瑕疵。見待頗異禮。未能去毛皮。到口不敢吐。徐徐俟其讎。歸來戎馬閒。驚顧似羈雌。連日或不語。終朝見相欺。乘間輒騎馬。茫茫詣空陂。遇酒卽酩酊。君知我爲誰。

醉後

煌煌東方星。奈此衆客醉。初喧或忿爭。中靜雜嘲戲。淋漓身上衣。顛倒筆下字。人生如此少。酒賤且勸置。

醉贈張祕書

人皆勸我酒。我若耳不聞。今日到君家。呼酒持勸君。爲此座上客。及余各能文。君詩多態度。藹藹春空雲。東野動驚俗。天葩吐奇芬。張籍學古淡。軒鶴避雞羣。阿買不識字。頗知書八分。詩成使之寫。亦足張吾軍。所以欲得酒。爲文俟其醺。酒味既泠冽。酒氣又氤氳。性情漸浩浩。諧笑方云云。此誠得酒意。餘外徒繽紛。長安衆富兒。盤饌羅羶葷。不解文字飲。惟能醉紅裙。雖得一餉樂。有如聚飛蚊。今我及數子。固無豬與薰。險語破鬼膽。高詞燒皇墳。至寶不雕琢。神功謝鋤耘。方今向太平。元凱承華勛。吾徒幸無事。庶以窮朝曛。

同冠峽

南方二月半。春物亦已少。維舟山水間。晨坐聽百鳥。宿雲尚含姿。朝日忽升曉。羈旅感和鳴。因拘念輕矯。潺湲淚久迸。詰曲思增繞。行矣且無然。蓋棺事乃了。

送惠師

惠師浮屠者。乃是不羈人。十五愛山水。超然謝朋親。脫冠翦頭髮。飛步遺蹤塵。發跡入四明。梯空上秋旻。遂登天台望。衆壑皆嶙峋。夜宿最高頂。舉頭看星辰。光芒相照燭。南北爭羅陳。茲地絕翔走。自然嚴且神。微風吹木石。澎湃聞韶鈞。

夜半起下視。溟波銜日輪。魚龍驚踊躍。叫嘯成悲辛。怪氣或紫赤。敲磨共輪困。金鷄既騰翥。六合俄清新。常聞禹穴奇。東去窺甌閩。越俗不好古。流傳失其真。幽蹤邈難得。聖路嗟長堙。廻臨浙江濤。屹起高峨岷。壯志死不息。千年如隔晨。是非竟何有。棄去非吾倫。凌江詣廬嶽。浩蕩極遊巡。崔嵬沒雲表。陂陀浸湖淪。是時雨初霽。懸瀑垂天神。前年往羅浮。步夏南海濱。大哉陽德盛。榮茂恆畱春。鵬翮噴長翻。鯨戲側脩鱗。自來連州寺。會未造城闔。日攜青雲客。探勝窮崖濱。太守邀不去。羣官請徒頻。囊無一金資。翻謂富者貧。昨日忽不見。我今訪其鄰。奔波自追及。把手問所因。顧我卻與歎。君寧異於民。離合自古然。辭別安足珍。吾聞九疑好。夙志今欲伸。斑竹啼舜婦。清湘沈楚臣。衡山與洞庭。此固道所循。尋崧方抵洛。歷華遂之秦。浮游靡定處。偶往即通津。吾言子當去。子道非吾遵。江魚不池活。野鳥難籠馴。吾非西方教。憐子狂且醇。吾嫉惰遊者。憐子愚且諄。去矣各異趣。何爲浪露巾。

送靈師

佛法入中國。爾來六百年。齊民逃賦役。高士著幽禪。官吏不之制。紛紛聽其然。耕桑日失隸。朝署時遺賢。靈師皇甫姓。胤胄本蟬聯。少小涉書史。早能三文篇。

中閒不得意。失跡成延遲。逸志不拘教。軒騰斷牽繫。圍棋圖白黑。生死隨機權。六博在一擲。臯盧叱廻旋。戰詩誰與敵。浩汗橫戈鋌。飲酒盡百錢。嘲諧思逾鮮。有時醉花月。高唱清且絲。四座咸寂默。杳如奏湘絃。尋勝不憚險。黔江屢洄沿。瞿塘五六月。驚電讓歸船。怒水忽中裂。千尋墮幽泉。環廻勢益急。仰見圓團天。投身豈得計。性命甘徒捐。浪沫蹙翻涌。漂浮再生全。同行二十人。魂骨俱坑填。靈師不掛懷。冒涉道轉延。開忠二州牧。詩賦時多傳。失職不把筆。珠璣爲君編。強畱費日月。密席羅嬋娟。昨者至林邑。使君數開筵。逐客三四公。盈懷贈蘭荃。湖游泛滄沆。溪宴駐潺湲。別語不許出。行裾動遭牽。鄰州競招請。書札何翩翩。十月下桂嶺。乘寒恣窺緣。落落王員外。爭迎獲其先。自從入賓館。占恡久能專。吾徒頗攜被。接宿窮歡妍。聽說西京事。分明皆眼前。縱橫雜謠俗。瑣屑成羅穿。材調真可惜。朱丹在磨研。方將斂之道。且欲冠其顛。韶陽李太守。高步陵雲煙。得客輒忘食。開囊乞繪錢。手持南曹鈔。字重青瑤鐫。古氣參象繫。高標摧太玄。維舟事干謁。披讀頭風痊。還如舊相識。傾壺暢幽悁。以此復畱滯。歸驂幾時鞭。

縣齋有懷

少小尙奇偉。平生足悲咤。猶嫌子夏儒。肯學樊遲稼。事業窺旱稷。文章蔑曹謝。

灑纓起江湖。綴珮雜蘭麝。悠悠指長道。去去策高駑。誰爲傾國媒。自許連城價。
 初隨計史賁。屢入澤宮射。雖免十上勞。何能一戰霸。人情忌殊異。世路多權詐。
 蹉跎顏遂低。摧折氣愈下。治長信非罪。侯生或遭罵。懷書出皇都。銜淚渡清灞。
 身將老寂寞。志欲死閒暇。朝食不盈腸。冬衣纔掩袴。軍書既頻召。戎馬乃連跨。
 大梁從相公。彭城赴僕射。弓箭圍狐兔。絲竹羅酒禽。兩府變荒涼。三年就休假。
 求官去東洛。犯雪過西華。塵埃紫陌春。風雨靈臺夜。名聲荷朋友。援引乏姻婭。
 雖陪彤庭臣。詎縱青冥靶。寒空聳危闕。曉色曜修架。捐軀辰在丁。鍛湖時方藉。
 投荒誠職分。領邑幸寬赦。湖波翻日車。嶺石坼天罅。毒霧恆熏晝。炎風每燒夏。
 雷威固已加。颶勢仍相借。氣象杳難測。聲音吁可怕。夷言聽未慣。越俗循猶乍。
 指摘兩憎嫌。睚眦互猜訝。祇緣恩未報。豈謂生足藉。嗣皇新繼明。率土日流化。
 惟思滌瑕垢。長去事桑柘。斷嵩開雲扃。壓額抗風樹。禾麥種滿地。梨棗栽繞舍。
 兒童稍長成。雀鼠得驅嚇。官租日輸納。村酒時邀迓。閒愛老農愚。歸弄小女姪。
 如今便可爾。何用畢婚嫁。

合江亭

紅亭枕湘江。蒸水會其左。瞰臨眇空闊。綠淨不可唾。維昔經營初。邦君實王佐。

窮林遷神祠。買地費家貨。梁棟宏可愛。結構麗匪過。伊人去軒騰。茲宇遂頽挫。
 老郎來何暮。高唱久乃和。樹蘭盈九畹。栽竹逾萬个。長綆汲滄浪。幽蹊下坎坷。
 波濤夜俯聽。雲樹朝對臥。初如遺宦情。終乃最郡課。人生誠無幾。事往悲豈奈。
 蕭條餘歲時。契闊繼庸懦。勝事誰復論。醜聲日已播。中丞黜凶邪。天子閔窮餓。
 君侯至之初。閭里自相賀。淹滯樂閒曠。勤苦勸慵惰。爲余掃塵階。命樂醉衆座。
 窮秋感平分。新月憐半破。願書巖上石。勿使泥塵洩。

陪杜侍御遊湘西兩寺獨宿有題一首因獻楊常侍

長沙千里平。勝地猶在險。況當江闊處。斗起勢匪漸。深林高玲瓏。青山上琬琰。
 路窮臺殿闕。佛事煥且儼。剖竹走泉源。開廊架崖廣。是時秋之殘。暑氣尙未斂。
 羣行忘後先。困息棄拘檢。客堂喜空涼。華榻有清簾。澗蔬煮蒿芹。水果剝菱芡。
 伊余夙所慕。陪賞亦云忝。幸逢車馬歸。獨宿門不掩。山樓黑無月。漁火燦星點。
 夜風一何喧。杉檜屢磨颯。猶疑在波濤。恍惕夢成壓。靜思屈原沈。遠憶賈誼貶。
 椒蘭爭妬忌。絳灌共譏詔。誰令悲生腸。坐使淚盈臉。翻飛乏羽翼。指摘困瑕玷。
 耳貂藩維重。政化類分陝。禮賢道何優。奉己事苦儉。大厦棟方隆。巨川楫行剡。
 經營誠少暇。遊宴固已歡。旅程愧淹留。徂歲嗟荏苒。平生每多感。柔翰遇頻染。

展轉嶺猿鳴，曙燈青映映。

岳陽樓別寶司直

洞庭九州開，厥大誰與讓。南匯羣崖水，北注何奔放。潞爲七百里，吞納各殊狀。自古澄不清，環混無歸向。炎風日搜攬，幽怪多冗長。軒然大波起，宇宙隘而妨。巍峩拔嵩華，騰踔較健壯。聲音一何宏，轟輻車萬兩。猶疑帝軒轅，張樂就空曠。蛟螭露荀蘆，縞練吹組帳。鬼神非人世，節奏頗跌踢。陽施見誇麗，陰閉感悽愴。朝回宜春口，極北缺隄障。夜籠巴陵洲，叢芮纔可傍。星河盡涵泳，俯仰迷上下。餘瀾怒不已，喧聒鳴甕盎。明登岳陽樓，輝煥朝日亮。飛廉戢其威，清晏息纖穢。泓澄湛凝綠，物影巧相況。江豚時出戲，驚波忽蕩漾。時當冬之孟，隙窾縮寒漲。前臨指近岸，側坐眇難望。滌濯神魂醒，幽懷舒以暢。主人孩童舊，握手乍忻悵。憐我竄逐歸，相見得無恙。開筵交履舄，爛漫倒家釀。杯行無停置，高柱送清唱。中盤進橙栗，投擲傾脯醬。歡窮悲心生，婉孌不能忘。念昔始讀書，志欲干霸王。屠龍破千金，爲藝亦云亢。愛才不擇行，觸事得譏謗。前年出官日，此禍最無妄。公卿探虛名，擢拜識天仗。姦猜畏彈射，斥逐恣欺誑。新恩移府庭，逼側厠諸將。于嗟苦駑緩，但恐失宜當。追思南渡時，魚腹甘所葬。嚴程迫風帆，劈箭入高浪。

顛沈在須臾，忠鯁誰復諒。生還真可喜，剋己自懲創。庶從今日後，粗識得與喪。事多改前好，趣有獲新尚。誓耕十畝田，不取萬乘相。細君知蠶織，稚子已能餉。行當挂其冠，生死君一訪。

送文暢師北游

昔在四門館，晨有僧來謁。自言本吳人，少小學城闕。已窮佛根源，粗識事規軌。攀拘屈吾真，戒轄思遠發。薦紳秉筆徒，聲譽耀前閥。從求送行詩，屢造忍顛蹶。今成十餘卷，浩汗羅斧鉞。先生閱窮巷，未得窺剖闕。又聞識大道，何路補剝削。出其囊中文，滿聽實清越。謂僧當少安，草序頗排訐。上論古之初，所以施賞罰。下開迷惑胸，穿豁刷株檠。僧時不聽瑩，若飲水救渴。風塵一出門，時日多如髮。三年竄荒嶺，守縣坐深樹。微租聚異物，詭製但巾屨。幽窮共誰語，思想甚含噉。昨來得京官，照壁喜見蝎。況逢舊親識，無不比鶴鰓。長安多門戶，弔慶少休歇。而能勤來過，重惠安可揭。當今聖政初，恩擇完鞞狨。胡爲不自暇，飄戾逐鷓鴣。僕射領北門，威德壓胡羯。相公鎮幽都，竹帛爛勳伐。酒場舞閨姝，獵騎圍邊月。開張篋中寶，自可得津筏。從茲富裘馬，寧復茹藜蕨。余期報恩後，謝病老耕笠。庇身指蓬茅，逞志縱獠獠。僧還相訪來，山藥煮可掘。

答張徹

辱贈不知報。我歌爾其聆。首敘始識面。次言後分形。道途縣萬里。日月垂十齡。凌郊避兵亂。睢岸連門停。肝膽一古劍。波濤兩浮萍。漬墨竄舊史。磨丹注前經。義苑手祕寶。文堂耳驚霆。喧晨躡露鳥。著夕眠風檣。結友子讓抗。請師我慚丁。初味猶噉蔗。遂通斯建瓴。搜奇日有富。嗜善心無寧。石梁平促促。沙水光泠泠。乘枯摘野豔。沈細抽潛腥。遊寺去陟巘。尋徑返穿汀。緣雲竹竦竦。失路麻冥冥。淫潦忽翻野。平蕪眇開溟。防泄塹夜塞。懼衝城晝扃。及去事戎轡。相逢宴軍伶。賦秋縱兀兀。獵旦馴駉駉。從賦始分手。朝京忽同煢。急時促暗棹。戀月留虛亭。畢事驅傳馬。安居守臆螢。梅花灞水別。宮燭驪山醒。省選逮投足。鄉賓尚推翎。塵祛又一摻。淚背還雙熒。洛邑得休告。華山窮絕陁。倚巖睨海浪。引袖拂天星。日駕此廻轄。金神所司刑。泉紳拖修白。石劍攢高青。磴蕪澁拳跼。梯颺颺伶俜。悔狂已咋指。垂誠仍鐫銘。峨豸忝備列。伏蒲愧分溟。微誠慕橫草。瑣力摧撞筵。疊雪走商嶺。飛波航洞庭。下險疑墮井。守官類拘囚。荒餐茹猿蠱。幽夢感湘靈。刺史肅著蔡。吏人沸蝗螟。點綴簿上字。趨踏閣前鈴。賴其他山水。得以娛瞻聽。紫樹雕裘疊。碧流滴瑞玲。映波鋪遠錦。插地列長屏。愁狄酸骨死。怪花醉魂馨。

潛苞絳實坼。幽乳翠毛零。赦行五百里。月變三十莢。漸階羣振鷺。入學誨螟蛉。萃甘謝鳴鹿。疊滿慚饜餅。罔罔抱瑚璉。飛飛聯鶴鷁。魚鬣欲脫背。虬光先照硯。豈獨出醜類。方當動朝廷。勳來得晤語。勿憚宿寒廳。

薦士

周詩三百篇。雅麗理訓誥。曾經聖人手。議論安敢到。五言出漢時。蘇李首更號。東都漸瀾漫。派別百川導。建安能者七。卓犖變風操。逶迤抵晉宋。氣象日凋耗。中間數鮑謝。比近最清奧。齊梁及陳隋。衆作等蟬噪。搜春摘花卉。沿襲傷剽盜。國朝盛文章。子昂始高蹈。物興得李杜。萬類困陵暴。後來相繼生。亦各臻闢奧。有窮者孟郊。受材實雄鷲。冥觀洞古今。象外逐幽好。橫空盤硬語。妥帖力排冪。敷柔肆紆餘。奮猛卷海濤。榮華肖天秀。捷疾逾響報。行身踐規矩。甘辱恥媚竈。孟軻分邪正。眸子看眊眊。杳然粹而清。可以鎮浮燥。酸寒溧陽尉。五十幾何老。孜孜營甘旨。辛苦久所冒。俗流知者誰。指注競嘲傲。聖皇索遺逸。髦士日登造。廟堂有賢相。愛遇均覆燾。況承歸與張。二公迭嗟悼。青冥送吹噓。強箭射魯縞。胡爲久無成。使以歸期告。霜風破佳菊。嘉節迫吹帽。念將決焉去。感物增戀嫪。彼微水中荇。尚煩左右芼。魯侯國至小。廟鼎猶納郛。幸當擇珉玉。寧有棄珪瑀。

悠悠我之思。擾擾風中議。上言愧無路。日夜惟心禱。鶴翎不天生。變化在啄菹。通波非難圖。尺地易可漕。善善不汲汲。後時徒悔懊。救死具八珍。不如一簞糒。微詩公勿誚。愷悌神所勞。

喜侯喜至贈張籍張徹

昔我在南時。數君長在念。搖搖不可止。諷詠日喟喟。如以膏濯衣。每漬垢逾染。又如心中疾。箴石非所砭。常思得遊處。至死無倦厭。地遐物奇怪。水鏡涵石劍。荒花窮漫亂。幽獸工騰閃。礙目不忍窺。忽忽坐昏墊。逢神多所祝。豈忘靈即驗。依依夢歸路。歷歷想行店。今者誠自幸。所懷無一欠。孟生去雖索。侯氏來還歎。欵眠聽新詩。屋角月豔豔。雜作承閒聘。交驚舌手稽。繽紛指瑕疵。拒捍阻城塹。以余經摧挫。固請發鉛槧。居然妄推讓。見謂熱天餒。比語徒妍。悚息不敢占。呼奴具盤餐。飭餽魚菜贍。人生但如此。朱紫安足惜。

古風

今日曷不樂。幸時不用兵。無日既蹙矣。乃尚可以生。彼州之賦。去汝不顧。此州之役。去我奚適。一邑之水。可走而遠。天下湯湯。曷其而歸。好我衣服。甘我飲食。無念百年。聊樂一日。

駉

駉駉誠齷齪。市者何其稠。力小苦易制。價微良易酬。渴飲一斗水。饑食一束芻。嘶鳴當大路。志氣若有餘。駉駉生絕域。自矜無匹儔。牽驅入市門。行者不為留。借問價幾何。黃金比嵩丘。借問行幾何。咫尺視九州。饑食玉山禾。渴飲醴泉流。問誰能為御。曠世不可求。惟昔穆天子。乘之極遐遊。王良執其轡。造父挾其轡。因言天外事。茫惚使人愁。駉駉謂駉駉。餓死余爾羞。有能必見用。有德必見收。孰云時與命。通塞皆自由。駉駉不敢言。低徊但垂頭。人皆劣駉駉。共以駉駉優。喟余獨與歎。才命不同謀。寄詩同心子。為我商聲謳。

馬厭穀

馬厭穀兮。士不厭糠粃。士被文繡兮。士無衽褐。彼其得志兮。不我虞。一朝失志。兮其何如。已焉哉。嗟嗟乎鄙夫。

出門

長安百萬家。出門無所之。豈敢尚幽獨。與世實參差。古人雖已死。書上有其辭。開卷讀且想。千載若相期。出門各有道。我道方未夷。且於此中息。天命不吾欺。

嗟哉董生行

淮水出桐柏。山東馳遙遙。千里不能休。淝水出其側。不能千里。百里入淮流。
 壽州屬縣有安豐。唐貞元時。縣人董生召南。隱居行義於其中。刺史不能薦。天
 子不聞名聲。爵祿不及門。門外惟有吏。日來徵租更索錢。嗟哉董生朝出耕。夜
 歸讀古人書。盡日不得息。或山而樵。或水而漁。入廚具甘旨。上堂問起居。父
 母不感感。妻子不咨咨。嗟哉董生孝且慈。人不識。惟有天翁知。生祥下瑞無時
 期。家有狗乳出求食。雞來哺其兒。啄啄庭中拾蟲蟻。哺之不食鳴聲悲。徬徨躑
 躅久不去。以翼來覆待狗歸。嗟哉董生誰將與儔。時之人。夫妻相虐。兄弟爲讐。
 食君之祿。而令父母愁。亦獨何心。嗟哉董無與儔。

烽火

登高望烽火。誰謂塞塵飛。王城富且樂。曷不事光輝。勿言日已暮。相見恐行稀。
 願君熟念此。秉燭夜中歸。我歌寧自感。乃獨淚霑衣。

汴州亂二首

汴州城門朝不開。天狗墮地聲如雷。健兒爭誇殺留後。連屋累棟燒成灰。
 諸侯咫尺不能救。孤士何者自興哀。

【二】

母從子走者爲誰。大夫夫人留後兒。昨日乘車騎大馬。坐者起趨乘者下。
 廟堂不肯用干戈。嗚呼奈汝母子何。

利劍

利劍光耿耿。佩之使我無邪心。故人念我寡徒侶。持用贈我比知音。我心如冰劍
 如雪。不能刺謾夫。使我心腐劍鋒折。決雲中斷開青天。噫劍與我俱變化歸黃泉。

觀

觀觀當世士。所憂在饑寒。但見賤者悲。不聞貴者歎。大賢事業異。遠抱非俗觀。
 報國心皎潔。念時涕洟瀾。妖姬坐左右。柔指發哀彈。酒肴雖日陳。感激寧爲歡。
 秋陰欺白日。泥潦不少乾。河隄決東郡。老弱隨驚湍。天意固有屬。誰能詰其端。
 願辱太守薦。得充諫諍官。排雲叫闕闔。披腹呈琅玕。致君豈無術。自進誠獨難。

韓昌黎詩集卷三

古詩

河之水二首寄子姪老成

河之水。去悠悠。我不如水東流。我有孤姪在海陬。三年不見兮。使我生憂。日復日。夜復夜。三年不見汝。使我鬢髮未老而先化。

【二】

河之水。悠悠去。我不知水東注。我有孤姪在海浦。三年不見兮。使我心苦。采。巖于山。緝魚于淵。我徂京師。不遠其還。

山石

山石犖确行徑微。黃昏到寺蝙蝠飛。昇堂坐階新雨足。芭蕉葉大支子肥。僧言古壁佛畫好。以火來照所見稀。鋪牀拂席置羹飯。疎糲亦足飽我饑。夜深靜臥百蟲絕。清月出嶺光入扉。天明獨去無道路。出入高下窮煙霏。山紅澗碧紛爛漫。時見松櫪皆十圍。當流赤足蹋澗石。水聲激激風吹衣。人生如此自可樂。豈必局束為人鞿。安得至老不更歸。

天星送楊凝郎中賀正

天星牢落雞喔咿。僕夫起餐車載脂。正當窮冬寒未已。借問君子行安之。會朝元正無不至。受命上宰須及期。侍從近臣有虛位。公今此去歸何時。泚泗交流贈張僕射

泚泗交流郡城角。築場千步平如削。短垣三面綠逶迤。擊鼓鼙騰樹赤旗。新秋朝涼未見日。公早結束來何爲。分曹決勝約前定。百馬攢蹄近相映。毳鷲杖奮合且離。紅牛纓紱黃金羈。側身轉臂著馬腹。霹靂應手神珠馳。超遙散漫兩閒暇。揮霍紛紜爭變化。發難得巧意氣麤。讙聲四合壯士呼。此誠習戰非爲劇。豈若安坐行良圖。當今忠臣不可得。公馬莫走須殺賊。

忽忽

忽忽乎余未知生之爲樂也。願脫去而無因。安得長翮大翼如雲生我身。乘風振奮出六合絕浮塵。死生哀樂兩相棄。是非得失付閒人。

鳴鴈

嗷嗷鴻鴈鳴且飛。窮秋南去春北歸。去寒就暖誠所依。天長地闊棲息稀。風霜酸苦稻粱微。毛羽摧落身不肥。徘徊反顧羣侶違。哀鳴欲下洲渚非。江南水闊朝雲多。草長沙軟無網羅。閒飛靜集鳴相和。遠憂懷惠性匪他。凌風一舉君謂何。

龍移

天昏地黑蛟龍移。雷驚電激雄雌隨。清泉百丈化爲土。魚鼈枯死吁可悲。

雉帶箭

原頭火燒靜兀兀，
地形漸窄觀者多，
將軍仰笑軍吏賀。

條山蒼

條山蒼，河水黃，

浪波汙汙去，松柏在山岡。

贈鄭兵曹

樽酒相逢十載前，
我材與世不相當，
杯行到君莫停手。

桃源圖

神仙有無何眇芒，
武陵太守好事者，
文工畫妙各臻極，
羸顛劉蹶了不聞。

君爲壯夫我少年，
戢鱗委翅無復望，
破除萬事無過酒。

樽酒相逢十載後，
當今賢俊皆周行。

我爲壯夫君白首，
君何爲乎亦遑遑。

桃源之說誠荒唐，
題封遠寄南宮下，
異境恍惚移於斯，
地坼天分非所恤。

清水盤迴山百轉，
南宮先生忻得之，
架巖鑿谷開宮室，
種桃處處惟開花。

生綃數幅垂中堂，
波濤入筆驅文辭，
接屋連牆千萬日，
川原近遠蒸紅霞。

初來猶自念鄉邑，
大蛇中斷喪前王，
當時萬事皆眼見，
月明伴宿玉堂空，
人間有累不可住，
世俗寧知僞與真。

東方半明

歲久此地還成家，
羣馬南渡開新主，
不知幾許猶流傳，
骨冷魂清無夢寐，
依然離別難爲情，
至今傳者武陵人。

漁舟之子來何所，
聽終辭絕共悽然，
爭持酒食來相饋，
夜半金雞啁晰鳴，
船開棹進一廻顧，

物色相猜更問語，
自說經今六百年，
禮數不同樽俎異，
火輪飛出客心驚，
萬里蒼蒼煙水暮。

東方半明大星沒，
殘月暉暉。

贈唐衢

虎有爪兮牛有角，
當今天子急賢良。

貞女峽

江盤峽束春湍豪，
漂船擺石萬瓦裂。

虎可搏兮牛可觸，
幽函朝出開明光。

雷風戰鬪魚龍逃，
咫尺性命輕鴻毛。

獨有太白配殘月，
雞三號。

嗟爾殘月勿相疑，
更五點。

奈何君獨抱奇材，
胡不上書自薦達。

懸流轟轟射水府。

一瀉百里翻雲濤。

同光共影須臾期。

手把鋤犁餓空谷，
坐令四海如虞唐。

贈侯喜

吾黨侯生字叔起，
溫水微茫絕又流。
我爲侯生不能已，
暫動還休未可期。
是日侯生與韓子，
半世遑遑就舉選。
便當提攜妻與子，
君欲釣魚須遠去。

古意

呼我持竿釣溫水，
深如車轍闊容轉。
盤針擘粒投泥滓，
蝦行蛭渡似皆疑。
良久歎息相看悲，
一名始得紅顏衰。
南入箕穎無還時，
大魚豈肯居沮洳。

平明鞭馬出都門，
蝦蟆跳過雀兒浴。
哺時堅坐到黃昏，
舉竿引線忽有得。
我今行事盡如此，
人閒事勢豈不見。
叔起君今氣力銳，

盡日行行荆棘裏，
此縱有魚何足求。
手倦目勞方一起，
一寸纔分鱗與鬣。
此事正好爲吾規，
徒自辛苦終何爲。
我言至切君勿嗤。

太華峰頭玉井蓮，

開花十丈藕如船，

冷比雪霜甘比蜜，

一片入口沈痾痊，

我欲求之不憚遠，

青壁無路難資緣，

安得長梯上摘實，

下種七澤根株連，

八月十五夜贈張功曹

纖雲四卷天無河，

清風吹空月舒波，

沙平水息聲影絕，

一杯相屬君當歌，

君歌聲酸辭且苦，

不能聽終淚如雨，

洞庭連天九疑高，

蛟龍出沒猖狂號，

十生九死到官所，

幽居默默如藏逃，

下牀畏蛇食畏藥，

海氣濕鬢熏腥臊，

昨者州前擗大鼓，

嗣皇繼聖登夔臯，

赦書一日行萬里，

罪從大辟皆除死，

遷者追廻流者還，

滌瑕蕩垢朝清班，

州家申名使家抑，

坎軻祇得移荆蠻，

判司卑官不堪說，

未免捶楚塵埃閒，

同時輩流多上道，

天路幽險難追攀，

君歌且休聽我歌，

我歌今與君殊科，

一年明月今宵多，

人生由命非由他，

有酒不飲奈明何，

謁衡嶽廟遂宿嶽寺題門樓

五嶽祭秩皆三公，
四方環鎮嵩當中。
噴雲泄霧藏半腹，
雖有絕頂誰能窮。
潛心默禱若有應，
豈非正直能感通。
紫蓋連延接天柱，
石廩騰擲堆祝融。
粉牆丹柱動光彩，
鬼物圖畫填青紅。
廟令老人識神意，
睢子偵伺能鞠躬。
窺逐蠻荒幸不死，
衣食纔足甘長終。
夜投佛寺上高閣，
星月掄映雲曠曠。

火維地荒足妖怪，
我來正逢秋雨節。
須臾靜掃衆峰出，
森然魄動下馬拜。
升堵僂僂薦脯酒，
手持杯琖導我擲。
侯王將相望久絕，
猿鳴鐘動不知曙。

天假神柄專其雄，
陰氣晦昧無清風。
仰見突兀撐青天，
松柏一逕趨靈宮。
欲以菲薄明其衷，
云此最吉餘難同。
神縱欲福難爲功，
杲杲寒日生於東。

陶樓山

陶樓山尖神禹碑，
事嚴跡秘鬼莫窺。
森森綠樹猿猱悲。

字青石赤形摹奇，
道人獨上偶見之。

科斗拳身薙倒披，
我來咨嗟涕漣漉。

鸞鳳泊擊虎螭，
千搜萬索何處有。

永貞行

君不見太皇諒陰未出令，
小人乘時偷國柄。
一朝奪印付私黨，
夜作詔書朝拜官。
元臣故老不敢語，
國家功高德且厚。
膺圖受禪登明堂，
郎官清要爲世稱。
江氛嶺祲昏若凝，
雄虺毒螫墮股肱。
吾嘗同僚情可勝。

小人乘時偷國柄，
懷懷朝士何能爲。
超資越序會無難，
晝臥涕泣何洩瀾。
天位未許庸夫干，
共流幽州鯨死羽。
荒郡迫野嗟可矜，
一蛇兩頭見未曾。
食中置藥肝心崩，
具書目見非妄徵。

北軍百萬虎與貔，
狐鳴梟噪爭署置。
公然白日受賄賂，
董賢三公誰復惜。
嗣皇卓犖信英主，
四門肅穆賢俊登。
湖波連天日相騰，
怪鳥鳴喚令人憎。
左右使令詐難遇，
嗟爾既往宜爲懲。

天子自將非他師，
眈眈跳跟相嫵媚。
火齊磊落堆金盤，
侯景九錫行可歎。
文如太宗武高祖，
數君匪親豈其朋。
蠻俗生梗瘴癘蒸，
蟲蠱羣飛夜撲燈。
慎勿浪信常兢兢。

洞庭湖阻風贈張十一署

十月陰氣盛，北風無時休。
蒼茫洞庭岸，與子維雙舟。
霧雨晦爭泄，波濤怒相投。
犬雞斷四聽，糧絕誰與謀。
相去不容步，險如礙山丘。
清談可以飽，夢想接無由。
男女喧左右，饑啼但啾啾。
非懷北歸興，何用勝羈愁。
雲外有白日，寒光自悠悠。
能令暫開霽，過是吾無求。

李花贈張十一署

江陵城西二月尾，
君知此處花何似。
朱輝散射青霞開，
對花豈省曾辭杯。
後日更老誰論哉。

花不見桃惟見李，
白花倒燭天夜明。
迷魂亂眼看不得，
自從流落憂感集。
力攜一罇獨就醉。

杏花

居鄰北郭古寺空，
二年流竄出嶺外。
浮花浪葉鎮長有，

杏花兩株能白紅，
所見草木多異同。
纔開還落瘴霧中，

曲江滿園不可到，
冬寒不嚴地恆泄。
山榭踟躕少意思，

看此寧避雨與風，
陽氣發亂無全功。
照耀黃紫徒爲叢，

鷓鴣鉤勒猿叫歇
今且胡爲忽惆悵

杳杳深谷攢青楓
萬片飄泊隨西東

豈如此樹一來甌
明年更發應更好

若在京國情何窮
道人莫忘鄰家翁

一六一二

感春四首

我所思兮在何所
春風吹園雜花開

情多地迴兮徧處處
朝日照屋百鳥語

東西南北皆欲往
三杯取醉不復論

千江隔兮萬山阻
一生長恨奈何許

【二】

皇天平分成四時
蜂喧鳥咽留不得
爲此徑須沾酒飲
屈原離騷二十五
幸逢堯舜明四目

春氣漫誕最可悲
紅萼萬片從風吹
自外天地棄不疑
不肯舖綴精與醜
條理品彙皆得宜

雜花妝林草蓋地
豈如秋霜雖慘冽
近憐李杜無檢束
惜哉此子巧言語
平明出門暮歸舍

白日座上傾天維
摧落老物誰惜之
瀾漫長醉多文辭
不到聖處寧非癡
酩酊馬上知爲誰

【三】

朝騎一馬出 曠就一牀臥
孤負平生心 已矣知何奈

詩書漸欲拋

節行久已惰

冠敝感髮禿

語誤驚齒墮

【四】

我恨不如江頭人
歸來歡笑對妻子
畫蛇著足無處用
數杯澆腸雖暫醉

長綯橫江遮紫鱗
衣食自給寧羞貧
兩鬢雪白趨埃塵
皎皎萬慮醒還新

獨宿荒陂射鳧鴈
今者無端讀書史
乾愁漫解坐自累
百年未滿不得死

賣納租賦官不嘔
智慧只足勞精神
與衆異趣誰相親
且可勤買拋青春

寒食日出遊

李花初發君始病
邇來又見桃與梨
紛紛落盡泥與塵
關山遠別固其理
豈料生還得一處
念君又署南荒吏
囊空飯倒誰救之
斷鶴兩翅鳴何哀
宋玉庭邊不見人
飲酒寧嫌觥底深

我往看君花轉盛
交開紅白如爭競
不共新妝比端正
寸步難見始知命
引袖拭淚悲且慶
路指鬼門幽且復
我今一食日還併
繫驥四足氣空橫
輕浪參差魚動鏡
題詩尙倚筆鋒勁

走馬城西惆悵歸
可憐物色阻攜手
桐華最晚今已繁
憶昔與君同貶官
各言生死兩追隨
三公盡是知音人
自然憂氣損天和
今朝寒食行野外
自嗟孤賤足瑕疵
明宵故欲相就醉

不忍千株雪相映
空展霜縑吟九詠
君不强起時難更
夜渡洞庭看斗柄
直置心親無貌敬
曷不薦賢陛下聖
安得康強保天性
綠楊匝岸蒲牙迸
特見放縱荷寬政
有月莫愁當火令

憶昨行和張十一

憶昨夾鍾之呂初吹灰。上公禮罷元侯迴。
 腰金首翠光照耀。絲竹迴發清以哀。
 張君名聲座所屬。起舞先醉長松摧。
 自期殞命在春序。屈指數日憐嬰孩。
 念昔從君渡湘水。大帆夜割窮高桅。
 踐蛇茹蠱不擇死。忽有飛詔從天來。
 近者三姦悉破碎。羽窟無底幽黃能。
 今君縱署天涯吏。投檄北去何難哉。
 頭輕目朗肌骨健。古劍新磨磨塵埃。
 嵩山東頭伊洛岸。勝事不假須穿栽。

車載牲牢甕鼻酒。青天白日花草麗。
 宿醒未解舊疾作。危辭苦語感我耳。
 陽山鳥路出臨武。伍文未捕崖州熾。
 眼中了了見鄉國。無妄之憂勿藥喜。
 殃銷禍散百福併。君當先行我待滿。

竝召賓客延鄰枚。玉學屢舉傾金甌。
 深室靜臥聞風雷。淚落不掄何漉漉。
 驛馬拒地驅頻隕。雖得赦宥恆愁猜。
 知有歸日眉方開。一善自足釀千災。
 從此直至耆與貽。沮溺可繼窮年推。

韓黎昌詩集卷四

古詩

劉生詩

生名師命其姓劉。	自少軒輊非常儔。	棄家如遺來遠遊。	東走梁宋暨揚州。
遂凌大江極東陬。	洪濤春天禹穴幽。	越女一笑三年醜。	南逾橫嶺入炎州。
青鯨高磨波山浮。	怪魅炫曜堆蛟虬。	山豭譁譟猩猩游。	毒氣爍體黃膏流。
問胡不歸良有由。	美酒傾水爲肥牛。	妖歌慢舞爛不收。	倒心廻腸爲青眸。
千金邀顧不可酬。	乃獨遇之盡綢繆。	瞥然一餉成十秋。	昔鬚未生今白頭。
五管徧歷無賢侯。	廻望萬里還家羞。	陽山窮邑惟猿猴。	手持釣竿遠相投。
我爲羅列陳前修。	芟蒿斬蓬利鋤耨。	天星廻環數纒周。	文學穰穰困倉糶。
車輕御良馬力優。	咄哉識路行勿休。	往取將相酬恩讐。	

鄭羣贈章

新州笛竹天下知。鄭君所寶尤瓊奇。
 攜來當畫不得臥。一府傳看黃瑠璃。

體堅色淨又藏節
自從五月困暑濕
日暮歸來獨惆悵
呼奴掃地鋪未了
倒身甘寢百疾愈

豐陵行

盡眼凝滑無瑕疵
如坐深甌遭蒸炊
有賣直欲傾家資
光彩照耀驚童兒
卻願天日恆炎曦

腰腹空大何能爲
慢膚多汗真相宜
卷送八尺含風漪
肅肅疑有清颿吹
贈子相好無時衰

羽衛煌煌一百里
是時新秋七月初
逾梁下阪笳鼓咽
皇帝孝心深且遠
臣聞神道尙清淨

遊青龍寺贈崔大補闕

曉出都門葬天子
金神按節炎氣除
蟬噪遂走玄宮闕
資送禮備無贏餘
三代舊制存諸書

羣臣雜沓馳後先
清風飄飄輕風灑
哭聲旬天百鳥噪
設官置衛鎖嬪妓
墓藏廟祭不可亂

宮官穰穰來不已
偃蹇旂旆卷以舒
幽坎晝閉空靈輿
供養朝夕象平居
欲言非職知何如

秋灰初吹季月管
光華閃壁見神鬼
魂翻眼倒忘處所

日出卯南暉景短
赫赫炎官張火傘
赤氣沖融無間斷

友生招我佛寺行
然雲燒樹火實駢
有如流傳上古時

正值萬株紅葉滿
金烏下啄赭虬卵
九輪照燭乾坤旱

二三道士席其間
桃源迷路竟茫茫
去歲羈帆湘水明
思君攜手安能得
惟君與我同懷抱
何人有酒身無事
南山逼冬轉清瘦

贈崔立之評事

靈液屢進頗黎盃
棗下悲歌徒纂纂
霜楓千里隨歸伴
今者相從敢辭懶
鋤去陵谷置平坦
誰家多竹門可款
刻畫圭角出崖巖

勿驚顏色變韶稚
前年嶺隅鄉思發
猿呼鵲啼鷓鴣啼
由來鈍騷寡參尋
年少得途未要忙
須知節候卽風寒
當憂復被冰雪埋

卻信靈仙非怪誕
躑躅成山開不算
側耳酸腸難澀澀
況是儒官飽閒散
時清諫疏尤宜罕
幸及亭午猶妍暖
汲汲來窺誠遲緩

崔侯文章苦捷敏
朝爲百賦由鬱怒
才豪氣猛易語言
勿嫌法官未登朝
念昔塵埃兩相逢
爾來但欲保封疆
頻蒙怨句刺棄遺

高浪駕天輪不盡
暮作千詩轉遒緊
往往蛟螭雜螻蛄
猶勝赤尉長趨尹
爭名齟齬持子楯
莫學龐涓怯孫臏
豈有閉官敢推引

會從關外來上都
搖毫擲簡自不供
知音自古稱難遇
時命雖乖心轉壯
子時專場誇勢距
竄逐新歸厭聞聞
深藏篋笥時一發

隨身卷軸車連軫
頃刻青紅浮海蜃
世俗乍見那妨晒
技能虛富家逾窘
余始張軍嚴鞞鞞
齒髮早衰嗟可閔
戢戢已多如束筭

可憐無益費精神，東馬嚴徐已奮飛。走章馳檄在得賢，勸君韜養待徵招。暉暉蒼日暖且鮮，能來取醉任喧呼。

送區弘南歸

穆昔南征軍不歸，野有象犀水貝璣。爰有區子焚焚暉，雖有不逮驅駢駢。離其母妻絕因依，騰跼衆駿事鞍機。開書拆衣淚痕晞，人生此難餘可祈。

有似黃金擲虛化，枚臯卽召窮且忍。燕雀紛拏要鷹隼，不用雕琢愁肝腎。擻擻井梧疎更殞，死後賢愚俱泯泯。

當今聖人求侍從，復聞王師西討蜀。竊料二塗必處一，牆根菊花好沽酒。高士例須憐麴蘖，

一六一八
拔擢杞梓收楛櫛，霜風冽冽摧蘭蕙。豈比恆人長蠢蠢，錢帛縱空衣可準。丈夫終莫生畦畛，

蟲沙猿鶴伏以飛，分散百寶入士稀。觀以葬訓或從違，或採子薄漁子磯。嗟我道不能自肥，佩服上色紫與緋。雖不救還情庶幾，子去矣時若發機。

洵洵洞庭莽翠微，我遷于南日周圍。我念前人譬葑菲，服役不辱言不譏。子雖勤苦終何希，獨子之節可嗟唏。朝暮盤羞側庭闈，辰沈海底氣昇霏。

九疑鑿天荒是非，來見者衆莫依稀。落以斧引以繹微，從我荊州來京畿。王都觀闕雙巍巍，母附書至妻寄衣。幽房無人感伊威，彩雉野伏朝扇暉。

處子窈窕王所妃，出送撫背我涕揮。

三星行

我生之辰，箕獨有神靈。三星各在天，

苟有令德隱不腴，行行正直慎脂韋。

況今天子鋪德威，業成志樹來顧顧。

蔽能者誅薦受機，我當爲子言天扉。

月宿南斗，牛奮其角。箕張其口，牛不見服箱。斗不挹酒漿，無善名已聞，無惡聲已讙。名聲相乘除，得失少有餘。

剝啄行

剝啄啄啄，有客至門。困于語言，窅窅深塹。其口益蕃，雖不開口。汝無復云，往追不及。

我不出應，客去而嘖。從者語我，子胡爲然。我不厭客，以堙其源。空堂幽幽，有積有莖。門以兩板，叢書於閒。彼寧可隨，此不可干。從者語我，嗟子誠難。子雖云爾，有萬其全。凡今之人，急名與官。子不引去，與爲波瀾。變化咀嚼，有鬼有神。今去不勇，其如後艱。我謝再拜，來不有年。

青青水中蒲三首

青青水中蒲，下有一雙魚。君今上隴去，我在與誰居。

【一】

青青水中蒲，長在水中居。寄語浮萍草，相隨我不如。

【二】

青青水中蒲，葉短不出水。婦人不下堂，行子在萬里。

孟東野失子并序

東野連產三子，不數日輒失之。幾老，念無後以悲，其友人昌黎韓愈懼其傷也，推天假其命以喻之。

失子將何尤，吾將上尤天。女實主下人，與奪一何偏。彼於女何有，乃令蕃且延。此獨何罪辜，生死旬日閒。上呼無時聞，滴地淚到泉。地祇爲之悲，瑟縮久不安。乃呼大靈龜，騎雲款天門。問天主下人，薄厚胡不均。天曰天地人，由來不相關。吾懸日與月，吾繫星與天。日月相噬嚼，星辰踏而顛。吾不女之罪，知非女由緣。且物各有分，孰能使之然。有子與無子，禍福未可原。魚子滿母腹，一一欲誰憐。細腰不自乳，舉族長孤鯨。鴟梟啄母腦，母死子始翻。蝮蛇生子時，坼裂腸與肝。好子雖云好，未還恩與勤。惡子不可說，鴟梟蝮蛇然。有子且勿喜，無子固勿歎。上聖不待教，賢聞語而遷。下愚聞語惑，雖教無由悛。大靈頓頭受，卽日以命還。

地祇謂大靈，女往告其人。東野夜得夢，有夫玄衣巾。闐然入其戶，三稱天之言。再拜謝玄夫，收悲以歡忻。

陸渾山火和皇甫湜用其韻

皇甫補官古賁渾	時當玄冬澤乾源	山狂谷狠相吐吞	風怒不休何軒軒
擺磨出火以自燔	有聲夜中驚莫原	天跳地踔顛乾坤	赫赫上照窮崖垠
截然高周燒四垣	神焦鬼爛無逃門	三光弛隳不復暾	虎熊麋豬逮猴猿
水龍躡龜魚與鼃	鴉鴟鳴鷹雉鶴鷄	燔魚煨燼孰飛奔	祝融告休酌卑尊
錯陳齊攻闢華園	芙蓉披猖塞鮮繁	千鍾萬鼓咽耳喧	攢雜啾噉沸騰垣
形幢絳旂紫纛旛	炎官熱屬朱冠禪	猱其肉皮通脛臂	頽胸捭腹車掀轆
緹顏韎股豹兩韃	霞車虹棚日轂幡	丹雘繚蓋緋緋帑	紅帷赤幕羅帳騰
盪池波風肉陵屯	谿衍鉅壑頰黎盆	豆登五山瀛四罇	熙熙醕醑笑語言
雷公擘山海水翻	齒牙嚼齧舌膠反	電光礮礮赭目暖	頊冥收威避玄根
斥棄輿馬背厥孫	縮身潛喘拳肩跟	君臣相憐加愛恩	命黑螭偵焚其元
天闕悠悠不可援	夢通上帝血面論	側身欲進叱於閭	帝賜九河滴涕痕
又詔巫陽反其魂	徐命之前問何冤	火行於冬古所存	我如禁之絕其殫

女丁婦壬傳世婚

一朝結誓奈後昆

時行當反慎藏蹲

視桃著花可小鶩

月及申酉利復怨

助汝五龍從九鯤

溺厥邑囚之崑崙

皇甫作詩止睡昏

辭誇出真遂上焚

要余和增怪又煩

雖欲悔舌不可捫

縣齋讀書

出宰山水縣

讀書松桂林

蕭條捐末事

邂逅得初心

哀狄醒俗耳

清泉潔塵襟

詩成有共賦

酒熟無孤斟

青竹時默釣

白雲日幽尋

南方本多毒

北客恆懼侵

謫譴甘自守

滯留愧難任

投章類縞帶

佇答逾兼金

新竹

筍添南增竹

日日成清閤

標節已儲霜

黃苞猶掄翠

出欄抽五六

當戶羅三四

高標陵秋嚴

貞色奪春媚

稀生巧補林

併出疑爭地

縱橫乍依行

爛漫忽無次

風枝未飄吹

霧粉先涵淚

何人可攜翫

清景空膠視

晚菊

少年飲酒時

踴躍見菊花

今來不復飲

每見恆咨嗟

佇立摘滿手

行行把歸家

此時無與語

棄置奈悲何

落齒

去年落一牙

今年落一齒

俄然落六七

落勢殊未已

餘存皆動搖

盡落應始止

憶初落一時

但念豁可恥

及至落二三

始憂衰即死

每一將落時

懷懷恆在已

又牙妨食物

顛倒怯漱水

終焉捨我落

意與崩山比

今來落既熟

見落空相似

餘存二十餘

次第知落矣

儻常歲落一

自足支兩紀

如其落併空

與漸亦同指

人言齒之落

壽命理難恃

我言生有涯

長短俱死爾

人言齒之豁

左右驚諦視

我言莊周云

木馬各有喜

語訛默固好

嚼廢軟還美

因歌遂成詩

持用詫妻子

哭楊兵部

陸欽州

人皆期七十

纔半豈蹉跎

併出知己淚

自然白髮多

晨興爲誰慟

還坐久滂沱

論文與晤語

已矣可如何

苦寒

四時各平分

一氣不可兼

隆冬奪春序

顛頑固不廉

太昊弛維綱

畏避但守謙

遂令黃泉下

萌牙天勾尖

草木不復抽

百味失苦甜

凶颺攪宇宙

鉞刃甚割砭

日月雖云尊

不能活烏蟾

羲和送日出

恒怯頻窺規

炎帝持祝融

呵噓不相炎

而我當此時

恩光何由沾

肌膚生鱗甲

衣被如刀鎌

氣寒鼻莫喚

血凍指不拈

濁膠沸入喉

口角如銜箝

將持匕箸食

觸指如排籤

侵鱸不覺暖

熾炭屢已添

探湯無所益。何況續與縑。虎豹儼穴中。蛟螭死幽潛。焚惑喪禮次。六龍冰脫髀。芒碭大包內。生類恐盡殲。啾啾窗間雀。不知己微纖。舉頭仰天鳴。所願暑刻淹。不如彈射死。卻得親魚鱗。鸞皇苟不在。爾固不在占。其餘蠢動儔。俱死誰恩嫌。伊我稱最靈。不能女覆苫。悲哀激憤歎。五藏難安恬。中宵倚牆立。淫淚何漸漸。天王哀無辜。惠我下顧瞻。褰旒去耳續。調和進梅鹽。賢能日登御。黜彼傲與儉。生風吹死氣。豁達如寒簾。懸乳零落墮。晨光入前簷。雪霜頓銷釋。土脈膏且黏。豈徒蘭蕙榮。施及艾與蒹。日夢行鏗鏘。風條坐稽稽。天乎苟其能。吾死意亦厭。

和虞部盧四汀酬翰林錢七徵赤藤杖歌

赤藤爲杖世未窺。臺郎始攜自瀆池。性命造次蒙扶持。途經百國皆莫識。君臣聚觀逐旌麾。繩橋柱過免傾墮。赤龍拔鬚血淋漓。又云羲和操火鞭。暎到西極睡所遺。幾重包裹自題署。不以珍怪誇荒夷。歸來捧贈同舍子。浮光照手欲把疑。空堂晝眠倚牖戶。飛電著壁搜蛟螭。南宮清深禁閑密。唱和有頰吹瓊篴。妍辭麗句不可繼。見寄聊且慰分司。

崔十六少府攝伊陽以詩及書見投因酬三十韻

崔君初來時。相識頗未慣。但聞赤縣尉。不比博士慢。賃屋得連牆。往來忻莫閒。我時亦新居。觸事苦難辦。蔬飧要同喫。破襖請來綻。謂言安堵後。貸借更何患。不知孤遺多。舉族仰薄宦。有時未朝餐。得米日已晏。隔牆聞讙呼。衆口極鵝鴈。前計頓乖張。居然見真贋。嬌兒好眉眼。袴脚凍兩脰。捧書隨諸兒。累累兩角舛。冬惟茹寒齏。秋始識瓜瓞。問之不言饑。飲若厭芻豢。才名三十年。久合居給諫。白頭趨走裏。閉口絕謗訕。府公舊同袍。拔擢宰山澗。寄詩雜諛俳。有類說鵬鷃。上言酒味酸。冬衣竟未撰。下言人吏稀。惟足彪與彪。又言致豬鹿。此語乃善幻。三年國子師。腸肚習藜藿。況住洛之涯。魴鱸可罩訕。肯效屠門嚼。久嫌弋者篡。謀拙日焦拳。活計似鋤剗。男寒澁詩書。妻瘦剩腰攢。爲官不事職。厥罪在欺謾。行當自効去。漁釣老葭葦。歲窮寒氣驕。冰雪滑橙棧。音問難屢通。何由覲清盼。

送侯參謀赴河中幕

憶昔初及第。各以少年稱。君頤始生鬚。我齒清如冰。爾時心氣壯。百事謂己能。一別詎幾何。忽如隔晨興。我齒豁可鄙。君顏老可憎。相逢風塵中。相視迭嗟矜。幸同學省官。末路再得朋。東司絕教授。遊宴以爲恆。秋漁蔭密樹。夜博然明燈。雪逕抵樵叟。風廊折談僧。陸渾桃花開。有湯沸如蒸。三月崧少步。躑躅紅千層。

洲沙厭晚坐。嶺壁窮晨昇。沈冥不計日。爲樂不可勝。遷滿一已異。乖離坐難遇。行行事結束。人馬何躊躇。感激生膽勇。從軍豈嘗會。沈沈司徒公。天子爪與肱。提師十萬餘。四海欽風稜。河北兵未進。蔡州帥新薨。曷不請掃除。活彼黎與蒸。鄙夫誠怯弱。受恩愧徒弘。猶思脫儒冠。棄死取先登。又欲面言事。上書求詔徵。侵官固非是。妄作譴可懲。惟當待責免。耕斲歸溝塍。今君得所附。勢若脫羸鷹。檄筆無與讓。幕謀職其膺。收績開史牒。翰飛逐溟鵬。男兒貴立事。流景不可乘。歲老陰沴作。雲頹雪翻崩。別袖拂落水。征車轉峻陵。癡如遇寒蠅。勤勤酒不進。勉勉恨已仍。送君出門歸。愁腸若牽繩。默坐念語笑。癡如遇寒蠅。策馬誰可適。晤言誰爲應。席塵惜不掃。殘樽對空凝。信知後會時。日月展環緝。生期理行役。歡緒絕難承。寄書惟在頻。無恡簡與繪。

東都遇春

少年氣真狂。有意與春競。行逢二三月。九州花相映。川原曉服鮮。桃李晨妝靚。荒乘不知疲。醉死豈辭病。飲噉惟所便。文章倚豪橫。爾來會幾時。白髮忽滿鏡。舊游喜乖張。新輩足嘲評。心腸一變化。羞見時節盛。得閒無所作。貴欲辭視聽。深居疑避仇。默臥如當瞑。朝曦入牖來。鳥喚昏不醒。爲生鄙計算。鹽米肯屢罄。

坐疲都忘起。冠側頓復正。幸蒙東都宮。獲離機與穽。乖慵遭傲僻。漸染生弊性。既去焉能追。有來猶莫聘。有船魏王池。往往縱孤泳。水容與天色。此處皆綠淨。岸樹共紛披。渚牙相緯經。懷歸苦不果。卽事取幽迸。貪求匪名利。所得亦已併。悠悠度朝昏。落落捐季孟。羣公一何賢。上戴天子聖。謀謨收禹績。四面出雄勁。轉輸非不勤。稽逋有軍令。在庭百執事。奉職各祇敬。我獨胡爲哉。坐與億兆慶。譬如籠中鳥。仰給活性命。爲詩告友生。負愧終究竟。

感春五首

辛夷高花最先開。青天露坐始此廻。已呼孺人夏鳴瑟。更遣稚子傳清杯。選壯軍興不爲用。坐狂朝論無由陪。如今到死得閒處。還有詩賦歌康哉。

【二】

洛陽東風幾時來。川波岸柳春全廻。宮門一鎖不復啓。雖有九陌無塵埃。策馬上橋朝日出。樓闕赤白正崔嵬。孤吟屢閱莫與和。寸恨至短誰能裁。

【三】

春田可耕時已催。王師北討何當廻。放車載草農事濟。戰馬苦饑誰念哉。蔡州納節舊將死。起居諫議聯翩來。朝廷未省有遺策。肯不垂意餅與羹。

【四】

前隨杜尹拜表廻。笑言溢口何歡哈。孔丞別我適臨汝。風骨峭峻遺塵埃。音容不接祇隔夜。凶計詎可相尋來。天公高居鬼神惡。欲保性命誠難哉。

【五】

辛夷花房忽全開。將衰正盛須頻來。清晨輝輝燭霞日。薄暮耿耿和煙埃。朝明夕暗已足歡。況乃滿地成摧頹。迎繁送謝別有意。誰肯留念少環廻。

相公罷論道。聿至活東人。御史坐言事。作吏府中塵。遂令河南治。今古無儔倫。四海日富庶。道途隘歸輪。府西三百里。候館同魚鱗。相公謂御史。勞子去自巡。是時山水秋。光景何鮮新。哀鴻鳴清耳。宿霧褰高旻。遣我行旅詩。軒軒有風神。譬如黃金盤。照耀荆璞真。我來亦已幸。事賢友其仁。持竿洛水側。孤坐屢窮辰。多才自勞苦。無用祇因循。辭免期匪遠。行行及山春。

燕河南府秀才

吾皇紹祖烈。天下再太平。詔下諸郡國。歲貢鄉曲英。元和五年冬。房公尹東京。功曹上言公。是月當登名。乃選二十縣。試官得鴻生。羣儒負己材。相賀簡擇精。

怒起簸羽翻。引吭吐鏗轟。此都自周公。文章繼名聲。自非絕殊尤。難使耳目驚。今者遭震薄。不能出聲鳴。鄙夫忝縣尹。愧慄難爲情。惟求文章寫。不敢妬與爭。還家救妻兒。具此煎魚烹。柿紅蒲萄紫。肴果相扶檠。芳茶出蜀門。好酒濃且清。何能充歡燕。庶以露厥誠。昨聞詔書下。權公作邦棋。文人得其職。文道當大行。陰風攪短日。冷雨澁不晴。勉哉戒徒馭。家國遲子榮。

送李翱

廣州萬里途。山重江逶迤。行行何時到。誰能定歸期。揖我出門去。顏色異恆時。雖云有追送。足跡絕自茲。人生一世閒。不自張與施。譬如浮江木。縱橫豈自知。寧懷別時苦。勿作別後思。

送石處士赴河陽幕

長把種樹書。人云避世士。忽騎將軍馬。自號報恩子。風雲入壯懷。泉石別幽耳。鉅鹿師欲老。常山險猶恃。豈惟彼相憂。固是吾徒恥。去去事方急。酒行可以起。

送湖南李正字歸

長沙入楚深。洞庭值秋晚。人隨鴻鴈少。江共蒹葭遠。歷歷余所經。悠悠子當返。孤遊懷耿介。旅宿夢婉婉。風土稍殊音。魚蝦日異飯。親交俱在此。誰與同息偃。

韓昌黎詩集卷五

古詩

辛卯年雪

元和六年春。寒氣不肯歸。河南二月末。雪花一尺圍。崩騰相排拶。龍鳳交橫飛。波濤何飄揚。天風吹旛旒。白帝盛羽衛。鬢髮振裳衣。白霓先啓途。從以萬王妃。翁翁陵厚載。譁譁弄陰機。生平未曾見。何暇議是非。或云豐年祥。飽食可庶幾。善禱吾所慕。誰言寸誠微。

醉置東野

昔年因讀李白杜甫詩。長恨二人不相從。吾與東野生並世。如何復躡二子蹤。東野不得官。白首誇龍鍾。韓子稍姦黠。自慚青蒿倚長松。低頭拜東野。願得終始如駘蚤。東野不迴頭。有如寸筵撞鉅鍾。我願身為雲。東野變為龍。四方上下逐東野。雖有離別無由逢。

李花二首

平旦入西園

梨花數株若矜夸

旁有一株李

顏色慘慘似含嗟

問之不肯道所以

獨繞百匝至日斜

忽憶前時經此樹

正見芳意初萌芽

奈何趁酒不省錄

不見玉枝攢霜葩

泫然為汝下雨淚

無由反旆羲和車

東風來吹不解顏

蒼茫夜氣生相遮

冰盤夏薦碧實脆

斥去不御慚其花

【二】

當春天地爭奢華

洛陽園苑尤紛拏

誰將平地萬堆雪

剪刻作此連天花

日光赤色照未好

明月暫入都交加

夜領張徹投盧仝

乘雲共至玉皇家

長姬香御四羅列

綺裙練帨無等差

靜濯明妝有所奉

願我未肯置齒牙

清寒瑩骨肝膽醒

一生思慮無由邪

招揚之罌

柏生兩石閒。萬歲終不大。野馬不識人。難以駕車蓋。柏移就平地。馬羈入廐中。馬思自由悲。柏有傷根容。傷根柏不死。千丈日以至。馬悲罷還樂。振迅矜鞍轡。之罌南山來。文字得我驚。館置使讀書。日有求歸聲。我令之罌歸。失得柏與馬。之罌別我去。計出柏馬下。我自之罌歸。入門思而悲。之罌別我去。能不思我為。灑掃縣中居。引水經竹閒。蠶澤所不及。何異山中閒。前陳百家書。食有肉與魚。

先王遺文章。綴緝實在余。禮稱獨學陋。易貴不遠復。作詩招之累。晨夕抱饑渴。

一六三二

寄盧仝

玉川先生洛城裏。	破屋數間而已矣。	一奴長鬚不裹頭。	一婢赤脚老無齒。
辛勤奉養十餘人。	上有慈親下妻子。	先生結髮憎俗徒。	閉門不出動一紀。
至今鄰僧乞米送。	僕忝縣尹能不恥。	俸錢供給公私餘。	時致薄少助祭祀。
勸參畱守謁大尹。	言語讒及輒掩耳。	水北山人得名聲。	去年去作幕下士。
水南山人又繼往。	鞍馬僕從塞閭里。	少室山人索價高。	兩以諫官徵不起。
彼皆刺口論世事。	有力未免遭驅使。	先生事業不可量。	惟用法律自繩己。
春秋三傳束高閣。	獨抱遺經究終始。	往年弄筆嘲同異。	怪辭驚衆謗不已。
近來自說尋坦途。	猶上虛空跨綠駟。	去歲生兒名添丁。	意令與國充耘耔。
國家丁口連四海。	豈無農夫親耒耜。	先生抱才終大用。	宰相未許終不仕。
假如不在陳力列。	立言垂範亦足恃。	苗裔當蒙十世宥。	豈謂貽厥無基趾。
故知忠孝生天性。	潔身亂倫安足擬。	昨晚長鬚來下狀。	隔牆惡少惡難似。
每騎屋山下窺闕。	渾舍驚怕走折趾。	憑依婚媾欺官吏。	不信令行能禁止。
先生受屈未曾語。	忽此來告良有以。	嗟我身為赤縣令。	操權不用欲何俟。

立召賊曹呼伍伯。	盡取鼠輩尸諸市。	先生又遣長鬚來。	如此處置非所喜。
況又時當長養節。	都邑未可猛政理。	先生固是余所畏。	度量不敢窺涯涘。
放縱是誰之過歟。	效尤戮僕愧前史。	買羊沽酒謝不敏。	偶逢明月曬桃李。
先生有意許降臨。	更遣長鬚致雙鯉。		

酬司門盧四兄雲夫院長望秋作

長安雨洗新秋出。	極目寒鏡開塵函。	終南曉望躡龍尾。	倚天更覺青巖巖。
自知短淺無所補。	從事久此穿朝衫。	歸來得便即遊覽。	暫似壯馬脫重銜。
曲江荷花蓋十里。	江湖生思自莫緘。	樂遊下囑無遠近。	綠槐萍合不可芟。
白首寓居誰借問。	平地寸步肩雲巖。	雲夫吾兄有狂氣。	嗜好與俗殊酸鹹。
日來省我不肯去。	論詩說賦相喃喃。	望秋一章已驚絕。	猶言低抑避謗讒。
若使乘酣騁雄怪。	造化何以當鑄劊。	嗟我小生值強伴。	怯膽變勇神明鑿。
馳坑跨谷終未悔。	爲利而止真貪餽。	高揖羣公謝名譽。	遠追甫白感至誠。
樓頭完月不共宿。	其奈就缺行攔攔。		

誰氏子

非癡非狂誰氏子。	去入王屋稱道士。	白頭老母遮門啼。	挽斷衫袖畱不止。
----------	----------	----------	----------

翠眉新婦年二十，載送還家哭穿市。
 又云時俗輕尋常，力行險怪取貴仕。
 聖君賢相安可欺，乾死窮山竟何俟。
 罰一勸百政之經，不從而誅未晚爾。
 或云欲學吹鳳笙，神仙雖然有傳說。
 鳴呼余心誠豈弟，誰其友親能哀憐。
 所慕靈妃媿蕭史，知者盡知其妄矣。
 願往教誨究終始，寫吾此詩持送似。

河南令舍池臺

灌池纔盈五六丈，築臺不過七八尺。
 規摹雖巧何足誇，景趣不遠真可惜。
 欲將層級壓離落，未許波瀾量斗碩。
 長令人吏遠趨走，已有蛙黾助狼藉。

送無本師歸范陽

無本於爲文，身大不及膽。吾嘗示之難，勇往無不敢。
 衆鬼囚大幽，下觀嬰玄宮。天陽照四海，注視首不頷。
 夫豈能必然，固已謝黠黠。狂詞肆滂葩，低昂見舒慘。
 蜂蟬碎錦纈，綠池披菌萑。芝英擢荒秦，孤翻起連莢。
 來尋吾何能，無殊嗜昌歎。始見洛陽春，桃枝綴紅糝。
 老懶無關心，久不事鉛槧。欲以金帛酬，舉室常顛顛。
 憐颺攪空衢，天地與頓撼。勉率吐歌詩，慰女別後覽。
 念當委我去，霜雪刻以憎。

石鼓歌

張生手持石鼓文，勸我試作石鼓歌。
 周綱陵遲四海沸，宣王憤起揮天戈。
 蒐于岐陽聘雄俊，萬里禽獸皆遮羅。
 從臣才藝咸第一，揀選撰刻留山阿。
 公從何處得紙本，毫髮盡備無差訛。
 年深豈免有缺畫，快劍斫斷生蛟鼉。
 金繩鐵索鎖紐壯，古鼎躍水龍騰梭。
 孔子西行不到秦，倚撫星宿遺羲娥。
 憶昔初蒙博士徵，其年始改稱元和。
 濯冠沐浴告祭酒，如此至寶存豈多。
 薦諸大廟比部鼎，光價豈止百倍過。
 觀經鴻都尚填咽，坐見舉國來奔波。
 大厦深簷與蓋覆，經歷久遠期無佗。
 牧童敲火牛礪角，誰復著手爲摩挲。
 少陵無人謫仙死，大開明堂受朝賀。
 鐫功勒成告萬世，雨淋日炙野火燎。
 鸞翔鳳翥衆仙下，辭嚴義密讀難曉。
 陋儒編詩不收入，嗟余好古生苦晚。
 故人從軍在右輔，旆苞席裏可立致。
 聖恩若許預太學，刻苔剔蘚露節角。
 中朝大官老於事，日消月鑠就埋沒。
 才薄將奈石鼓何，諸侯劍珮鳴相磨。
 鑿石作鼓墜嵯峨，鬼物守護煩搗呵。
 字體不類隸與科，珊瑚碧樹交枝柯。
 二雅褊迫無委蛇，對此涕淚雙滂沱。
 爲我量度掘臼科，十鼓祗載數駱駝。
 諸生講解得切磋，安置妥帖平不頗。
 詎肯感激徒媿媿，六年西顧空吟哦。

羲之俗書趁姿媚。數紙尙可博白鵝。
 方今太平日無事。柄任儒術崇丘柯。
 石鼓之歌止於此。嗚呼吾意其蹉跎。
 繼周八代爭戰罷。無人收拾理則那。
 安能以此上論列。願借辯口如懸河。

雙鳥詩

雙鳥海外來。飛飛到中州。一鳥落城市。一鳥集巖幽。
 兩鳥各閉口。萬象銜口頭。春風卷地起。百鳥皆飄浮。
 有耳聒皆聾。有口反自羞。百舌舊饒聲。從此恆低頭。
 雷公告天公。百物須膏油。自從兩鳥鳴。聒亂雷聲收。
 草木有微情。挑抉示九州。蟲鼠誠微物。不堪苦誅求。
 不停兩鳥鳴。自此無春秋。不停兩鳥鳴。日月難旋轉。
 周公不爲公。孔丘不爲丘。天公怪兩鳥。各捉一處囚。
 兩鳥既別處。閉聲省愆尤。朝食千頭龍。暮食千頭牛。
 還當三千秋。更起鳴相酬。朝食千頭牛。朝飲河生塵。
 暮飲海絕流。

贈劉師服

羨君齒牙牢且潔。大肉硬餅如刀截。我今呀豁落者多。所存十餘皆兀臄。

匙抄爛飯穩送之。

合口軟嚼如牛嚼。

妻兒恐我生恨望。

盤中不釘粟與梨。

祇今年纔四十五。

後日懸知漸莽鹵。

朱顏皓頰訝莫親。

此外諸餘誰更數。

憶昔太公仕進初。

口含兩齒無羸餘。

虞翻十三比豈少。

遂自愧恨形於書。

丈夫命存百無害。

誰能點檢形骸外。

巨縉束釣儻可期。

與子共飽鯨魚膾。

題炭谷湫祠堂

萬生都陽明。幽暗鬼所寰。嗟龍獨何智。出入人鬼間。
 厥處平地水。巢居插天山。列峰若攢指。石孟仰環環。
 森沈固含蓄。本以儲陰姦。魚鼈蒙擁護。羣嬉傲天顏。
 祠堂像侔真。擢玉紆煙鬢。羣怪儼伺候。恩威在其顏。
 寄立尺寸地。敢言來途艱。吁無吹毛刃。血此牛蹄殷。
 林叢鎮冥冥。窮年無由刪。妍英雜豔實。星瑣黃朱斑。
 龍區雜衆碎。付與宿已頽。棄去可奈何。吾其死茅菅。
 石級皆險滑。顛躋莫牽攀。

聽穎師彈琴

昵呢兒女語。恩怨相爾汝。劃然變軒昂。勇士赴敵場。
 天地闊遠隨飛揚。喧啾百鳥羣。忽見孤鳳凰。躋攀分寸不可上。

失勢一落千丈強。

嗟余有兩耳。未省聽絲篴。自聞穎師彈。起坐在一旁。推手遽止之。濕衣淚滂滂。穎乎爾誠能。無以冰炭置我腸。

送陸暢歸江南

舉舉江南子。名以能詩聞。一來取高第。官佐東宮軍。迎婦丞相府。誇映秀士羣。鸞鳴桂樹閒。觀者何繽紛。人事喜顛倒。且夕異所云。蕭蕭青雲幹。遂逐荆棘焚。歲晚鴻鴈過。鄉思見新文。踐此秦關雪。家彼吳洲雲。悲啼上車女。骨肉不可分。感慨都門別。丈夫酒方醺。我實門下士。力薄納與蚊。受恩不即報。永負湘中墳。

送進士劉師服東歸

猛虎落檻穽。坐食如孤獮。丈夫在富貴。豈必守一門。公心有勇氣。公口有直言。奈何任埋沒。不自求騰軒。僕本亦進士。頗嘗究根源。由來骨鯁材。喜被軟弱吞。低頭受侮笑。隱忍肆兀冤。泥雨城東路。夏槐作雲屯。還家雖闕短。指日親晨飧。攜持令名歸。自足貽家食。時節不可翫。親交可攀援。勉來取金紫。勿久休中園。

嘲魯連子

魯連細而黠。有似黃鶴子。田巴兀老蒼。憐汝矜爪嘴。開端要驚人。雄跨吾厭矣。高拱禪鴻聲。若輟一杯水。獨稱唐虞賢。願未知之耳。

贈張籍

吾老著讀書。餘事不掛眼。有兒雖甚憐。教示不免簡。君來好呼出。跟隨越門限。懼其無所知。見則先愧赧。昨因有緣事。上馬揮手版。置君住廳食。使立侍盤饌。薄暮歸見君。迎我笑而莞。指渠相賀言。此是萬金產。吾愛其風骨。粹美無可揀。試將詩義授。如以肉貫串。開袂露毫末。自得高蹇蹇。我身蹈丘軻。爵位不早縮。固宜長有人。文章紹編刻。感荷君子德。悅若乘朽棧。召令吐所記。解摘了瑟僞。顧視窗壁閒。親戚競覘覘。喜氣排寒冬。逼耳鳴睨睨。如今更誰恨。便可耕瀟瀟。

調張籍

李杜文章在。光焰萬丈長。不知羣兒愚。那用故謗傷。蚍蜉撼大樹。可笑不自量。伊我生其後。舉頭遙相望。夜夢多見之。晝思反微茫。徒觀斧鑿痕。不囑治水航。想當施手時。巨刃磨天揚。垠崖劃崩豁。乾坤擺雷礮。惟此兩夫子。家居率荒涼。帝欲長吟哦。故遣起且僵。翦翎送籠中。使看百鳥翔。平生千萬篇。金薤垂琳琅。仙官敕六丁。雷電下取將。流落人間者。太山一豪芒。我願生兩翅。捕逐出八荒。精誠忽交通。百怪入我腸。刺手拔鯨牙。舉瓢酌天漿。騰身跨汗漫。不著織女襄。願語地上友。經營無太忙。乞君飛霞佩。與我高頽頽。

盧郎中雲夫寄示送盤谷子詩兩章歌以和之

昔尋李愿向盤谷。正見高崖巨壁爭開張。是時新晴天井溢。誰把長劍倚太行。
 衝風吹破落天外。飛雨白日灑洛陽。東蹈燕川食曠野。有饋木蕨芽滿筐。
 馬頭溪深不可厲。窮探極覽頗恣橫。借車載過水入箱。平沙綠浪榜方口。
 窮探極覽頗恣橫。物外日月本不忙。歸來辛苦欲誰爲。鴈鴨飛起穿垂楊。
 閉門長安三日雪。推書撲筆歌慨慷。旁無壯士遣屬和。坐令再往之計墮眇芒。
 開緘忽覩送歸作。字向紙上皆軒昂。又知李侯竟不顧。遠憶盧老詩顛狂。
 我今進退幾時決。十年蠶蠹隨朝行。家請官供不報答。方冬獨入崔嵬藏。
 行抽手版付丞相。不待彈劾還耕桑。無異雀鼠偷太倉。

寄皇甫湜

敲門驚晝睡。問報睦州吏。手把一封書。上有皇甫字。
 昏昏還就枕。惘惘夢相值。悲哉無奇術。安得生兩翅。
 病中贈張十八。拆書放牀頭。涕與淚垂四。
 中虛得暴下。避冷臥北窗。不蹋曉鼓朝。安眠聽逢逢。
 文章自娛戲。金石日擊撞。龍文百斛鼎。筆力可獨扛。
 籍也處閭里。抱能未施邦。談舌久不掉。非君亮誰雙。

扶几導之言。曲節初推攢。半塗喜開整。派別失大江。
 牛羊滿田野。解旆束空杠。傾樽與斟酌。四壁堆豐缸。
 夜闌縱捭闔。哆口疎眉厖。勢侔高陽翁。坐約齊橫降。
 將歸乃徐謂。子言得無爽。迴軍與角逐。斫樹收窮龐。
 君乃崑崙渠。籍乃嶺頭瀉。譬如蟻垤微。詎可陵嵒峴。
 從此識歸處。東流水淙淙。幸願終賜之。斬拔拊與稭。

雜詩

古史散左右。詩書置後前。豈殊蠹書蟲。生死文字間。
 當今固殊古。誰與爲欣歡。獨攜無言子。共昇崑崙顛。
 下視禹九州。一塵集豪端。遊嬉未云幾。下已億萬年。
 惜哉抱所見。白黑未及分。慷慨爲悲咤。淚如九河翻。
 翻然下大荒。被髮騎麒麟。指摘相告語。雖還今誰親。

寄崔二十六立之

西城員外丞。心跡兩屈奇。往歲戰詞賦。不將勢力隨。
 傲兀坐試席。深叢見孤巖。文如翻水成。初不用意爲。
 下驢入省門。左右驚紛披。四座各低面。不敢捩眼窺。

升階揖侍郎。歸舍日未啟。佳句喧衆口。考官敢瑕疵。連年收科第。若摘額底髭。廻首卿相位。通途無他歧。豈論校書郎。袍笏光參差。童稚見稱說。祝身得如斯。俯輩姑且熱。喘如竹筒吹。老婦願嫁女。約不論財貲。老翁不量分。累月管其兒。攬攬爭附託。無人角雄雌。由來人閒事。翻覆不可知。安有巢中鷲。插翅飛天陲。駒鷹著爪牙。猛虎借與皮。汝頭有輻繫。汝脚有索縻。陷身泥溝閉。誰復稟指搗。不脫吏部選。可見偶與奇。又作朝士貶。得非命所施。客居京城中。十日營一炊。逼迫走巴蠻。思愛座上離。昨來漢水頭。始得完孤羈。桁掛新衣裳。盡棄食殘糜。苟無饑寒苦。那用分高卑。憐我還好古。宦途同險巖。每句遣我書。竟歲無差池。新篇愛其思。風幡肆逶迤。又論諸毛功。劈水看蛟螭。雷電生陵陽。角鬣相撐披。屬我感窮景。抱華不能攜。唱來和相報。愧歎俾我疵。又寄百尺綵。緋紅相盛衰。巧能喻其誠。深淺抽肝脾。開展放我側。方餐涕垂匙。朋交日凋謝。存者逐利移。子寧獨迷誤。綴綴意益彌。舉頭庭樹豁。狂飈卷寒曦。迢遞山水隔。何由應瓊鏡。別來就十年。君馬記驅驅。長女當及事。誰助出悅納。諸男皆秀朗。幾能守家規。文字銳氣在。輝輝見旌麾。推腸與感容。能復持酒卮。我雖未耋老。髮禿骨力羸。所餘十九齒。飄飄盡浮危。玄花著兩眼。視物隔襍襪。燕席謝不詣。游鞍懸莫騎。

敦敦凭書案。譬彼烏黏網。且吾聞之師。不以物自隘。孤豚眠糞壤。不慕太廟犧。君看一時人。幾輩先騰馳。過半黑頭死。陰蟲食枯骸。歡華不滿眼。咎責塞兩儀。觀名計之利。詎足相陪裨。仁者恥貪冒。受祿量所宜。無能食國惠。豈異哀癡罷。久欲辭謝去。休令衆睚睚。況又嬰疹疾。寧保軀不貲。不能前死罷。內實慚神祇。舊籍在東都。茅屋枳棘籬。還歸非無指。濡潤揚春澌。生兮耕吾疆。死也埋吾陂。文書自傳道。不仗史筆垂。夫子固吾黨。新恩釋銜鞿。去來伊洛上。相待安風草。我有雙飲觥。其銀得朱提。黃金墮物象。雕鵲妙工倅。乃令千里鯨。么麼微蠹斯。猶能爭明月。擺掉出渺瀰。野草花葉細。不辨蕪菜蔬。繇繇相糾結。狀似環城陣。四隅芙蓉樹。攢豔皆猗猗。鯨以興君身。失所逢百罹。月以喻夫道。僂俛勵莫虧。草木明覆載。妍醜齊榮萎。願君恆御之。行止雜燧燧。異日期對舉。當如合分支。

月蝕詩效玉川子作

元和庚寅斗插子。月十四日三更中。森森萬木夜僵立。寒氣肩頰頑無風。月形如白盤。完完上天東。忽然有物來噉之。不知是何蟲。如何至神物。遭此狼狽凶。星如撒沙出。攢集爭強雄。油燈不照席。是夕吐燄如長虹。玉川子。涕泗下中庭獨行。

念此日月者。

為天之眼睛。

此猶不自保。

吾道何由行。

嘗聞古老言。

疑是蝦蟇精。

徑聞千里納女腹。

何處養女百醜形。

把沙脚手鈍。

誰使女解緣青冥。

黃帝有四目。

帝舜重其明。

今天祇兩目。

何故許食使偏盲。

堯呼大水浸十日。

不惜萬國赤子魚頭生。

女於此時若食日。

雖食八九無噉名。

赤龍黑鳥燒口熱。

翎鬣倒側相搏撐。

婪酣大肚遭一飽。

饑腸徹死無由鳴。

後時食月罪當死。

天羅碾匝何處逃汝形。

玉川子立於庭而言曰。

地行賤臣全。

再拜敢告上天公。

臣有一寸刃。

可剗凶墓腸。

無梯可上天。

天階無由有巨蹤。

寄牋東南風。

天門西北祈風通。

丁寧附耳莫漏洩。

薄命正值飛廉傭。

東方青色龍。

牙角何呀呀。

從官百餘座。

嚼啜煩官家。

月蝕汝不知。

安用為龍窟天河。

赤鳥司南方。

尾秃翅觶沙。

月蝕於汝頭。

汝口開呀呀。

蝦蟇掠汝兩吻過。

忍學省事不以汝背啄蝦蟇。

又食於禮禮有加。

於菟蹲於西。

旗旄衛毳毼。

既從白帝祠。

縮頭以殼自遮。

忍令月被惡物食。

枉於汝口插齒牙。

烏龜怯姦怕寒。

此外内外官。

終令夸蛾扶女出。

卜師燒錐鑽灼滿板如星羅。

瑣細不足科。

臣請悉掃除。

慎勿許語令啾譁。

併光全耀歸我月。

盲眼鏡淨無纖瑕。

弊蛙拘送主府官。

帝箸下腹嘗其蟠。

依前使兔操杵臼。

玉階桂樹閒婆娑。

恆娥還宮室。

太陽有室家。

天雖高耳屬地。

感臣赤心。

使臣知義。

雖無明言。

潛喻厥旨。

有氣有形。

皆吾赤子。

雖忿天傷。

忍殺孩稚。

還女月明。

安行于次。

盡釋衆罪。

以蛙磔死。

孟生詩

孟生江海士。古貌又古心。嘗讀古人書。謂言古猶今。作詩三百首。宵默咸池音。

騎驢到京國。欲和薰風琴。豈識天子居。九重鬱沈沈。一門百夫守。無籍不可尋。

晶光蕩相射。旗戟翻以森。遷延乍卻走。驚怪靡自任。舉頭看白日。泣涕下霑襟。

場來遊公卿。莫肯低華簪。諒非軒冕族。應對多差參。萍蓬風波急。桑榆日月侵。

奈何從進士。此路轉輻嶽。異質忌處羣。孤芳難寄林。誰憐松桂性。競愛桃李陰。

朝悲辭樹葉。夕感歸巢禽。願我多慷慨。窮簷時見臨。清宵靜相對。髮白聆苦吟。

採蘭起幽念。眇然望東南。秦吳修且阻。兩地無數金。我論徐方牧。好古天下欽。

竹實鳳所食。德馨神所歆。求觀衆丘小。必上泰山岑。求觀衆流細。必泛滄溟深。

子其聽我言。可以當所箴。既獲則思返。無爲久滯淫。卞和試三獻。期子在秋砧。

射訓狐

有鳥夜飛名訓狐。於凶挾狡誇自呼。乘時陰黑止我屋。聲勢慷慨非常羈。安然大喚誰畏忌。造作百怪非無須。聚鬼徵妖自朋扇。擺掉拱桷頽懸塗。慈母抱兒怕入席。那暇更護雞窠雛。我念乾坤德泰大。卵此惡物常勤劬。縱之豈即遽有害。斗柄行挂西南隅。誰謂停奸計尤劇。意欲唐突羲和鳥。侵更歷漏氣彌厲。何由僥倖休須臾。咨余往射豈得已。候女兩眼張睚盱。烏驚墮梁蛇走竇。一夫斬頸羣鷓枯。

將歸贈孟東野房蜀客

君門不可入。勢利互相推。借問讀書客。胡爲在京師。舉頭未能對。閉眼聊自思。倏忽十六年。終朝苦寒饑。宦途竟寥落。鬢髮坐差池。潁水清且寂。箕山坦而夷。如今便當去。咄咄無自疑。

答孟郊

規模背時利。文字覲天巧。人皆餘酒肉。子獨不得飽。纔春思已亂。始秋悲又攪。朝餐動及午。夜諷恆至卯。名聲暫羶腥。腸肚鎮煎灼。古心雖自鞭。世路終難拗。

弱拒喜張臂。猛挈閉縮爪。見倒誰肯扶。從噴我須敵。

從仕

居閒食不足。從仕力難任。兩事皆害性。一生恆苦心。黃昏歸私室。惆悵起歎音。棄置人間世。古來非獨今。

短燈檠歌

長檠八尺空自長。短檠二尺更且光。黃簾綠幕朱戶閉。風露氣入秋堂涼。裁衣寄遠淚眼暗。搔頭頻挑移近牀。太學儒生東魯客。二十辭家來射策。夜書細字綴語言。兩目眇昏頭雪白。此時提攜當案前。看書到曉那能眠。一朝富貴還自恣。長檠高張照珠翠。吁嗟世事無不然。牆角君看短檠棄。

送劉師服

夏半陰氣始。漸然雲景秋。蟬聲入客耳。驚起不可留。草草具盤饌。不待酒獻酬。士生爲名累。有似魚中鉤。齋財入市賣。貴者恆難售。豈不畏顛顛。爲功忌中休。勉哉耘其業。以待歲晚收。

韓昌黎詩集卷六

古詩

符讀書城南

木之就規矩。在梓匠輪輿。人之能爲人。由腹有詩書。詩書勤乃有。不勤腹空虛。欲知學之力。賢愚同一初。由其不能學。所入遂異聞。兩家各生子。提孩巧相如。少長聚嬉戲。不殊同隊魚。年至十二三。頭角稍相疎。二十漸乖張。清溝映汙渠。三十骨體成。乃一龍一豬。飛黃騰踏去。不能顧蟾蜍。一爲馬前卒。鞭背生蟲蛆。一爲公與相。潭潭府中居。問之何因爾。學與不學歟。金壁雖重寶。費用難貯儲。學問藏之身。身在則有餘。君子與小人。不繫父母且。不見公與相。起身自牽鉏。不見三公後。寒饑出無贖。文章豈不貴。經訓乃當畜。潢潦無根源。朝滿夕已除。人不通古今。馬牛而襟裾。行身陷不義。況望多名譽。時秋積雨霽。新涼入郊墟。燈火稍可親。簡編可卷舒。豈不且夕念。爲爾惜居諸。恩義有相奪。作詩勸躊躇。

示爽

宣城去京國。里數逾三千。念汝欲別我。解裝具盤筵。日昏不能散。起坐相引牽。冬夜豈不長。達旦燈燭然。座中悉親故。誰肯捨汝眠。念汝將一身。西來曾幾年。名科掄衆俊。州考居吏前。今從府公召。府公又時賢。時輩千百人。孰不謂汝妍。汝來江南近。里閭故依然。昔日同戲兒。看汝立路邊。人生但如此。其實亦可憐。吾老世味薄。因循致留連。強顏班行內。何實非罪愆。才短難自力。懼終莫洗滌。臨分不汝誑。有路即歸田。

人日城南登高

初正候纔兆。涉七氣已弄。霏霏野浮陽。暉暉水披凍。聖朝身不廢。佳節古所用。親交既許來。子姪亦可從。盤蔬冬春雜。醇酒清濁共。令徵前事爲。觴詠新詩送。扶杖凌圯趾。刺船犯枯葑。戀池羣鳴廻。釋纜孤雲縱。人生本坦蕩。誰使妄倥偬。直指桃李關。幽尋寧止重。

病鵑

屋東惡水溝。有鵑墮鳴悲。青泥拚兩翅。拍拍不得離。羣童叫相召。瓦礫爭先之。計校生平事。殺卻理亦宜。奪攘不愧恥。飽滿盤天嬉。晴日占光景。高風送追隨。遂凌紫鳳羣。肯顧鴻鶴卑。今者運命窮。遭逢巧丸兒。中汝要害處。汝能不得施。

於吾乃何有。不忍乘其危。巧汝將死命。浴以清水池。朝餐輟魚肉。瞑宿防狐狸。自知無以致。蒙德久猶疑。飽入深竹叢。饑來傍階基。亮無責報心。固以聽所爲。昨日有氣力。飛跳弄藩籬。今晨忽徑去。曾不報我知。僥倖非汝福。天衢汝休窺。京城事彈射。豎子豈易欺。勿諱泥坑辱。泥坑乃良規。

華山女

街東街西講佛經。撞鐘吹螺鬧宮庭。廣張罪福資誘脅。聽衆狎恰排浮萍。黃衣道士亦講說。座下寥落如明星。華山女兒家奉道。欲驅異教歸仙靈。洗妝拭面著冠帔。白咽紅頰長眉青。遂來昇座演真訣。觀門不許入開局。不知誰人暗相報。旬然振動如雷霆。掃除衆寺人跡絕。驕驕塞路連輜幘。觀中人滿坐觀外。後至無地無由聽。抽釵脫釧解環佩。堆金疊玉光青荧。天門貴人傳詔召。六宮願識師顏形。玉皇領首許歸去。乘龍駕鶴來青冥。豪家少年豈知道。來繞百匝脚不停。雲牕霧閣事恍惚。重重翠幔深金屏。仙梯難攀俗緣重。浪憑青鳥通丁寧。讀皇甫湜公安園池詩書其後。

晉人目二子。其猶吹一呷。區區自其下。願肯挂牙舌。春秋書王法。不誅其人身。

爾雅注蟲魚。定非磊落人。湜也因公安。不自閉窮年。枉智思持撫。糞壤汗穢豈有滅。誠不如兩忘。但以一槩量。我有一池水。蒲葦生其閒。蟲魚沸相嚼。日夜不得閒。我初往觀之。其後益不觀。觀之亂我意。不如不觀完。用將濟諸人。捨得業孔顏。百年詎幾時。君子不可閒。

路傍塚

堆堆路傍塚。一雙復一雙。迎我出秦關。送我入楚澤。千以高山遮。萬以遠水隔。吾君勤聽治。照與日月敵。臣愚幸可哀。臣罪庶可釋。何當迎送歸。緣路高歷歷。

食曲河驛

晨及曲河驛。悽然自傷情。羣鳥巢庭樹。乳雀飛簷楹。而我抱重罪。才子萬里程。親戚頓乖角。圖史棄縱橫。下負明義重。上孤朝命榮。殺身諒無補。何用答生成。

過南陽

南陽郭門外。桑下麥青青。行子去未已。春鳩鳴不停。秦商邈既遠。湖海浩將經。孰忍生以感。吾其寄餘齡。

漚吏

南行逾六旬。始下昌樂漚。險惡不可狀。船石相春撞。往問漚頭吏。潮州尙幾里。

行當何時到。土風復何似。漣吏垂手笑。官何問之愚。譬官居京邑。何由知東吳。
 東吳遊宦鄉。官知自有由。潮州底處所。有罪乃竄流。儂幸無負犯。何由到而知。
 官今行自到。那遽妄問爲。不虞卒見困。汗出愧且駭。吏曰聊戲官。儂嘗使往罷。
 嶺南大抵同。官去道苦遠。下此三千里。有州始名潮。惡溪瘴毒聚。雷電常洶洶。
 鱷魚大於船。牙眼怖殺儂。州南數十里。有海無天地。颶風有時作。掀簸真差事。
 聖人於天下。於物無不容。比聞此州囚。亦有生還儂。官無嫌此州。固罪人所徒。
 官當明時來。事不待說委。官不自謹慎。宜即引分往。胡爲此水邊。神色久懔懔。
 瓶大餅甕小。所任自有宜。官何不自量。滿溢以取斯。工農雖小人。事業各有守。
 不知官在朝。有益國家不。得無虱其閒。不步亦不文。仁義飾其躬。巧姦敗羣倫。
 叩頭謝吏言。始慚今更羞。歷官二十餘。國恩竝未酬。凡吏之所訶。嗟實頗有之。
 不即金木誅。敢不識恩私。潮州雖云遠。雖惡不可過。於身實已多。敢不持自賀。
 贈別元十八協律六首
 知識久去眼。吾行其既遠。書嘗莫營省。默默但寢飯。子兮何爲者。冠珮立憲憲。
 何氏之從學。蘭蕙已滿腕。於何翫其光。以至歲向晚。治惟尙和同。無俟於譽譽。
 或師絕學賢。不以藝自執。子兮獨如何。能自媚婉婉。金石出聲音。宮室發關鍵。

何人識章甫。而知駿蹄踠。惜乎吾無居。不得留息偃。臨當背面時。裁詩示繾綣。

【二】

英英桂林伯。實惟文武特。遠勞從事賢。來弔逐臣色。南裔多山海。道里屢紆直。
 風波無程期。所憂動不測。子行誠艱難。我去未窮極。臨別且何言。有淚不可拭。

【三】

吾友柳子厚。其人藝且賢。吾未識子時。已覽贈子篇。寤寐想風采。於今已三年。
 不意流竄路。旬日同食眠。所聞昔已多。所得今過前。如何又須別。使我抱悵悵。

【四】

勢要情所重。排斥則埃塵。骨肉未免然。又況四海人。嶷嶷桂林伯。矯矯義勇身。
 生平所未識。待我逾交親。遺我數幅書。繼以藥物珍。藥物防瘴癘。書勸養形神。
 不知四罪地。豈有再起辰。窮途致感激。肝膽還輪囷。

【五】

讀書患不多。思義患不明。患足已不學。既學患不行。子今四美具。實大華亦榮。
 王官不可闕。未宜後諸生。嗟我擯南海。無由助飛鳴。

【六】

寄書龍城守。君驥何時秣。峽山逢颶風。雷電助撞碎。乘潮簸扶胥。近岸指一髮。兩巖雖云牢。木石互飛發。屯門雖云高。亦映波浪沒。余罪不足惜。子生未宜忽。胡爲不忍別。感謝情至骨。

初南食貽元十八協律

蠶實如惠文。骨眼相負行。蟻相黏爲山。百十各自生。蒲魚尼如蛇。口眼不相營。蛤卽是蝦蟇。同實浪異名。章舉馬甲柱。鬪以怪自呈。其餘數十種。莫不可歎驚。我來禦魘魅。自宜味南烹。調以鹹與酸。芼以椒與橙。腥臊始發越。咀吞面汗腥。惟蛇舊所識。實憚口眼撻。開籠聽其去。鬱屈尙不平。賣爾非我罪。不居豈非情。不祈靈珠報。幸無嫌怨并。聊歌以記之。又以告同行。

宿曾江口示姪孫湘二首

雲昏水奔流。天水澹相圍。三江滅無口。其誰識涯圻。暮宿投民村。高處水半扉。犬雞俱上屋。不復走與飛。篙舟入其家。瞑開屋中晞。問知歲常然。哀此爲生微。海風吹寒晴。波揚衆星輝。仰視北斗高。不知路所歸。

舟行亡故道

屈曲高林閒。林閒無所有。奔流但潺潺。嗟我亦拙謀。致身落南蠻。

茫然失所詣。無路何能還。

答柳柳州食蝦蟇

蝦蟇雖水居。水特變形貌。強號爲蛙蛤。於實無所校。雖然兩股長。其奈脊皴皴。跳躑雖云高。意不離溇淖。鳴聲相呼和。無理只取鬧。周公所不堪。灑灰垂典教。我棄愁海濱。恆願眠不覺。匡堪朋類多。沸耳作驚爆。端能敗笙磬。仍工亂學校。雖蒙句踐禮。竟不聞報效。大戰元鼎年。執強孰敗撓。居然當鼎味。豈不辱釣罩。余初不下喉。近亦能稍稍。常懼染蠻夷。失平生好樂。而君復何爲。甘食比豢豹。羶較務同俗。全身斯爲孝。哀哉思慮深。未見許廻權。

別趙子

我遷於揭陽。君先揭陽居。揭陽去京華。其里萬有餘。不謂小郭中。有子可與娛。心平而行高。兩通詩與書。娑婆海水南。簸弄明月珠。及我遷宜春。意欲攜以俱。擺頭笑且言。我豈不足歟。又奚爲於北。往來以紛如。海中諸山中。幽子頗不無。相期風濤觀。已久不可渝。又嘗疑龍蝦。果誰雄牙鬚。蚌贏魚鼈蟲。懼懼以狙狙。識一已忘十。大同細自殊。欲一窮究之。時歲屢謝除。今子南且北。豈非亦有圖。人心未嘗同。不可一理區。宜各從所務。未用相賢愚。

除官赴闕至江州寄鄂岳李大夫

盆城去鄂渚。風便一日耳。不枉故人書。無因帆江水。故人辭禮闈。旌節鎮江圻。而我竄逐者。龍鍾初得歸。別來已三歲。望望長迢遞。咫尺不相聞。平生那可計。我齒落且盡。君鬢白幾何。年皆過半百。來日苦無多。少年樂新知。衰暮思故友。譬如親骨肉。寧免相可不。我昔實愚魯。不能降色辭。子犯亦有言。臣猶自知之。公其務貫過。我亦請改事。桑榆儻可收。願寄相思字。

南山有高樹行贈李宗閔

南山有高樹。花葉何衰衰。上有鳳凰巢。鳳凰乳且棲。四旁多長枝。羣鳥所託依。黃鶴據其高。衆鳥接其卑。不知何山鳥。羽毛有光輝。飛飛擇所處。正得衆所希。上承鳳凰恩。自期永不衰。中與黃鶴羣。不自隱其私。下視衆鳥羣。汝徒竟何爲。不知挾丸子。心默有所規。彈汝枝葉閒。汝翅不覺摧。或言由黃鶴。黃鶴豈有之。慎勿猜衆鳥。衆鳥不足猜。無人語鳳凰。汝屈安得知。黃鶴得汝去。娑娑弄毛衣。前汝下視鳥。各議汝瑕疵。汝豈無朋匹。有口莫肯開。汝落蒿艾閒。幾時復能飛。哀哀故山友。中夜思汝悲。路遠翅翎短。不得持汝歸。

猛虎行

猛虎雖云惡。亦皆有匹儔。羣行深谷閒。百獸望風低。身食黃熊父。子食赤豹麋。擇肉於熊豹。肯視兔與狸。正晝當谷眠。眼有百步威。自矜無當對。氣性縱以乖。朝怒殺其子。暮還食其妃。匹儔四散走。猛虎還孤棲。孤鳴門兩旁。烏鵲從噪之。出逐猴入居。虎不知所歸。誰云猛虎惡。中路正悲啼。豹來銜其尾。熊來攫其頤。猛虎死不辭。但慚前所爲。虎坐無助死。況如汝細微。故當結以信。親當結以私。親故且不保。人誰信汝爲。

韓昌黎詩集卷七

古詩

雪後寄崔二十六丞公

藍田十月雪塞關。我與南望愁羣山。攢天嵬嵬凍相映。君乃寄命於其閒。秩卑俸薄食口衆。豈有酒食開容顏。殿前羣公賜食罷。驂驅踟躕路驕且閑。稱多量少鑿裁密。豈念幽桂遺榛菅。幾欲犯嚴出薦口。氣象律兀未可攀。歸來殞涕拚關臥。心之紛亂誰能刪。詩翁憔悴斲荒棘。清玉刻佩聯玦環。

腦脂遮眼臥壯士。
朝歎暮暗不可解。

大弔挂壁無由彎。
我心安得如石頑。

乾坤施惠萬物遂。

獨於數子懷偏慳。

送僧澄觀

浮屠西來何施爲。

擾擾四海爭奔馳。

構樓架閣切星漢。

誇雄圖麗止者誰。

僧伽後出淮泗上。

勢到衆佛尤恢奇。

越商胡賈脫身罪。

珪壁滿船寧計資。

清淮無波平如席。

欄柱傾扶半天赤。

火燒水轉掃地空。

突兀便高三百尺。

影沈潭底龍驚遁。

當晝無雲跨虛碧。

借問經營本何人。

道人澄觀名籍籍。

愈昔從軍大梁下。

往來滿屋賢豪者。

皆言澄觀雖僧徒。

公才吏用當今無。

後從徐州辟書至。

紛紛過客何由記。

人言澄觀乃詩人。

一座競吟詩句新。

向風長嘆不可見。

我欲收斂加冠巾。

洛陽窮秋厭窮獨。

丁丁啄門疑啄木。

有僧來訪呼使前。

伏犀插腦高頰權。

惜哉已老無所及。

坐脫神骨空潯然。

臨淮太守初到郡。

遠遣州民送音問。

好奇賞俊直難逢。

去去爲致思從容。

山南鄉相公樊員外酬答爲詩其末咸有見及語樊封以示愈依賦十四韻以獻

梁維西南屏。

山厲水刻屈。

稟生肖勳剛。

難諧在民物。

榮公鼎軸老。

烹幹力健偏。

帝咨女子往。

牙蠹前空埽。

威風挾惠氣。

蓋壤兩劇拂。

茫漫華黑閒。

指畫變悅歛。

誠既富而美。章彙霍炳蔚。

日延講大訓。

龜判錯袞職。

樊子坐賓署。

演孔刮老佛。

金春撼玉應。厥臭劇蕙鬱。

遺我一言重。

臨受惕齋慄。

辭慳義卓闊。

呀豁疚培掘。

如新去叮聘。雷霆逼颶颶。

緩此豈爲訓。

俚言紹莊屈。

奉和武相公鎮蜀時詠使宅韋太尉所養孔雀

穆穆鸞鳳友。

何年來止茲。

飄零失故態。

隔絕抱長思。

翠角高獨聳。

坐蒙恩顧重。

畢命守堦墀。

感春三首

偶坐藤樹下。

暮春下旬閒。

藤陰已可庇。

落葉還漫漫。

壘壘新葉大。

青天高寥寥。

兩蝶飛翩翩。

時節適當爾。

懷悲自無端。

【二】

黃黃蕪菁花。

桃李事已退。

狂風簸枯榆。

狼籍九衢內。

春序一如此。

誰能駕飛車。

相從觀海外。

【三】

晨遊百花林。

朱朱兼白白。

柳枝弱而細。

懸樹垂百尺。

左右同來人。

嬌童爲我歌。

哀響跨笙笛。

艷姬蹋筵舞。

清眸刺劍戟。

心懷平生友。

死者長渺芒。生者困乖隔。少年真可喜。老大百無益。

早赴街西行香贈盧李二中舍人

天街東西異。祇命遂成游。月明御溝曉。蟬吟堤樹秋。老僧情不薄。僻寺境還幽。寂寥二三子。歸騎得相收。

晚寄張十八助教周郎博士

日薄風景曠。出歸偃前簷。晴雲如擘絮。新月似磨鎌。田野興偶動。衣冠情久厭。吾生可攜手。歎息歲將淹。

題張十八所居

君居泥溝上。溝濁萍青青。蛙讙橋未掃。蟬嘒門長扃。名秩後千品。詩文齊六經。端來問奇字。爲我講聲形。

奉酬盧給事雲夫四兄曲江荷花見寄并呈上錢七兄閣老張十八助教

曲江千頃秋波淨。平鋪紅雲蓋明鏡。大明宮中給事歸。走馬來看立不正。還我明珠九十六。寒光映骨睡矐目。我今官閒得婆娑。問言何處芙蓉多。撐舟昆明度雲錦。脚敲兩舷叫吳歌。太白山高三百里。負雪崔嵬插花裏。玉山前卻不復來。曲江汀滢水平杯。我時相思不覺一迴首。天門九扇相當開。

上界真人足官府。豈如散仙鞭笞鸞鳳終日相追陪。

奉和錢七兄曹長盆池所植

翻翻江浦荷。而今生在此。擺擺菰葉長。芳根誰復徙。露涵兩鮮翠。風蕩相磨倚。但取主人知。誰言益益是。

記夢

夜夢神官與我言。羅縷道妙角與根。挈攜陬維口瀾翻。百二十刻須臾閒。我聽其言未云足。捨我先度橫山腹。我徒三人共追之。一人前度安不危。我亦平行踟躕。神完骨騰脚不掉。側身上視溪谷盲。杖撞玉版聲彭觥。神官見我開顏笑。前對一人壯非少。石壇坡陀可坐臥。我手承額肘拄坐。隆樓傑閣磊嵬高。天風飄飄吹我過。壯非少者哦七言。六字常語一字難。我以指撮白玉丹。行且咀噍行詰盤。口前截斷第二句。綽虐願我顏不歡。乃知仙人未賢聖。護短惡愚邀我敬。我能屈曲自世閒。安能從女巢神山。

南內朝賀歸呈同官

薄雲蔽秋曦。清雨不成泥。鸞翼南內衙。歸涼曉淒淒。綠槐十二街。渙散馳輪蹄。余惟慙書生。孤身無所齎。三黜竟不去。致官九列齊。豈惟一身榮。佩玉冠簪犀。

混蕩天門高，著籍朝厥妻。文才不如人，行又無町畦。問之朝廷事，略不知東西。況於經籍深，豈究端與倪。君恩太山重，不見酬稗梯。所職事無多，又不自提撕。明庭集孔鸞，曷取於鳧鷖。樹以松與柏，不宜閒蒿藜。婉孌自媚好，幾時不見擠。貪食以忘軀，渺不調鹽醢。法吏多少年，磨淬出角圭。將舉汝愆尤，以爲己階梯。收身歸關東，期不到死迷。

朝歸

峨峨進賢冠，耿耿水蒼佩。服章豈不好，不與德相對。顧影聽其聲，頰顏汗漸背。進乏犬雞效，又不勇自退。坐食取其肥，無堪等聲聒。長風吹天墟，秋日萬里颺。抵暮但昏眠，不成歌慷慨。

雜詩四首

朝蠅不須驅，暮蚊不可拍。蠅蚊滿八區，可盡與相格。得時能幾時，與汝恣啖咋。涼風九月到，掃不見蹤跡。

【二】

鵲鳴聲楂楂，烏噪聲撲撲。爭鬪庭宇閒，持身博彈射。黃鶴能忍饑，兩翅久不擊。蒼蒼雲海路，歲晚將無獲。

【三】

截漆爲構楹，斲楹以爲椽。東蒿以代之，小大不相權。雖無風雨災，得不覆且顛。解轡棄馱驥，蹇驢鞭使前。崑崙高萬里，歲盡道苦遠。停車臥輪下，絕意於神僊。

【四】

雀鳴朝營食，鳩鳴暮覓羣。獨有知時鶴，雖鳴不緣身。暗蟬終不鳴，有抱不列陳。蛙黽鳴無謂，閑閑祇亂人。

讀東方朔雜事

嚴嚴王母宮，下維萬仙家。噫欠爲飄風，灑手大雨沱。方朔乃豎子，驕不加禁河。偷入雷電室，鞦韆掉狂車。王母聞以笑，衛官助呀呀。不知萬萬人，生身埋泥沙。簸頓五山踏，流漂八維蹉。曰吾兒可憎，奈此狡獪何。方朔聞不喜，捩身絡蛟蛇。瞻相北斗柄，兩手自相接。羣仙急乃言，百犯庸不科。向觀睥睨處，事在不可赦。欲不布露言，外口實誼譁。王母不得已，顏頰口齟齬。領頭可其奏，送以紫玉珂。方朔不懲創，挾恩更矜誇。詆欺劉天子，正晝溺殿衙。一旦不辭訣，攝身凌蒼霞。

譴痞鬼

屑屑水帝魂，謝謝無餘輝。如何不肖子，尙奮痞鬼威。乘秋作寒熱，翁嫗所罵讖。

求食歐泄閉。不知臭穢非。醫師加百毒。熏灌無停機。灸師施艾炷。酷若獵火圍。詛師毒口牙。舌作霹靂飛。符師弄刀筆。丹墨交橫揮。杏汝之胃出。門戶何巍巍。祖軒而父頊。未沫於前微。不修其操行。賤薄似汝稀。豈不忝厥祖。視然不知歸。湛湛江水清。歸居安汝妃。清波爲袞衣。白石爲門畿。呼吸明月光。手掉芙蓉旂。降集隨九歌。飲芳而食菲。贈汝以好辭。出汝去莫違。

示兒

始我來京師。止攜一束書。辛勤三十年。以有此屋廬。此屋豈爲華。於我自有餘。中堂高且新。四時登牢蔬。前榮饌賓親。冠婚之所於。庭內無所有。高樹八九株。有藤婁絡之。春華夏陰敷。東堂坐見山。雲風相吹嘘。松泉連南亭。外有瓜芋區。西偏屋不多。槐榆翳空虛。山鳥旦夕鳴。有類澗谷居。主婦治北堂。膳服適戚疏。恩封高平君。子孫從朝裾。開門問誰來。無非卿大夫。不知官高卑。玉帶懸金魚。問客之所爲。峩冠講唐虞。酒食罷無爲。棊粟以相娛。凡此座中人。十九持鈞樞。又問誰與頻。莫與張樊如。來過亦無事。考評道精麤。蹉蹉媚學子。牆屏日有徒。以能問不能。其蔽豈可祛。嗟我不修飾。事與庸人俱。安能坐如此。比肩於朝儒。詩以示兒曹。其無迷厥初。

庭楸

庭楸止五株。共生十步閒。各有藤繞之。上各相鉤聯。下葉各垂地。樹顛各雲連。朝日出其東。我常坐西偏。夕日在其西。我常坐東邊。當晝日在上。我在中央閒。仰視何青青。上不見纖穿。朝暮無日時。我且八九旋。濯濯晨露香。明珠何聯聯。夜月來照之。霏霏自生煙。我已自頑鈍。重遭五楸牽。客來尙不見。肯到權門前。權門衆所趨。有客動百千。九牛亡一毛。未在多步閒。往既無可顧。不往自可憐。

翫月喜張十八員外以王六秘書至

前夕雖十五。月長未滿規。君來晤我時。風露渺無涯。浮雲散白石。天宇開青池。孤質不自憚。中天爲君施。翫翫夜遂久。亭亭曙將披。況當今夕圓。又以嘉客隨。惜無酒食樂。但用歌嘲爲。

和李相公攝事南郊覽物興懷呈一二知舊

燦燦辰角曙。亭亭寒露朝。川原共澄映。雲日還浮飄。上宰嚴祀事。清途振華鑣。圓丘峻且坦。前對南山標。村樹黃復綠。中田稼何饒。顧瞻想巖谷。興歎倦塵囂。惟彼顛瞑者。去公豈不遼。爲仁朝自治。用靜兵以銷。勿憚吐捉勦。可歌風雨調。聖賢相遇少。功德今宣昭。

和裴僕射相公假山十一韻

公乎真愛山。看山且連夕。猶嫌山在眼。不得著脚歷。
 有來應公須。歸必戴金帛。當軒乍駢羅。隨勢忽開坼。
 終朝巖洞閒。歌鼓燕賓戚。孰謂衡霍期。近在王侯宅。
 道遙功德下。不與事相遮。樂我盛明朝。於焉傲今昔。
 與張十八同效阮步兵一日復一夕

一日復一日。一朝復一朝。祇見有不如。不見有所超。
 不知久不死。惘惘尚誰要。富貴自繫拘。貧賤亦煎焦。
 譬如籠中鶴。六翮無所搖。譬如兔得蹄。何用東西跳。
 未知所究竟。且作新詩謠。還看古人書。復舉前人瓢。

送諸葛覺往隨州讀書

鄴侯家多書。插架三萬軸。一一懸牙籤。新若手未觸。
 偉哉羣聖文。磊落載其腹。行年餘五十。出守數已六。
 臺閣多官員。無地寄一足。我雖官在朝。氣勢日局縮。
 送行過滌水。東望不轉目。今子從之遊。學問得所欲。
 爲人強記覽。過眼不再讀。京邑有舊廬。不容久食宿。
 屢爲丞相言。雖懇不見錄。矯翮逐黃鶴。入海觀龍魚。

勉爲新詩章。月寄三四幅

南溪始泛三首

榜舟南山下。上上不得返。幽事隨去多。孰能量近遠。
 石蠹肆磨礪。波惡厭牽挽。或倚偏岸漁。竟就平洲飯。
 餘年懷無幾。休日愴已晚。自是病使然。非由取高蹇。

【一】

南溪亦清駛。而無機與舟。山農驚見之。隨我觀不休。
 勸我籠中瓜。勸我此淹留。我云以病歸。此已頗自由。
 困倉米穀滿。未有旦夕憂。上去無所得。下來亦悠悠。
 願爲同社人。雞豚燕春秋。

【三】

足弱不能步。自宜收朝蹟。羸形可與致。佳觀安可擲。
 挖舟入其閒。溪流正清激。隨波吾未能。峻瀨乍可刺。
 亭亭柳帶沙。團團松冠壁。歸時還盡夜。誰謂非事役。
 卽此南阪下。久聞有水石。前飛數十尺。驚起若導吾。

韓昌黎詩集卷八

聯句

城南聯句

竹影金瑣碎郊 泉音玉淙琤愈 瑠瑠翦木葉愈 翡翠開園英郊 流滑隨仄步愈 搜尋得深行郊
 遙岑出寸碧郊 遠目增雙明郊 乾稔紛挂地愈 化蟲枯揭莖愈 木腐或垂耳郊 草珠競駢睛郊
 浮虛有新斷郊 推抗饒孤撐愈 囚飛黏網動愈 盜暉接彈驚郊 脫實自開圻愈 牽柔誰繞紫郊
 禮鼠拱而立郊 駭牛躅且鳴愈 蔬甲喜臨社郊 田毛樂寬征愈 露螢不自暖郊 凍蝶尙思輕郊
 宿羽有先曉郊 食鱗時半橫愈 菱翻紫角利郊 荷折碧圓傾愈 楚膩鱸鮓亂郊 猿羞螺蟹并郊
 桑螵見虛指郊 穴狸開鬪罅愈 逗翳翅相築郊 擺幽尾交撈愈 蔓涎角出縮郊 樹啄頭敲鏗郊
 修箭裏金餌郊 羣鮮沸池羹愈 岸殼坼玄兆郊 野辨漸豐萌愈 窰煙器疏鳥郊 沙篆印廻平郊
 痒肌遭蚝刺郊 嗽耳聞雞生愈 奇慮恣廻轉郊 遐歸縱逢迎愈 嶺林戢遠睫郊 標氣夷空情郊
 歸跡歸不得郊 拾心捨還爭愈 靈麻撮狗蝨郊 村稚啼禽猩愈 紅皴曬檐瓦郊 黃團繫門衡郊
 得雋蠅虎健郊 相殘雀豹趨愈 東枯樵指禿郊 刈熟擔肩頰愈 澁旋皮卷鬚郊 苦開腹彭亨郊

機春潺湲力愈 吹簾飄飄精郊 賽饌木盤簇愈 殺妖藤索絢郊 荒學五六卷愈 古藏四三榮郊
 里儒拳足拜郊 土怪閃眸偵愈 蹄道補復破郊 絲窠掃還成愈 暮堂蝠蝠沸郊 破窻伊威盈郊
 追此訊前主郊 答云皆冢卿愈 敗壁剝寒月郊 折筮嘯遺笙愈 桂熏霏霏在郊 蒸跡微微呈郊
 劔石猶竦檻郊 獸材尙挈楫愈 寶唾拾未盡郊 玉唾墮猶鎗愈 臆稍疑圓豔郊 妝燭已銷燦郊
 綠髮抽珉甃郊 青膚聳瑤楨愈 白蛾飛舞地郊 幽蠹落書棚愈 惟惜集嘉詠郊 吐芳類鳴嚶郊
 窺奇摘海異郊 恣韻激天鯨愈 腸胃繞萬象郊 精神驅五兵愈 蜀雄李杜拔郊 嶽力雷車轟郊
 大句幹玄造郊 高言軋霄峰愈 芒端轉寒煖郊 神助溢杯觥愈 巨細各乘運郊 湍瀾亦騰聲郊
 凌花咀粉藥郊 削縷穿珠櫻愈 綺語洗晴雪郊 嬌辭呀雜絮愈 酣歡雜弁珥郊 繁價流金瓊郊
 茵菑寫江調郊 萎蕤綴藍瑛愈 庖霜餽玄鯽郊 淅玉炊香粳愈 朝饌已百態郊 春醪又千名郊
 哀匏蹙駛景郊 冽唱凝餘品愈 解魄不自主郊 棹裁浪登丁愈 板援賤蹊絕郊 炫曜僊選更郊
 葵巧競採笑郊 駢鮮互探嬰愈 桑變忽蕪蔓郊 樟才插杉檉愈 隱伏饒氣象郊 風期誰復賡郊
 阜區扶帝壤郊 瓊蘊郁天京愈 祥色被文彥郊 良才插杉檉愈 震圖詎能極郊 與潛示堆坑郊
 擘華露神物郊 擁終儲地禎愈 訂謨壯締始郊 輔弼登階清愈 盆秀恣填塞郊 呀靈瀟滄澄郊
 益大聯漢魏郊 肇初邁周贏愈 積照涵德鏡郊 傳經儷金贏愈 食家行鼎鼎郊 龍族佚弓旌郊
 奕制盡從賜郊 殊私得逾程愈 飛橋上架漢郊 綠岸俯規瀛愈 瀟碧遠輸委郊 湖嵌費擣擊郊

荀首從大漠	楓櫓至南荆	嘉植鮮危朽	膏理易滋榮	懸長巧紐翠	象曲善鑽珩
魚口星浮沒	馬毛錦班駢	五方亂風土	百種分鉏耕	葩藥相妬出	非茸共舒情
類招臻偶詭	翼萃伏衿纓	危望跨飛動	冥升躡登閔	春游櫟嶺靡	彩伴颯菱嫵
遺燦飄的皪	淑顏洞精誠	嬌應如在寤	顏意若含醒	鷓鴣翔衣帶	鵝肪截佩璜
文具相照灼	武勝屠擄搶	割錦不酬價	構雲有高營	通波物鱗介	疏曉富蕭蕩
買養馴孔翠	遠苞樹蕉栴	鴻頭排刺茨	鷓鴣費瓊橙	驚廣雜良牧	蒙休賴先盟
罷旋奉環衛	守封踐忠貞	戰服脫明介	朝冠飄彩絃	爵勳速僮隸	簪笏自懷緇
乳下秀巖巖	椒蕃泣嗷嗷	貌鑑清溢匣	眸光寒發劓	館儒養經史	綴成鴛孫舅
考鐘饋肴核	夏鼓侑牢牲	飛膳自北下	兩珍極東烹	如瓜煮大卵	比線茹芳菁
海嶽錯口腹	趙燕錫媼嫗	一笑釋仇恨	龍原匣置纒	羽空顛雉鷄	血路進狐麋
順居無鬼瞰	抑橫免官評	殺候肆凌翦	呀鷹甚饑童	算歸記功賞	裂臙擒撥報
折足去湛踣	覺鬻怒豎鬢	躍犬疾齧鳥	箭出方驚捍	連箱載已實	碾轍棄仍贏
猛斃牛馬樂	妖殘鼻鴝悻	窟窮尙噴視	駟遙略萃萃	饑叔飽活樹	惡嚼博腥鯖
喘觀鋒刃點	因衝株柁官	掃淨俗曠曠	帳廬扶棟薨	磊落奠鴻璧	參差席香奠
歲律及郊至	古音命詔謨	旗旆流日月			

玄祇社兆姓	黑拒饒豐盛	慶流獨痲癘	威暢捐輜輶	靈燔望高罔	龍駕開蔽颯
是惟禮之盛	永用表其宏	德孕厚生植	思熙完刑剝	宅土盡華族	運田閉強眈
蔭庚森嶺楡	啄場翹祥鷓	哇肥藟韭蕪	陶固收盆罌	利養積餘健	孝思事嚴祊
掘雲破蟪蛄	採月漉坳泓	寺砌上明鏡	僧孟敲曉鈺	泥像對勝怪	鐵鍾孤春鐘
瘞頸闌鳩鷓	蜿垣亂蛛蝶	葦黑老蠶蠲	麥黃韻鸛鷓	詔曙遲勝賞	賢朋戒先庚
馳門填偃仄	駭墅碾砵砵	碎嶺紅滿杏	稠凝碧浮餒	賊繩覲娥婺	關草擷瑣瑤
粉汗澤廣頰	金星墮連環	鼻偷困淑郁	眼刺強叮囑	是節飽顏色	玆疆稱都城
書僮罄魚鮪	紀盛播琴箏	奚必事遠觀	無端逐羈僮	將身親魍魅	浮跡侶鷓鴣
腥味空奠屈	天年徒羨彭	驚魂見蛇蚓	觸嗅值蝦蟇	幸得履中氣	忝從拂天根
歸私暫休暇	驅明出庠爨	鮮意竦輕暢	連輝照瓊瑩	陶暄逐風乙	躍視舞晴蜻
足勝自多詣	心貪敵無効	始知樂名教	何用苦拘傳	畢景任詩趣	焉能守磔磔

會合聯句

離別言無期	會合意彌重	病添兒女戀	老喪丈夫勇	劍心知未死	詩思猶孤聳
愁去劇箭飛	謹來若泉涌	析言多新貫	據抱無昔壘	念難須勤追	悔易勿輕踵
吟巴山琴學	說楚波堆壘	馬辭虎豹怒	舟出蛟鼉恐	狂鯨時孤軒	幽狄雜百種

瘴衣常腥膩，疊器多疏冗。
 鬼窟脫幽妖，天居觀清拱。
 嘉言寫清越，瘡病失耽腫。
 馳輝燭浮螢，幽響泄潛莖。
 休跡憶沈冥，峨冠慚蘭梅。
 朝紳鬱青綠，馬飾曜珪琪。
 格言多彪蔚，懸解無枯季。
 伊余何所擬，跋鼈詎能踴。
 君胡眠安然，朝鼓聲洶洶。

剝苦弔斑林，角飯餌沈塚。
 京游步方振，謫夢意猶恂。
 夏陰偶高庇，宵魄接虛擁。
 詩老獨何心，江疾有餘應。
 升朝高轡逸，振物羣聽悚。
 國讐未銷鑠，我志蕩叩隴。
 張生得淵源，寒色拔山冢。
 塊然墮岳石，飄爾胃巢醜。

忽爾銜遠命，歸歟舞新寵。
 詩書誇舊知，酒食接新奉。
 雪絃寂寂聽，茗盃纖纖捧。
 我家本瀝穀，有地介阜壘。
 徒言濯幽泌，誰與薙荒茸。
 君才誠倜儻，時論方洶溶。
 堅如撞羣金，眇若抽獨蛹。
 龍旆垂天衛，雲韶凝禁而。

關雞聯句

大雞昂然來，小雞竦而待。
 精光目相射，劍戟心獨在。
 礫毛各噤瘁，怒癭爭假磊。
 中休事未決，小挫勢益倍。
 對起何急驚，隨旋誠巧約。

嶸嶸頭盛氣，洗刷凝鮮彩。
 既取冠為胃，復以距為鏗。
 俄膺忽爾低，植立警而改。
 妬腸務生敵，賊性專相醜。
 毒手飽李陽，神槌困朱亥。

高行若矜豪，側睨如何殆。
 天時得清寒，地利挾爽塏。
 膈膈戰聲喧，續續落羽嘯。
 裂血失鳴聲，啄股甚饑餒。
 惻心我以仁，碎首爾何罪。

獨勝事有然，旁驚汗流浹。
 事爪深難解，嗔睛時未怠。
 連軒尚買餘，清厲比歸凱。
 君看關雞篇，短韻有可採。

知雄欣動顏，怯負愁看賄。
 一噴一醒然，再接再礪乃。
 選俊感收毛，受恩慚始醜。
 爭觀雲填道，助叫波翻海。
 頭垂碎丹砂，翼搨拖錦綵。
 英心甘關死，義肉恥庖宰。

納涼聯句

遙嘯取遙風，微微近秋朔。
 閃紅驚蝸虬，凝赤聳山嶽。
 化鄧渴且多，奔河誠已熱。
 嘉願苟未從，前心空緬邈。
 龍沈劇煮鱗，牛喘甚焚角。
 單絺厭已褻，長筭倦還捉。
 大壁曠凝淨，古畫奇駁犖。
 篋實摘林珍，盤肴饋禽鷁。
 賈勇發霜剛，爭前曜冰凜。
 誰言接朋老，猶自將心學。

金柔氣尚低，火老候愈濁。
 目林恐焚燒，耳井憶澆滷。
 喝道者誰子，叩商者何樂。
 清砌千廻坐，冷環再三握。
 蟬煩鳴轉喝，鳥噪饑不啄。
 幸茲得佳朋，於此蔭華桷。
 凄如紅寒門，皓若攢玉璞。
 空堂喜淹留，貧儂羞齷齪。
 微然草根響，先被詩情覺。
 危簷不敢憑，朽机懼傾撲。

熙熙炎光流，竦竦高雲擢。
 仰懼失交泰，非時結冰雹。
 洗矣得滂沱，感然鳴鸞鷲。
 煩懷卻星星，高意還卓卓。
 畫蠅食案繁，宵蚋肌血濕。
 青焚文箴施，淡漱甘瓜濯。
 掃寬延鮮飈，汲冷漬香櫛。
 殷勤相勸勉，左右加碧斲。
 感衰悲舊改，工異逞新貌。
 青雲路難近，黃鶴足仍鉞。

未能飲澗泉。立滯叫芳藹。與子昔賸離。嗟余苦屯剝。直道敗邪徑。拙謀傷巧詆。
 炎湖度氣氤。熱石行拳碣。瘠饑夏尤甚。瘡渴秋更數。君顏不可覩。君手無由搨。
 今來沐新恩。庶見返鴻朴。儒庠恣游息。聖籍飽商揅。危行無低徊。正言免咄嗟。
 車馬獲同驅。酒醪欣共款。惟憂棄蒼黜。敢望侍帷幄。此志且何如。希君爲追琢。

秋雨聯句

萬木聲號呼。百川氣交會。庭翻樹離合。牖變景明藹。深鴻殊未終。飛浮亦云泰。
 牽懷到空山。屬聽迴驚潮。簷垂白練直。渠漲清湘大。甘津澤祥禾。伏潤肥荒艾。
 主人吟有歎。客子歌無奈。葢穴何迫迫。蟬枝掃鳴噉。挾丸遊峽喧。颺颺臥江汰。
 微颯來枕前。高灑自天外。謹收尋一聲。漉注咽羣竅。援菊茂新芳。逕蘭銷晚馥。
 地鏡時昏曉。池星競漂沛。水怒已倒流。陰繁恐凝害。儒宮煙火濕。市舍煎熬汰。
 臥冷空避門。衣寒屢循帶。筮命或馮著。卜晴將問蔡。庭商忽驚舞。塘滌亦親酌。
 懷襄信可畏。疏決須有賴。陰旌時摻流。帝鼓鎮旬礪。棗園落青瓊。瓜哇爛文具。
 氣醜稍疏映。茅亂還擁背。秦俗動言利。魯儒欲何丐。深路倒羸驂。弱途擁行軼。
 貧薪不燭竈。富粟空填府。翻浪洗虛空。傾濤敗藏蓋。吾人猶在陳。僮僕誠自郤。
 毛羽皆遭凍。離徒不態翹。

因思征蜀士。未免濕戎旆。安得發商颺。廓然吹宿霧。白日懸大野。幽泥化輕壤。
 戰場暫一乾。賊肉行可膾。搜心思有效。抽策期稱最。豈惟慮收穫。亦以救顛沛。
 禽情初嘯嘯。礎色微收霈。庶幾諧我願。遂止無已太。

征蜀聯句

日王忿違傲。有命事誅拔。蜀險豁關防。秦師縱橫猾。風旗匝地揚。雷鼓轟天殺。
 竹兵彼皴脆。鐵刃我鎗鏘。刑神叱羣旄。陰餒貳犀札。翻覓紛假蹇。塞野頽塊圪。
 生縛競掣跌。癡突爭填札。渴圖信壓嘔。噉姦何噢噉。更呼相簸蕩。交斫雙缺鑿。
 火發激鏗腥。血漂騰足滑。飛猱無整陣。翻鶴有邪戛。江倒沸鯨鯢。山搖潰獮獮。
 中離分二三。外變迷七八。逆頸盡徹索。仇頭恣髡鬣。怒鬚猶擊鬣。斷臂仍瓢瓢。
 石潛設奇伏。穴覷騁精察。中矢類妖獠。跳鋒狀驚鷲。踞籬聚林嶺。斗起成埃坭。
 旆亡多空杠。軸折鮮聯轄。剗膚決疥痂。敗面碎剝割。渾奔肆狂勦。捷竄脫趨點。
 巖鉤踣狙猿。水澆雜鯨鱉。投奔闢腥膻。填隍儼倍僭。強睛死不閉。猿眼困逾點。
 變堞燭欵燔。扶門呀拗闕。天刀封未坼。會膽露前振。踰梁排郁縮。闔竇搜窺窺。
 迫音聞雜驅。咿呦叫冤阮。窮區指清夷。兇部坐雕鍛。叩文裁裴壘。巴豔收婚納。
 椎肥牛呼牟。載實駝鳴圓。聖靈閱頑黨。燕養均草葶。下書遏雄噉。解罪弔孽賄。

戰血時銷洗，劫 劔霜夜清刮。漢棧罷羈關，劫 滋江息澎湃。
 姑去杏飛蜂，劫 及歸柳嘶蟬。廟獻繁誠級，劫 樂聲洞控榻。
 念齒慰微薰，劫 視傷悼瘵疔。休輸任訛寢，劫 報力厚賦秬。
 杯孟酬酒醪，劫 箱篋饋巾帑。小臣昧戎經，劫 維用贊勳勅。
 成寒絕朝乘，劫 刀暗歇宵營。臺圖煥丹玄，劫 郊告儼匏藉。
 公歡鐘晨撞，劫 室宴絲曉拈。

同宿聯句

自從別君來，劫 遠出遭巧諧。劫 斑斑落春淚，劫 浩浩浮秋浸。
 朝行多危棧，劫 夜臥饒驚枕。劫 生榮今分踰，劫 死棄昔情任。
 山晴指高標，劫 槐密驚長蔭。劫 直辭一以薦，劫 巧舌千皆冷。
 逸韻何嘈嗷，劫 高名俟沽賃。劫 紛葩歡屢填，劫 曠朗憂早滲。
 曦光霽曙物，劫 景曜鏢宵袂。劫 儒門雖大啓，劫 姦首不敢闕。
 清琴試一揮，劫 白鶴叫相暗。劫 欲知心同樂，劫 雙繭抽作紙。
 義泉雖至近，劫 盜索不敢沁。
 毛奇觀象犀，劫 羽怪見鷓鴣。
 鷓鴣行參綺陌，劫 雞唱聞清禁。
 匡鼎惟說詩，劫 桓譚不讀讖。
 爲君開酒腸，劫 顛倒舞相飲。

莎柵聯句

冰溪時咽絕，劫 風擺方軒舉。劫 此處不斷腸，劫 定知無斷處。

雨中寄孟刑部幾道聯句

秋潦淹轍跡，劫 高居限參拜。劫 耿耿善良思，劫 遙遙仰嘉話。
 一晨長隔歲，劫 百步遠殊界。

商聽饒清聳，劫 悶懷空抑噫。劫 美君知道映，劫 逸步謝天械。
 撞宏聲不掉，劫 輪邈瀾逾殺。劫 簷瀉碎江喧，劫 街流淺溪邁。
 祛煩類決癰，劫 愜興劇爬疥。劫 研文較幽玄，劫 呼博聘雄快。
 溫存感深惠，劫 琢切奉明誠。劫 迨茲更凝情，劫 暫阻若嬰瘵。
 欲知相益多，劫 神藥銷宿愆。劫 德符仙山岸，劫 永立難欹壞。
 祥鳳遺蒿鷄，劫 雲詔掩夷屨。劫 爭名求鶴徒，劫 騰口甚蟬鳴。
 關場再鳴先，劫 遐路一飛屆。劫 東野繼奇躅，劫 修綸懸衆轄。
 小生何足道，劫 積愆如觸蠶。劫 惜惜抱所諾，劫 翼翼自申戒。
 惟當騎款段，劫 豈望覲珪玠。劫 弱操愧筠杉，劫 微芳比蕭薤。
 何^劫以驗高明，劫 柔中有剛夫。
 別腸車輪轉，劫 一日一萬周。劫 離思春冰泮，劫 瀾漫不可收。
 取之詎灼灼，劫 北去信悠悠。劫 楚客宿江上，劫 夜魂棲浪頭。
 村飲泊好木，劫 野蔬拾新柔。劫 獨含悽悽別，劫 中結鬱鬱愁。
 靈瑟時宵宵，劫 露猿夜啾啾。劫 憤濤氣尙盛，劫 恨竹淚空幽。
 卽路涉獻歲，劫 歸期渺涼秋。劫 兩歡日牢落，劫 孤悲坐綢繆。
 觀^劫怪忽蕩漾，劫 叩^劫奇獨冥搜。
 馳光忽以迫，劫 飛轡誰能留。
 曉日生遠岸，劫 水芳綴孤舟。
 人憶舊行樂，劫 鳥吟新得儔。
 長懷絕無已，劫 多感良自尤。

遠遊聯句

海鯨吞明月。浪島沒大瀛。我有一寸鉤。欲釣千丈流。良知忽然遠。壯志鬱無抽。
 烟魅暫出沒。蛟螭互蟠縲。昌言拜舜禹。舉颯凌斗牛。懷精餽賢屈。乘桴追聖丘。
 飄然天外步。豈肯區中囚。楚些待誰弔。賈辭絨恨投。翳明弗可曉。祕魂安所求。
 氣毒放逐域。蓼雜芳菲疇。當春忽淒涼。不枯亦颯。絡謠衆猥效。巴語相啾嘲。
 默誓去外俗。嘉願還中州。江生行既樂。躬輦自相勸。飲醇趣明代。味腥謝荒陬。
 馳深鼓利機。趨險驚畫輪。繫石沈拆向。開弓射。路暗執屏翳。波驚戮陽侯。
 廣泛信縹眇。高行恣浮游。外患蕭蕭去。中悒稍稍瘳。振衣造雲闕。跪坐陳清猷。
 德風變詭巧。仁氣銷戈矛。名聲照四海。淑問無時休。歸哉孟夫子。歸去無夷猶。
 晚秋郾城夜會聯句
 從軍古云樂。談笑青油幕。燈明夜觀葵。月暗秋城柝。羈客方寂歷。驚鳥時落泊。
 語關壯氣衰。酒醒塞砧作。遇主貴陳力。夷凶匪兼弱。百牢犒輿師。千戶購首惡。
 平生恥論兵。未暮不輕諾。徒然感恩義。誰復論勳爵。多士被沾污。小夷施毒蕪。
 何當鑄劍戟。相與歸臺閣。室婦歎鳴鶴。家人祝喜鵲。終朝考善龜。何日親烝灼。
 閒使斷津梁。潛軍索林薄。紅塵羽書靖。大水沙囊涸。銘山子所工。插羽余何怍。
 未足煩刀俎。祇應輸管鑰。雨矢逐天狼。電矛驅海若。靈誅固無縱。力戰誰敢卻。

峨峨雲梯翔。赫赫火箭著。連空隳雉堞。照夜焚城郭。軍門宜一令。廟算建三略。
 雷鼓揭千槍。浮橋交萬笮。蹂野馬雲騰。映原旗火鑠。疲氓墜將拯。殘虜狂可縛。
 摧鋒若編兕。超乘如猱獲。逢掖服翻慚。漫胡纓可愕。星殞聞雄雉。師與隨唳鶴。
 虎豹貪犬羊。鷹鷂憎鳥雀。燒陂除積聚。灌壘失依託。憑軾諭昏迷。執父征暴虐。
 倉空戰卒饑。月黑探兵錯。兇徒更蹈藉。逆族相啗嚼。軸轡互淮泗。旆旌連夏鄂。
 大野縱氏羌。長河浴驕駱。東西競角逐。遠近施婚織。人怨童聚謠。天殃鬼行瘴。
 漢刑支郡黜。周制開田削。侯社退無功。鬼薪懲不恪。余雖司斧鑕。情本尚丘壑。
 且待獻俘囚。終當返耕穫。藁街陳鈇鉞。桃塞輿錢簿。地理畫封疆。天文掃寥廓。
 天子憫瘡痍。將軍禁鹵掠。策勳封龍額。歸獸獲麟脚。詰誅敬王怒。給復哀人瘼。
 澤髮解兜牟。醜顏傾鑿落。安存惟恐晚。洗雪不論昨。中堅擁鼓鐸。暮鳥已安巢。
 聲明動朝闕。光寵耀京洛。旁午降絲綸。魏闕橫雲漢。秦關東巖嶠。密坐列珠翠。
 跋朝賀書飛。塞路歸鞍躍。魏闕橫雲漢。秦關東巖嶠。密坐列珠翠。高門塗粉臍。
 江淮永清晏。宇宙重開拓。是日號昇平。此年名作噩。洪赦方下究。武廳亦旁魄。
 南據定蠻陬。北攬空湖漠。儒生慨教化。武士猛刺斫。吾相兩優游。他人雙落莫。
 印從負鼎佩。門爲登壇鑿。再入更顯嚴。九遷彌審謬。賓筵盡狐趙。導騎多衛霍。

國史擅芬芳。宮娃分綽約。
命衣備藻火。賜樂兼拊搏。
誘接謂登龍。趨馳狀傾囊。
惟當早貴富。豈得暫寂寞。
安行庇松篁。高臥枕莞蒹。
談諧酒席展。慷慨戎裝著。
推選閱羣材。薦延搜一鶚。
道舊生感激。當歌發酬酢。
作樂鼓還槌。從禽弓始曠。
恩澤誠布濩。歸頑已簫勺。
池運折秋房。院竹翻夏籜。
雪下收新息。陽生過京索。
爲詩安能詳。庶用存糟粕。

丹掖列鸞鷁。洪鑪衣狐貉。
兩廂鋪繡毼。五鼎調勺藥。
青娥翳長袖。紅頰吹鳴箭。
但擲顧笑金。仍祈卻老藥。
洗沐恣蘭芷。割烹厭脾臄。
斬馬祭旄纛。魚羔禮芒屨。
左右供諂譽。親交獻諛嘯。
羣孫輕綺紈。下客豐醴酪。
取歡移日飲。求勝通宵博。
告成上云亭。考古垂矩矱。
五狩朝恆岱。三畋宿楊柞。
爾牛時寢訖。我僕或歌嘍。

攜文揮月毫。講劔淬霜鏑。
帶垂蒼玉佩。響感黃金絡。
儻不忍辛勤。何由恣歡詭。
歿廟配鐘鼎。生堂合齋齋。
喜顏非忸怩。達志無阻穫。
山多離隱豹。野有求伸鱗。
名聲載揄揚。權勢實熏灼。
窮天貢賅異。匝海賜醢醢。
五白氣爭呼。六奇心運度。
前堂清夜吹。東第良晨酌。
農書乍討論。馬法長懸格。
帝載彌天地。臣辭劣螢燭。

韓昌黎詩集卷九

律詩

題楚昭王廟

丘墳滿目衣冠盡。

城闕連雲草樹荒。

猶有國人懷舊德。

一閒茅屋祭昭王。

宿龍宮灘

浩浩復湯湯。灘聲抑更揚。

奔流疑激電。

驚浪似浮霜。

夢覺燈生暈。

宵殘雨送涼。

如何連曉語。一半是思鄉。

又魚招張功曹

又魚春岸闊。此典在中宵。

大炬然如畫。

長船縛似橋。

深窺沙可數。

靜撈水無搖。

刃下那能脫。波閒或自跳。

中鱗憐錦碎。

當日訝珠銷。

迷火逃翻近。

驚人去暫遙。

競多心轉細。得雋語時驚。

潭磬知存寡。

鼉平覺獲饒。

交頭疑湊餌。

群首類同條。

濡沫情雖密。登門事已遼。

盈車欺故事。

伺犬驗今朝。

血浪凝猶沸。

腥風遠更飄。

蓋江煙霽霽。拂棹影寥寥。

獮去愁無食。

龍移懼見燒。

如棠名既誤。

釣渭日徒消。

文客驚先賦，篙工喜盡謠。膾成思我友，觀樂憶吾僚。自可捐憂累，何須強問鴞。

李員外寄紙筆
題是臨池後，分從起草餘。兔尖針莫竝，繭淨雲難如。莫怪殷勤謝，虞卿正著書。

次同冠峽
今日是何朝，天晴物色饒。落英千尺墮，遊絲百丈飄。泄乳交巖脈，懸流揭浪標。

無心思嶺北，猿鳥莫相撩。
山淨江空水見沙，哀猿啼處兩三家。篔簹競長纖纖笋，踴躍閒開豔豔花。

未報恩波知死所，莫令炎瘴送生涯。
郴州祈雨
乞雨女郎魂，魚羞潔且繁。廟開鼯鼠叫，神降越巫言。早氣期銷蕩，陰官想駿奔。

行看五馬入，蕭颯已隨軒。
湘中酬張十一功曹
休垂絕徼千行淚，共泛清湘一葉舟。今日嶺猿兼越鳥，可憐同聽不知愁。

林口又贈二首
山作劒攢江寫鏡，扁舟斗轉疾於飛。回頭笑向張公子，終日思歸此日歸。

雪颭霜翻看不分，雷驚電激語難聞。沿涯宛轉到深處，何限青天無片雲。

【二】

題木居士二首
火透波穿不計春，根如頭面幹如身。偶然題作木居士，便有無窮求福人。

【二】

爲神詎比溝中斷，遇賞還同爨下餘。朽蠹不勝刀鋸力，匠人雖巧欲何如。

晚泊江口

郡城朝解纜，江岸暮依村。二女竹上淚，孤臣水底魂。雙雙歸鰓燕，一一叫羣猿。

湘中

猿愁魚踊水翻波，自古流傳是汨羅。蘋藻滿盤無處奠，空聞漁父扣舷歌。

別盈上人

山僧愛山出無期，俗士牽俗來何時。祝融峰下一迴首，卽是此生長別離。

喜雪獻裴尚書

宿雲寒不卷。春雪墮如簷。騎巧先投隙。潛光半入池。喜深將策試。驚密仰簷窺。
 自下何曾汗。增高未覺危。比心明可燭。拂面愛還吹。妬舞時飄袖。欺梅併壓枝。
 地空迷界限。砌滿接高卑。浩蕩乾坤合。霏微物象移。爲祥矜大熟。布澤荷平施。
 已分年華晚。猶憐曙色隨。氣嚴當酒換。灑急聽臆知。照曜臨初日。玲瓏滴晚澌。
 衆庭看嶽聳。掃路見雲披。陣勢魚麗遠。書文鳥篆奇。縱歡羅豔點。列賀擁熊螭。
 履繁行偏冷。門局臥更贏。悲嘶聞病馬。浪走信嬌兒。竈靜愁煙絕。絲繁念髮衰。
 擬鹽吟舊句。授簡慕前規。捧贈同燕石。多慙失所宜。

春雪

看雪乘清旦。無人坐獨謔。拂花輕尙起。落地暖初銷。已訝陵歌扇。還來伴舞腰。
 灑篁匪密節。著柳送長條。入鏡鸞窺沼。行天馬度橋。徧增憐可掬。滿樹戲成搖。
 江浪迎濤日。風毛縱獵朝。弄閒時細轉。爭急忽驚飄。城險疑懸布。砧寒未擣綃。
 莫愁陰景促。夜色自相饒。

開梨花發贈劉師命

桃蹊惆悵不能過。紅豔紛紛落地多。

聞道郭西千樹雪。

欲將君去醉如何。

春雪開早梅

梅將雪共春。彩豔不相因。逐吹能爭密。排枝巧妬新。誰令香滿座。獨使淨無塵。
 芳意饒呈瑞。寒光助照人。玲瓏開已遍。點綴坐來頻。那是俱疑似。須知兩逼真。
 熒煌初亂眼。浩蕩忽迷神。未許瓊華比。從將玉樹親。先期迎獻歲。更伴占茲辰。
 願得長輝映。輕微敢自珍。

早春雪中聞鶯

朝鷺雪裏新。雪樹眼前春。帶澁先迎氣。侵寒已報人。共矜初聽早。誰貴後聞頻。
 暫囀那成曲。孤鳴豈及辰。風霜徒自保。桃李詎相親。寄謝幽棲友。辛勤不爲身。

梨花下贈劉師命

洛陽城外清明節。百花寥落梨花發。今日相逢漳海頭。共驚爛漫開正月。

和歸工部送僧約

早知皆是自拘囚。不學因循到白頭。汝既出家還擾擾。何人更得死前休。

入關詠馬

歲老豈能充上驥。力微當自慎前程。不知何故翻驥首。牽過關門妄一鳴。

木芙蓉

新開寒露叢。遠比水閒紅。豔色寧相妬。嘉名偶自同。採江官渡晚。寒木古祠空。

願得勤來看。無令便逐風。

題張十一旅舍三詠

榴花

五月榴花照眼明。

枝閒時見子初成。

可憐此地無車馬。

顛倒青苔落絳英。

井

賈誼宅中今始見。

葛洪山下昔曾窺。

寒泉百尺空看影。

正是行人渴死時。

蒲荷

新莖未徧半猶枯。

高架支離倒復扶。

若欲滿盤堆馬乳。

莫辭添竹引龍鬚。

硤石西泉

居然鱗介不能容。

石眼環環水一鍾。

聞說旱時求得雨。

祇疑科斗是蛟龍。

梁國惠康公主挽歌二首

定諡芳聲遠。

移封大國新。

巽宮尊長女。

台室屬良人。

河漢重泉夜。

梧桐半樹春。

龍輻非厭翟。

還輟禁城塵。

【二】

秦地吹簫女。

湘波鼓瑟妃。

佩蘭初應夢。

奔月竟淪輝。

夫族迎魂去。

宮官會葬歸。

從今沁園草。無復更芳菲。

和崔舍人詠月二十韻

三秋端正月。今夜出東溟。

對日猶分勢。

騰天漸吐靈。

未高蒸遠氣。

半上霧孤形。

赫奕當躔次。

虛徐度杳冥。

長河晴散霧。

浩蕩英華溢。

滿疎物象冷。

池邊臨倒照。

簷際送橫經。

花樹參差見。

阜禽斷續聆。

牖光窺寂寞。

砧影伴娉婷。

幽坐看侵戶。

閒吟愛滿庭。

輝斜通壁練。

彩碎射沙星。

清潔雲閒路。

空涼水上亭。

淨堪分顧兔。

細得數飄萍。

山翠相凝綠。

林煙共霽青。

過隅驚桂側。

當午覺輪停。

屬思精霞錦。

追歡罄標餅。

那樓何處望。

隔笛此時聽。

右掖連台座。

重門限禁局。

風臺觀混漾。

冰砌步青瑩。

獨有虞庠客。

無由拾落莢。

詠雪贈張籍

只見縱橫落。

寧知遠近來。

飄飄還自弄。

歷亂竟誰催。

座暖銷那怪。

池清失可猜。

坳中初蓋底。

埳處遂成堆。

慢有先居後。

輕多去卻廻。

發本積牆隈。

穿細時雙透。

乘危忽半摧。

舞深逢坎井。

集卑值層臺。

砧練終宜擣。

階執未暇裁。

城寒裝睨睥。

樹凍裹莓苔。

片片勻如翦。

紛紛碎若接。

定非煒鶴鷺。

真是屑瓊瑰。

緯繡觀朝夢。

冥茫矚晚埃。

當應恆凜凜。

出戶卽皚皚。

厭野榮芝菌。

傾都委貨財。

娥嬉華蕩漾，胥怒浪崔嵬。碩迴疑浮地，雲平想輾雷。隨車翻綺帶，逐馬散銀杯。
 萬屋漫汗合，千株照曜開。松篁遭挫抑，糞壤獲饒培。隔絕門庭遽，擠排階級纒。
 豈堪裨嶽鎮，強欲效鹽梅。隱匿瑕疵盡，包羅委瑣該。誤雞宵呃喔，驚雀暗徘徊。
 浩浩過三暮，悠悠匝九垓。鯨鯢陸死骨，玉石火炎灰。厚慮填溟壑，高愁撥斗魁。
 日輪埋欲側，坤軸壓將頽。岸類長蛇攪，陵猶巨象壓。水官夸傑黠，木氣怯胚胎。
 著地無由卷，連天不易推。龍魚冷蟄苦，虎豹餓號哀。巧借奢豪便，專繩困約災。
 威貪陵布被，光肯離金疊。賞玩捐他事，歌謠放我才。狂教詩肆矧，興與酒陪鰓。
 惟子能諳耳，諸人得語哉。助留風作黨，勸坐火為媒。雕刻文刀利，搜求智網恢。
 莫煩相屬和，傳示及提孩。

酬王二十舍人雪中見寄

三日柴門擁不開，階平庭滿白皚皚。

今朝蹋作瓊瑤跡。

為有詩從鳳沼來。

送侯喜

已作龍鍾後時者，懶於街裏蹋塵埃。

如今便別長官去。

直到新年衙日來。

學諸進士作精銜石填海。

烏有債冤者，終年抱寸誠。口銜山石細。

心望海波平。渺渺功難見，區區命已輕。

人皆譏造次，我獨賞專精。豈計休無日，惟應盡此生。何慙刺客傳，不著報讎名。

奉酬振武胡十二丈大夫

傾朝共羨寵光頻，半歲遷騰作虎臣。戎旆暫停辭社樹，里門先下敬鄉人。

橫飛玉盞家山曉，遠蹀金珂塞草春。自笑平生誇膽氣，不離文字鬢毛新。

奉和庫部盧四兄曹長元日朝廻

天仗宵嚴建羽旄，春雲送色曉雞號。金爐香動螭頭暗，玉佩聲來雉尾高。

戎服上趨承北極，儒冠列侍映東曹。太平時節難身遇，郎署何須歎二毛。

寒食直歸遇雨

寒食時看度，春遊事已違。風光連日直，陰雨半朝歸。不見紅綈上，那論綵索飛。

惟將新賜火，向曙著朝衣。

送李六協律歸荆南

早日羈遊所，春風送客歸。柳花還漠漠，江燕正飛飛。歌舞知誰在，賓僚逐使非。

宋亭池水綠，莫忘蹋芳菲。

題百葉桃花

百葉雙桃晚更紅，窺臆映竹見玲瓏。應知侍史歸天上，故伴仙郎宿禁中。

春雪

新年都未有芳華。二月初驚見草芽。白雪卻嫌春色晚。故穿庭樹作飛花。

幸自同開俱隱約。何須相倚鬪輕盈。陵晨併作新妝面。對客偏含不語情。

雙燕無機還拂掠。游蜂多思正經營。長年是事皆拋盡。今日欄邊暫眼明。

盆池五首 老翁真箇似童兒。汲水埋盆作小池。一夜青蛙鳴到曉。恰如方口釣魚時。

莫道盆池作不成。藕梢初種已齊生。從今有雨君須記。來聽蕭蕭打葉聲。

瓦沼晨朝水自清。小蟲無數不知名。忽然分散無蹤影。惟有魚兒作隊行。

泥盆淺小詎成池。夜半青蛙聖得知。一聽暗來將伴侶。不煩鳴喚鬪雄雌。

池光天影共青青。拍岸纔添水數餅。且待夜深明月去。試看涵泳幾多星。

芍藥

浩態狂香昔未逢。紅燈燦燦綠盤籠。覺來獨對情驚恐。身在仙宮第幾重。

奉和虢州劉給事使君三堂新題二十一詠

虢州刺史宅。連水池竹林。往往為亭臺。烏渚目其處。為三堂。劉兄自給事中出刺此州。在任逾歲。職修人治。州中稱無事。頗復增飾。從子弟而遊其間。又作二十一詩。以詠其事。流行京師。文士爭和之。余與劉善。故亦同作。

新亭

湖上新亭好。公來日出初。水文浮枕簟。瓦影蔭龜魚。

流水

汨汨幾時休。從春復到秋。只言池未滿。池滿強交流。

竹洞

竹洞何年有。公初斫竹開。洞門無鎖鑰。俗客不曾來。

月臺

南館城陰闕。東湖水氣多。直須臺上看。始奈月明何。

渚亭

自有人知處。那無步往蹤。莫教安四壁。面面看芙蓉。

竹溪
蕩蕩溪流慢。梢梢岸篠長。穿沙碧簾淨。落水紫苞香。

北湖
聞說遊湖棹。尋常到此迴。應留醒心處。準擬醇時來。

花鳥
蜂蝶去紛紛。香風隔岸聞。欲知花鳥處。水上覓紅雲。

柳溪
柳樹誰人種。行行夾岸高。莫將條繫纜。著處有蟬號。

西山
新月迎宵挂。晴雲到晚留。爲遮西望眼。終是懶迴頭。

竹
無塵從不掃。有鳥莫令彈。若要添風月。應除數百竿。

荷池
風雨秋池上。高荷蓋水繁。未諳鳴撼撼。那似卷翻翻。

稻畦

野布畦堪數。枝分水莫尋。魚肥知已秀。鶴沒覺初深。

柳巷

柳巷還飛絮。春餘幾許時。吏人休報事。公作送春詩。

花源

源上花初發。公應日日來。丁寧紅與紫。慎莫一時開。

北樓

郡樓乘曉上。盡日不能迴。晚色將秋至。長風送月來。

鏡潭

非鑄復非鎔。泓澄忽此逢。魚蝦不用避。只是照蛟龍。

孤嶼

朝遊孤嶼南。暮戲孤嶼北。所以孤嶼鳥。與公盡相識。

方橋

非閣復非船。可居兼可過。君欲問方橋。方橋如此作。

梯橋

乍似上青冥。初疑躡菌苔。自無飛仙骨。欲度何由致。

月池

寒池月下明。新月池邊曲。若不妬清妍。卻成相映燭。

遊城南十六首

賽神

白布長衫紫領巾。差科未動是閒人。麥苗含穰桑生莢。共向田頭樂社神。

題于賓客莊

榆莢車前蓋地皮。薔薇蘸水筍穿籬。馬蹄無入朱門跡。縱使春歸可得知。

晚春

草樹知春不久歸。百般紅紫鬪芳菲。楊花榆莢無才思。惟解漫天作雪飛。

落花

已分將身著地飛。那羞踐蹋損光暉。無端又被春風誤。吹落西家不得歸。

楸樹二首

幾歲生成爲大樹。一朝纏繞因長藤。誰人與脫青羅帳。看吐高花萬萬層。

【一】

幸自枝條能樹立。可煩蘿蔓作交加。傍人不解尋根本。卻道新花勝舊花。

風折花枝

浮豔侵天難就看。清香撲地只遙聞。春風也是多情思。故揀繁枝折贈君。

贈同遊

喚起臆全曙。催歸日未西。無心花裏鳥。更與盡情啼。

贈張十八助教

喜君眸子重清朗。攜手城南歷舊遊。忽見孟生題竹處。相看淚落不能收。

題韋氏莊

昔者誰能比。今來事不同。寂寥青草曲。散漫白榆風。架倒藤全落。籬崩竹半空。

寧須惆悵立。翻覆本無窮。

晚雨

廉纖晚雨不能晴。池岸草閒蚯蚓鳴。投竿跨馬蹋歸路。纔到城門打鼓聲。

出城

暫出城門蹋青草。遠於林下見春山。應須韋杜家家到。祇有今朝一日閒。

把酒

擾擾馳名者。誰能一日閒。我來無伴侶。把酒對南山。

嘲少年

直把春債酒。都將命乞花。祇知閒信馬。不覺誤隨車。

楸樹

青幢紫蓋立童童。

細雨浮煙作綵籠。

不得畫師來貌取。

定知難見一生中。

遣興

斷送一生惟有酒。

尋思百計不如閒。

莫憂世事兼身事。

須著人閒比夢閒。

韓昌黎詩集卷十

律詩

送李尚書赴襄陽八韻

帝憂南國切。改命付忠良。壤盡星搖動。旗分獸簸揚。五營兵轉肅。千里地還方。控帶荆門遠。飄浮漢水長。賜書寬屬郡。戰馬隔鄰疆。縱獵雷霆迅。觀棊玉石忙。風流峴首客。花豔大堤倡。富貴由身致。誰教不自強。

和席八十二韻

絳闕銀河曙。東風右掖春。官隨名共美。花與思俱新。綺陌朝遊閒。綾衾夜直頻。橫門開日月。高閣切星辰。庭變寒前草。天銷霽後塵。溝聲通苑急。柳色壓城勻。綸綵謀猷盛。丹青步武親。芳菲含斧藻。光景暢形神。傍砌看紅藥。巡池詠白蘋。多情懷酒伴。餘事作詩人。倚玉難藏拙。吹竽久混真。坐慙空自老。江海未還身。

和武相公早春聞鶯

早晚飛來入錦城。

誰人教解百般鳴。

春風紅樹鶯眠處。

似妬歌童作豔聲。

太安池 同

遊太平公主山莊

公主當年欲占春。

故將臺榭押城闔。

欲知前面花多少。

直到南山不屬人。

晚春

誰收春色將歸去。

慢綠妖紅半不存。

榆莢祇能隨柳絮。

等閒撩亂走空園。

大行皇太后挽歌詞三首

一紀尊名正。三時孝養榮。高居朝聖主。厚德載羣生。武帳虛中禁。玄堂掩太平。秋天笳鼓歇。松柏徧山鳴。

【二】

韓昌黎詩集卷十

威儀備吉凶。文物雜軍容。配地行新祭。因山託故封。風飛終不返。劍化會相從。無復臨長樂。空聞報曉鐘。

【三】

追攀萬國來。警衛百神陪。畫製登秋殿。容衣入夜臺。雲隨仙馭遠。風助聖情哀。只有朝陵日。妝奩一暫開。

廣宣上人頻見過

三百六旬長擾擾。不衝風雨即塵埃。久慙朝士無裨補。空愧高僧數往來。學道窮年何所得。吟詩竟日未能迴。天寒古寺遊人少。紅葉牕前有幾堆。

閒遊二首

雨後來更好。繞池徧青青。柳花閒度竹。菱葉故穿萍。獨坐殊未厭。孤斟詎能醒。持竿至日暮。幽詠欲誰聽。

【四】

茲遊苦不數。再到遂經旬。萍蓋汗池淨。藤籠老樹新。林鳥鳴訝客。岸竹長遮鄰。子雲祇自守。奚事九衢塵。

酬馬侍郎寄酒

一壺情所寄。四句意能多。秋到無詩酒。其如月色何。

和侯協律詠筍

竹亭人不到。新筍滿軒前。乍出真堪賞。初多未覺煩。成行齊婢僕。環立比兒孫。驗長常攜尺。愁乾屢側盆。對吟忘膳飲。偶坐變朝昏。滯雨膏腴溼。驅陽氣候溫。得時方張王。挾勢欲騰鶩。見角牛羊沒。看皮虎豹存。損生猶有隙。散布忽無垠。詎可持籌算。誰能以理言。縱橫公占地。羅列暗連根。狂劇時穿壁。羣強幾觸藩。深潛如避逐。遠去若追奔。始訝妨人路。還驚入藥園。萌芽防護大。覆載莫偏恩。已復侵危砌。非徒出短垣。身寧虞瓦礫。計擬揜蘭蓀。且歎高無數。庸知上幾番。短長終不校。先後竟誰論。外恨苞藏密。中仍節目繁。暫須迴步履。要取助盤飧。穰穰疑翻地。森森競塞門。戈矛頭戢戢。蛇虺首掀掀。婦儒咨料揀。兒癡調盡髡。侯生來慰我。詩句讀驚魂。屬和才將竭。呻吟至日暄。

過鴻溝

龍疲虎困割川原。億萬蒼生性命存。誰勸君王回馬首。真成一擲賭乾坤。

送張侍郎

司徒東鎮馳書謁。丞相西來走馬迎。兩府元臣今轉密。一方逋寇不難平。

贈刑部馬侍郎

1700

紅旗照海壓南荒。微入中臺作侍郎。

暫從相公平小寇。

便歸天闕致時康。

奉和裴相公東征途經女几山下作。

旗穿曉日雲霞雜。山倚秋空劍戟明。

取請相公平賊後。

暫攜諸吏上崢嶸。

鄜城晚飲奉贈副使馬侍郎及馮李二員外。

城上赤雲呈勝氣。眉閒黃色見歸期。

幕中無事惟須飲。

卽是連鑣向闕時。

酬別留後侍郎

爲文無出相如右。謀帥難居郤縠先。

歸去雪銷湊洑動。

西來旌旆拂晴天。

同李二十八夜次襄城

周楚仍連接。川原乍屈盤。雲垂天不暖。

塵漲雪猶乾。

印綬歸台室。旌旗別將壇。

欲知迎候盛。騎火萬星攢。

同李二十八員外從裴相公野宿西界

四面星辰著地明。散燒煙火宿天兵。

不關破賊須歸奏。

自趁新年賀太平。

過襄城

鄜城辭罷過襄城。

潁水嵩山刮眼明。

已去蔡州三百里。

家人不用遠來迎。

宿神龜招李二十八馮十七

荒山野水照斜暉。啄雪寒鴉趁始飛。

夜宿驛亭愁不睡。

幸來相就蓋征衣。

次硤石

數日方離雪。今朝又出山。試憑高處望。隱約見潼關。

和李司勳過連昌宮

夾道疏槐出老根。高甍巨桷壓山原。

宮前遺老來相問。

今是開元幾葉孫。

次潼關先寄張十二閣老使君

荆山已去華山來。日出潼關四扇開。

刺史莫辭迎候遠。

相公親破蔡州迴。

次潼關上都統相公

暫辭堂印執兵權。盡管諸軍破賊年。

冠蓋相望催入相。

待將功德格皇天。

桃林夜賀晉公

西來騎火照山紅。夜宿桃林臘月中。

手把命珪兼相印。

一時重疊賞元功。

送李員外院長分司東都

去年秋露下。羈旅逐東征。今歲春光動。驅馳別上京。飲中相顧色。送後獨歸情。

兩地無千里。因風數寄聲。

晉公破賊回重拜台司以詩示幕中賓客愈奉和

南伐旋師太華東。天書夜到冊元功。將軍舊壓三司貴。相國新兼五等崇。

鷓鴣欲歸仙仗裏。熊羆還入禁營中。長懸典午非材職。得就閒官卽至公。

獨釣四首

侯家林館勝。偶入得垂竿。曲樹行藤角。平池散芡盤。羽沈知食駛。緝細覺牽難。聊取夸兒女。榆條繫從鞍。

【二】

一邁向池斜。池塘野草花。雨多添柳耳。水長減蒲芽。坐厭親刑柄。偷來傍釣車。太平公事少。吏隱詎相賒。

【三】

獨往南塘上。秋晨景氣醒。露排四岸草。風約半池萍。鳥下見人寂。魚來聞餌馨。所嗟無可召。不得倒吾罾。

【四】

秋半百物變。溪魚去不來。風能坼芡背。露亦染梨顛。遠岫重疊出。寒花散亂開。所期終莫至。日暮興誰廻。

枯樹

老樹無枝葉。風霜不復侵。腹穿人可過。皮剝蟻還尋。寄託惟朝菌。依投絕暮禽。猶堪持改火。未肯但空心。

元日酬蔡州上十二尚書去年蔡州元日見寄之什

元日新詩已去年。蔡州遙寄荷相憐。今朝縱有誰人領。自是三峰不敢眠。

詠燈花同侯十一

今夕知何夕。花然錦帳中。自能當雪暖。那肯待春紅。黃裏排金粟。釵頭綴玉蟲。更煩將喜事。來報主人公。

祖席前字

祖席洛橋邊。親交共黯然。野晴山簇簇。霜曉菊鮮鮮。書寄相思處。杯銜欲別前。淮陽知不薄。終願早廻船。

秋字

淮南悲木落。而我亦傷秋。況與故人別。那堪羈宦愁。榮華今異路。風雨苦同憂。莫以宜春遠。江山多勝遊。

送鄉尚書赴南海

番禺軍府盛。欲說暫停杯。蓋海旂幢出。連天觀閣開。衙時龍戶集。上日馬人來。風靜鷄鷄去。官廉蚌蛤迴。貸通師子國。樂奏武王臺。事事皆殊異。無嫌屈大才。

答道士寄樹雞
軟濕青黃狀可猜。欲烹還喚木盤迴。煩君自入華陽洞。直割乖龍左耳來。

一封朝奏九重天。夕貶潮州路八千。欲爲聖明除弊事。肯將衰朽惜殘年。好收吾骨瘴江邊。

雲橫秦嶺家何在。雪擁藍關馬不前。知汝遠來應有意。直去長安路八千。

武關西逢配流吐蕃。湖南地近保生全。我今罪重無歸望。眼知別後自添花。

嗟爾戎人莫慘然。戀闕那堪又憶家。早晚王師收海嶽。普將雷雨發萌芽。

潮陽南去倍長沙。鄧鄩春泥見驛踪。不覺離家已五千。仍將衰病入瀧船。潮陽未到吾能說。海氣昏昏水拍天。

商顏暮雪逢人少。題臨瀧寺
晚次宣溪辱韶州張端公使君惠書敘別酬以絕句二章

韶州南去接宣溪。雲水蒼茫日向西。客淚數行元自落。鷓鴣休傍耳邊啼。

【二】

兼金那足比清文。百首相隨愧使君。俱是嶺南巡管內。莫欺荒僻斷知聞。

題秀禪師房
橋夾水松行百步。竹牀莞席到僧家。暫拏一手支頭臥。還把魚竿下釣沙。

將至韶州先寄張端公使君借圖經
曲江山水聞來久。恐不知名訪倍難。願借圖經將入界。每逢佳處便開看。

過始興江口感懷
憶作兒童隨伯氏。南來今只一身存。目前百口還相逐。舊事無人可共論。

韶州留別張端公使君
來往再逢梅柳新。別離一醉綺羅春。久欽江總文才妙。自歎虞翻骨相屯。

鳴笛急吹爭落日。清歌緩送款行人。已知奏課當徵拜。那復淹留詠白蘋。

量移袁州張韶州端公以詩相賀因酬之
明時遠逐事何如。遇赦移官罪未除。北望詎令隨塞鴈。南遷纔免葬江魚。

次石頭驛寄江西王十中丞閣老

憑高試廻首。一望豫章城。人由戀德泣。馬亦別羣鳴。寒日夕始照。風江遠漸平。默然都不語。應識此時情。

遊西林寺題蕭二兄郎中舊堂

中郎有女能傳業。伯道無兒可保家。偶到匡山曾往處。幾行衰淚落煙霞。

自袁州還京行次安陸先寄隨州周員外

行行指漢東。暫喜笑言同。雨雪離江上。蕪葭出夢中。面猶含瘴色。眼已見華風。歲暮難相值。酣歌未可終。

題廣昌館

白水龍飛已幾春。偶逢遺跡問耕人。丘墳發掘當官路。何處南陽有近親。

寄隨州周員外

陸孟丘楊久作塵。同時存者更誰人。金丹別後知傳得。乞取刀圭救病身。

酒中置上襄陽李相公

濁水汙泥清路塵。還曾同制掌絲綸。眼穿長訝雙魚斷。耳熱何辭數爵頻。銀燭未銷應送曙。金釵半醉座添春。知公不久歸鈞軸。應許閒官寄病身。

去歲自刑部侍郎以罪貶潮州刺史乘驛赴任其後家亦譴逐小女道死殯之層峰驛旁山下蒙恩還朝過其墓留題驛梁

數條藤束木皮棺。草殯荒山白骨寒。驚恐入心身已病。扶舁沿路衆知難。繞墳不暇號三匝。設祭惟聞飯一盤。致汝無辜由我罪。百年慙痛淚闌干。

賀張十八祕書得裴司空馬

司空遠寄養初成。毛色桃花眼鏡明。落日已曾交轡語。春風還擬竝鞍行。長令奴僕知饑渴。須著賢良待性情。且夕公歸伸拜謝。免勞騎去逐雙旌。

杏園送張徹侍御歸使

東風花樹下。送爾出京城。久抱傷春意。新添惜別情。歸來身已病。相見眼還明。更遣將詩酒。誰家逐後生。

雨中寄張博士籍侯主簿喜

放朝還不報。半路蹋泥歸。雨慣曾無節。雷頻自失威。見牆生菌逼。憂麥作蛾飛。歲晚偏蕭索。誰當救晉饑。

奉和兵部張侍郎酬鄆州馬尚書祇召途中見寄開緘之日馬帥已再領鄆州之作
來朝當路日。承詔改轅時。再領須句國。仍遷少昊司。暖風抽宿麥。清雨卷歸旗。

賴寄新珠玉。長吟慰我思。

早春與張十八博士籍遊楊尚書林亭寄弟三閣老兼呈白馮二閣老

牆下春渠入禁溝。渠冰初破滿渠浮。鳳池近日長先暖。流到池時更不流。

奉使常山早次太原呈副使吳郎中

朗朗聞街鼓。晨起似朝時。翻翻走驛馬。春盡是歸期。地失嘉禾處。風存蟋蟀辭。

暮齒良多感。無事涕垂頤。

夕次壽陽驛題吳郎中詩後

風光欲動別長安。春半邊城特地寒。不見園花兼巷柳。馬頭惟有月團圓。

鎮州初歸

別來楊柳街頭樹。擺弄春風只欲飛。還有小園桃李在。留花不發待郎歸。

同水部張員外曲江春遊寄白二十二舍人

漠漠輕陰晚自開。青天白日映樓臺。曲江水滿花千樹。有底忙時不肯來。

和水部張員外宣政衙賜百官櫻桃詩

漢家舊種明光殿。炎帝還書本草經。豈似滿朝承雨露。共看傳賜出青冥。

香隨翠籠擎初到。色映銀盤寫未停。食罷自知無所報。空然慙汗仰皇局。

早春呈水部張十八員外二首

天街小雨潤如酥。草色遙看近卻無。最是一年春好處。絕勝煙柳滿皇都。

【二】

莫道官忙身老大。即無年少逐春心。憑君先到江頭看。柳色如今深未深。

送桂州嚴大夫

蒼蒼森八桂。茲地在湘南。江作青羅帶。山如碧玉簪。戶多輪翠羽。家自種黃甘。

遠勝登仙去。飛鸞不假驂。

奉酬天平馬十二僕射暇日言懷見寄之作

天平篇什外。政事亦無雙。威令加徐土。儒風被魯邦。清爲公論重。寬得士心降。

歲晏偏相憶。長謠坐北牕。

奉使鎮州行次承天行營奉酬裴司空

竄逐三年海上歸。逢公復此著征衣。旋吟佳句還鞭馬。恨不身先去鳥飛。

鎮州路上謹酬裴司空相公重見寄

銜命山東撫亂師。日馳三百自嫌遲。風霜滿面無人識。何處如今更有詩。

奉和僕射裴相公感恩言志

文武成功後，居爲百辟師。林園窮勝事，鐘鼓樂清時。擺落遺高論，雕鐫出小詩。自然無不可，范蠡爾其誰。

和僕射相公朝廻見寄

盡瘁年將久，公今始暫閒。事隨憂共減，詩與酒俱還。放意機衡外，收身矢石閒。秋臺風日迴，正好看前山。

奉和李相公題蕭家林亭

山公自是林園主，歎惜前賢造作時。巖洞幽深門盡鎖，不因丞相幾人知。

奏和杜相公太清宮紀事陳誠上李相公十六韻

未相與姬國，輻櫛建夏家。在功誠可尙，於道詎爲華。象帝威容大，仙宗寶曆賒。衛門羅戟架，圖壁雜龍蛇。禮樂追尊盛，乾坤降福遐。四真皆齒列，二聖亦肩差。陽月時之首，陰泉氣未牙。殿階鋪水碧，庭炬坼金葩。紫極觀忘倦，青詞奏不譁。噲吟宮夜闌，嘈囂鼓晨趨。褻味陳奚取，名香薦孔嘉。垂祥紛可錄，俾壽浩無涯。貴相山瞻峻，清文玉絕瑕。代工聲問遠，攝事敬恭加。皎潔當天月，葳蕤捧日霞。唱妍酬亦麗，俛仰但稱嗟。

韓昌黎詩集卷十一

外集詩五首

芍藥歌

丈人庭中開好花，更無凡木爭春華。翠莖紅藥天力與，此恩不屬黃鐘家。溫馨熟美鮮香起，似笑無言習君子。霜刀翦汝天女勞，何事低頭學桃李。嬌癡婢子無靈性，競挽春衫來比竝。欲將雙頰一啼紅，綠窗磨徧青銅鏡。一罇春酒甘若飴，丈人此樂無人知。花前醉倒歌者誰，楚狂小子韓退之。

海水

海水非不廣，鄧林豈無枝。風波一蕩薄，魚鳥不可依。海水饒大波，鄧林多驚風。豈無魚與鳥，巨細各不同。海有吞舟鯨，鄧有垂天鵬。苟非鱗羽大，蕩薄不可能。我鱗不盈寸，我羽不盈尺。一木有餘陰，一泉有餘澤。我將辭海水，濯鱗清冷池。我將辭鄧林，刷羽蒙籠枝。海水非愛廣，鄧林非愛枝。風波亦常事，鱗羽自不宜。我鱗日已大，我羽日已修。風波無所苦，還作鯨鵬遊。

贈崔立之

昔者十日雨。子桑苦寒饑。夜歌坐空屋。不怨但自悲。其友名子與。忽然憂且思。寒裳觸泥水。裹飯往食之。入門相對語。天命良不疑。好事漆園吏。書之存雄辭。千年事已遠。二子情可推。我讀此篇日。正當雨雪時。吾身固已困。吾友復何為。薄粥不足裹。深泥諒難馳。曾無子與事。空賦子桑詩。

贈河陽李大夫

四海失巢穴。兩都困塵埃。感恩由未報。惆悵空一來。裘破氣不暖。馬羸鳴且哀。主人情更重。空使劔鋒摧。

苦寒歌

黃昏苦寒歌。夜半不能休。豈不有陽春。節歲聿其周。君何愛。重裘兼味養大賢。冰食葛製神所憐。填窗塞戶慎勿出。喧風暖景明年日。

贈同遊者

已見正集。

遺詩十六首

同寶牟韋執中尋劉尊師不遇

秦客何年駐。仙源此地深。還隨躡蹻騎。來訪馭風襟。院閉青霞入。松高老鶴尋。

猶疑隱形坐。敢起竊桃心。

春雪

片片驅鴻急。紛紛逐吹斜。到江還作水。著樹漸成花。越喜飛排障。胡愁厚蓋砂。兼雲封洞口。助月照天涯。暝見迷巢鳥。朝逢失轍車。早豐盡相賀。寧止力耕家。

贈族姪

我年十八九。壯氣起胸中。作書獻雲闕。辭家逐秋蓬。歲時易遷次。身命多厄窮。一名雖云就。片祿不足充。今者復何事。卑棲寄徐戎。蕭條資用盡。濩落門巷空。朝眠未能起。遠憶方鬱悵。擊門者誰子。問言乃吾宗。自云有奇術。探妙知天工。既往恨何及。將來喜還通。期吾語非佞。當為佐時雍。

嘲鼾睡二首

澹師晝睡時。聲氣一何猥。頑颺吹肥脂。坑谷相嵬磊。雄哮乍咽絕。每發壯益倍。有如阿鼻尸。長喚忍衆罪。馬牛驚不食。百鬼聚相待。木枕十字裂。鏡面生痱癩。鐵佛聞斂眉。石人戰搖腿。孰云天地仁。吾欲責真宰。幽尋虱搜耳。猛作濤翻海。太陽不忍明。飛御皆惰怠。乍如彭與黥。呼冤受菹醢。又如圈中虎。號奮兼吼餒。雖令伶倫吹。苦韻難可改。雖令巫咸招。魂爽難復在。何山有靈藥。療此願與採。

濟公坐臥時。長睡無不穩。吾嘗聞其聲。深慮五藏損。黃河弄瀆瀑。梗澀連抽鮫。南帝初奮槌。鑿窟洩混沌。迴然忽長引。萬丈不可付。謂言絕於斯。繼出方袞袞。幽幽寸喉中。草木森莽蕞。盜賊雖狡獪。亡魂敢窺闔。鴻蒙總合雜。詭譎駢戾狠。乍如鬪呶呶。忽若怨懇懇。賦形苦不同。無路尋根本。何能堙其源。惟有土一畚。畫月

玉盃不磨著泥土。

青天孔出白石補。

兔入臼藏蛙縮肚。

桂樹枯株女閉戶。

陰爲陽羞固自古。

嗟汝下民或敢侮。

戲嘲盜視汝目瞽。

贈張徐州莫辭酒

莫辭酒

此會固難同。

請看工女機上帛。

半作軍人旗上紅。

莫辭酒

誰爲君王之爪牙。

春雷三月不作響。

戰士豈得來還家。

辭唱歌

抑逼教唱歌。

不解看豔詞。

坐中把酒人。

豈有歡樂姿。

幸有伶者婦。

腰身如柳枝。

但令送君酒。

如醉如愁癡。

聲自肉中出。

使人能透髓。

復遣慳慳者。

贈金不皺眉。

豈有長直夫。

喉中聲雌雄。

君心豈無恥。

君豈是女兒。

君教發直言。

大聲無休時。

君教哭古恨。

不肯復吞悲。

乍可阻君意。

豔歌難可爲。

知音者誠希

知音者誠希。念子不能別。行行天未曉。攜手踏明月。

酬藍田崔丞立之詠雪見寄

京城數尺雪。寒氣倍常年。泯泯都無地。茫茫豈是天。崩奔駕亂射。揮霍訝相纏。不覺侵堂陛。方應折屋椽。出門愁落道。上馬恐平鞮。朝鼓矜凌起。山齋酩酊眠。吾方嗟此役。君乃詠其妍。冰玉清顏隔。波濤盛句傳。朝飧思共飯。夜宿憶同氈。舉目無非白。雄文乃獨玄。

潭州泊船呈諸公

夜寒眠半覺。鼓笛鬧嘈嘈。聞浪春樓堞。驚風破竹篙。主人看使範。客子讀離騷。聞道松醪賤。何須恡錯刀。

飲城南道邊古墓上逢中丞過贈禮部衛員外少室張道士。

偶上城南土骨堆。共傾春酒三五杯。爲逢桃樹相料理。不覺中丞喝道來。

池上絮

池上無風有落暉。楊花暗後自飛飛。爲將織質凌清鏡。濕卻無窮不得歸。

聯句

有所思聯句

相思繞我心。日夕千萬重。年光坐婉晚。春淚銷顏容。臺鏡晦舊暉。庭草滋新茸。

遣興聯句

我心隨月光。寫君庭中央。月光有時晦。我心安所忘。常恐金石契。斷為相思腸。平生無百歲。岐路有四方。四方各異俗。適異非所將。驚歸顧挫秣。逸翮遺稻梁。時危抱獨沈。道泰懷同翔。獨居久寂默。相顧聊慨慷。愜慷丈夫志。可以耀鋒鏘。蓬蒿知卷舒。孔顏識行藏。朗鑒諒不遠。佩蘭永芬芳。苟無夫子聽。誰使知音揚。

贈劍客李園聯句

天地有靈術。得之者唯君。築爐地區外。積火燒氛氲。照海鑠幽怪。滿空歎異氛。山磨電奕奕。水泮龍蠃蠃。太一裝以寶。列仙篆其文。可用懾百神。豈惟壯三軍。有時幽匣吟。忽似深潭聞。風胡久已死。此劍將誰分。行當獻天子。然後致殊勳。豈如豐城下。空有斗閒雲。

新添詩七首

鄆州谿堂詩并序

憲宗之十四年。始定東平。三分其他。以華州刺史禮部尚書兼御史大夫扶風馬公。為鄆曹濮節度觀察等使。鎮其地。既一年。喪其軍。號曰天平軍。上即位之二年。召公入。且將用之。以其人之安公也。復歸之鎮。上之三年。公為政於鄆。曹濮也。適四年矣。治成制定。衆志大固。惡絕於心。仁形於色。搏心一力。以供國家之職。于時沂密始分而殘其帥。其後幽鎮魏不悅於政。相扇繼變。復歸於舊。徐亦乘勢。逐帥自置。同於三方。惟鄆也。截然中居。四鄰望之。若防之制。水恃以無恐。然而皆曰。鄆為虜巢。且六十年。將彊卒武。曹濮於鄆。州大而近。軍所根柢。皆驕以易怨。而公承死亡之後。撥捨之餘。剝膚椎髓。公私掃地。赤立新舊。不相保持。萬目睽睽。公於此時。能安以治之。其功為大。若幽鎮魏徐之亂。不扇而變。此功反小。何也。公之始至。衆未熟化。以武則忿。以懷則思。則橫而肆。一以為赤子。一以為龍蛇。億心罷精。磨以歲月。然後致之難也。及教之行。衆皆戴公為親。父母夫叛。父母從。仇讐非。入之情。故曰。易於是。天子以公為尚書右僕射。封扶風縣開國伯。以褒嘉之。公亦樂衆之和。知人之悅。而侈上之賜也。於是為堂於其居之西北隅。號曰谿堂。以饗士大夫。通上下之志。既饗。其從事陳曾謂其衆言。公之畜此邦。其勤不亦至乎。此邦之人。繫公之化。惟所令之。不亦順乎。上勤下順。遂濟登茲。不亦休乎。昔者人謂斯何。今者人謂斯何。雖然斯堂之作。意其有謂。而暗無詩歌。是不考引公德。而接邦人於道也。乃使來請其詩曰。

帝奠九壤。有業有年。有荒不條。河岱之閒。及我憲考。一收正之。視邦選侯。以公來尸。公來尸之。人始未信。公不飲食。以訓以徇。孰饑無食。孰呻孰歎。孰冤不問。不得分願。孰為邦蠹。節根之螟。羊狼狼貪。以口覆城。吹之煦之。摩手拊之。箴之石之。膊而磔之。凡公四封。既富以彊。謂公吾父。孰違公令。可以師征。不寧守邦。公作谿堂。播播流水。淺有蒲蓮。深有蒼葦。公以寶燕。其鼓駭駭。公燕谿堂。賓枝醉飽。流有跳魚。岸有集鳥。既歌以舞。其鼓考考。公在谿堂。公御琴瑟。公暨賓贊。稽經諫律。施用不差。人用不屈。谿有寶葦。有龜有魚。公在中流。右詩左書。無我敦遺。此邦是麻。

送陸欽州詩并序

貞元十八年二月十八日。祠部員外郎陸君。出刺欽州。朝廷夙夜之賢。都邑游居之良。齋杏涕洟。咸以為不當去。欽大州也。刺史尊官也。由郎官而往者。前後相望也。當今賦出於天下。江南居十九。宜使之所察。欽為富州。宰臣之所薦。聞天子之所選用。其不輕而重也。較然矣。如是而齋杏涕洟。以為不當去者。陸君之道。行乎朝廷。則天下望其賜。刺一州。則專而不能成。先一州而後天下。豈吾君與吾相之心哉。於是昌黎韓愈。道願留者之心。而泄其思。作詩曰。

我衣之華兮。我佩之光。陸君之去兮。誰與翱翔。斂此大惠兮。施于一州。今其去矣。胡不為醜。我作此詩。歌于遠道。無疾其驅。天子有詔。

送李愿歸盤谷

太行之陽有盤谷。盤谷之閒。泉甘而土肥。草木叢茂。居民鮮少。或曰。謂其環兩山之閒。故曰盤。或曰。是谷也。宅幽而勢阻。隱者之所盤旋。友人李愿居之。愿之言曰。人之稱大丈夫者。我知之矣。利澤施于人。名聲昭于時。坐于廟朝。進退百官。而佐天子出令。其在外。則樹旗旄。羅弓矢。武夫前呵。從者塞途。供給之人。各執其物。夾道而疾馳。喜有賞。怒有刑。才峻滿前道。古今而譽盛德。入耳而不煩。曲眉豐頰。清聲而便體。秀外而惠中。飄輕裾。翳長袖。粉白黛綠者。列屋而閒居。妬寵而負恃。爭妍而取憐。大丈夫之遇。知於天子。用力於當世者之所為也。吾非惡此而逃之。是有命焉。不可幸而致也。窮居而閒處。升高而望遠。坐茂樹以終日。濯清泉以自潔。採於山。美可茹。釣於水。鮮可食。起居無時。惟適之安。與其有譽於前。孰若無毀於其後。與其有樂於身。孰若無憂於其心。車服不維。刀鋸不加。理亂不知。黜陟不聞。大丈夫不遇於時者之所為也。我則行之。伺候於公卿之門。奔走於形勢之途。足將進而趨。起口將言而囁。喘處穢汗而不羞。觸刑辟而誅戮。僥倖於萬一。老死而後止者。其於為人。賢不肖何如也。昌黎韓愈。聞其言而壯之。與之酒。而為之歌曰。

盤之中。維子之宮。盤之士。可以稼。盤之泉。可濯可沿。盤之阻。誰爭子所。窈而深。廓其有容。綠而曲。如往而復。嗟盤之樂兮。樂且無央。虎豹遠跡兮。蛟龍遁藏。鬼神守護兮。呵禁不祥。飲且食兮。壽而康。無不足兮。奚所望。膏吾車兮。秣吾馬。從子于盤兮。終吾生以徜徉。

送張道士

張道士。嵩高之隱者。通古今學。有文武長材。寄迹老子法中。為道士。以養其親。九年。聞朝廷將治東方。貢賦之不如法者。三獻書。不報。長揖而去。京師士大夫多為詩以贈。而屬愈為序。詩曰。

大匠無棄材。尋尺各有施。況當營都邑。杞梓用不疑。張侯嵩山來。面有熊豹姿。開口論利害。劍鋒白差差。恨無一尺捶。為國管羌夷。詣闕三上書。臣非黃冠師。臣有膽與氣。不忍死茅茨。又不媚笑語。不能伴兒嬉。乃著道士服。眾人莫臣知。臣有平賊策。狂童不難治。其言簡且要。陛下幸聽之。天空日月高。下照理不遺。或是章奏繁。裁擇未及斯。寧當不候報。歸袖風披披。答我事不爾。吾親屬吾思。昨宵夢倚門。手取連環持。今日有書至。又言歸何時。霜天熟柿栗。收拾不可遲。嶺北梁可構。寒魚下清伊。既非公家用。且復還其私。從容進退閒。無一不合宜。

時有利不利。雖賢欲奚為。但當勸前操。富貴非公誰。

送鄭十為校理并序

祕書御府也。天子猶以為外且遠。不得朝夕視。始更聚書集賢殿。別置校讐官。曰學士。曰校理。常以龍丞相為大學士。其他學士皆達官也。校理則用天下之名能文學者。苟在選。不計其秩次。惟所用之。由是集賢之書盛積。盡祕書所有。不能處其半。書日益多。官日益重。四年。鄭生涵始以長安尉。選為校理。人皆曰。是宰相子。能恭儉守教訓。好古義。施於文辭者。如是而在選。公卿大夫家之子弟。其勸耳矣。愈為博士也。始事相公於祭酒。分教東都生也。事相公於東大學。今為郎於都官也。又事相公於居守。三為屬吏。經時五年。觀道德於前後。聽教誨於左右。可謂親薰而炙之矣。其高大遠密者。不敢隱度論也。其勤己務博施以己之有。欲人之能。不知古君子何如耳。今生始進仕。獲重語於天下。而慊慊若不足。真能守其家法矣。其在門者可進賀也。求告來寧朝夕侍側。東都士大夫不得見其面。於其行日。分司吏與留守之從事。竊載酒肴。席定鼎門外。盛賓客以餞之。既醉。各為詩五韻。且屬愈為序。

相公倦台鼎。分正新邑洛。才子富文華。校讐天祿閣。壽觴嘉節過。歸騎春衫薄。鳥哢正交加。楊花共紛泊。親交誰不羨。去去翔寥廓。

送汴州監軍俱文珍并序

今之天下之鎮陳雷爲大屯兵十萬連地四州左淮右河抱負齊楚濁流浩浩舟車所同故自天寶已來當藩垣屏翰之任有弓矢鈇鉞之權皆國之元臣天子所左右其監統中貴必材雄德茂榮耀寵光能俯達人情仰喻天意者然後爲之故我監軍俱公報侍從之榮受腹心之寄奮其武毅張我皇威遇變出奇先事獨運偃息談笑危疑以平天子無東顧之憂方伯有同和之美十三年春將如京師相國隴西公飲餞於青門之外謂功德皆可歌之也命其屬咸作詩以鋪釋之詩曰

奉使羌池靜 臨戎汴水安 沖天鵬翅闊 報國劍鋒寒 曉日驅征騎 春風詠采蘭 誰言臣子道 忠孝兩全難

石鼎聯句詩并序

元和七年十二月四日衡山道士軒轅彌明自衡下來舊與劉師服進士衡湘中相識將過太白知師服在京夜抵其居宿有校書郎侯喜新有能詩聲夜與劉說詩彌明在其側貌極醜白鬚黑面長頸而高結喉中又作楚語喜視之若無人彌明忽軒衣張眉指臆中石鼎謂喜曰子云能詩能與我賦此乎劉往見衡湘間人說云年九十餘矣解捕逐鬼物拘囚蛟螭虎豹不知其實能否也見其老顏貌敬之不知其有文也聞此說大喜卽援筆

題其首兩句次傳於喜喜踊躍卽綴其下云云道士啞然笑曰子詩如是而已乎卽袖手竦肩倚北牀坐謂劉曰吾不解世俗書子爲我書因高吟曰龍頭縮菌蠢豕腹漲彭亨初不似經意詩旨有似謾喜二子相顧慚駭欲以多窮之卽又爲而傳之喜喜思益苦務欲壓道士每營度欲出口吻聲鳴益悲操筆欲書將下復止竟亦不能奇也畢卽傳道士道士高蹶大唱曰劉把筆吾詩云云其不用意而功益奇不可附說語皆侵劉侯喜益忌之劉與侯皆已賦十餘韻彌明應之如響皆頹脫含譏諷夜盡三更二子思竭不能續因起謝曰尊師非世人也某伏矣願爲弟子不敢更論詩道士奮曰不然章不可以不成也又謂劉曰把筆來吾與汝就之卽又唱出四十字爲八句書訖使讀讀畢謂二子曰章不成就乎二子齊應曰就矣道士曰子皆不足與語此事爲文耶吾就子所能而作耳非吾之所學於師而能者也吾所能者子皆不足以聞也獨文乎哉吾語亦不當聞也吾閉口矣二子大懼皆起立牀下拜曰不敢他有問也願聞一言而已先生稱吾不解人閒書敢問解何書請問此而已道士寂然若無聞也累問不應二子不自得卽退就座道士倚牀睡鼻息如雷鳴二子怛然失色不敢喘斯須曙鼓鑿鑿二子亦困遂坐睡及覺日已上驚願覓道士不見卽問童奴奴曰天且明道士起出門若將便旋然奴怪久不返卽出到門覓無有也二子驚愧自責若有失者閒遂詣余言余不能識其何道士也嘗聞有隱君子彌

明。豈其人耶。韓愈序。

師服巧匠斲山骨。列中事煎烹。
師服外苞乾蘇文。中有暗浪驚。
師服大似烈士膽。圓如戰馬纓。
師服一塊元氣閉。細泉幽竇傾。
師服皖皖無刃迹。團團類天成。
師服或訝短尾銚。又似無足鐙。
師服陋質荷斟酌。狹中愧提擎。
師服徒示堅重性。不過升合盛。
師服以茲翻溢愆。實負任使誠。
喜區區徒自效。瑣瑣不足呈。
喜豈比俎豆古。不爲手所澄。
喜直柄未嘗權。塞口且吞聲。
喜在冷足自安。遭焚意彌貞。
喜上比香爐尖。下與鏡面平。
喜不值輸寫處。焉知懷抱清。
喜遙疑龜負圖。出曝曉正晴。
喜可惜寒食糴。擲此傍路坑。
喜豈能羨仙藥。但未汗羊羹。
喜旁似廢鼓仰。側見折軸橫。
喜常居顧眄地。敢有漏洩情。
喜迴旋但兀兀。開闔惟鏗鏗。
喜磨礬去圭角。浸潤著光精。
喜願君莫嘲諷。此物方施行。
彌明龍頭縮菌蠢。豕腹漲彭亨。
彌明謬當鼎鼐閒。妄使水火爭。
彌明秋瓜未落蒂。凍芋強抽萌。
彌明方當洪爐然。益見小器盈。
彌明旁有雙耳穿。上爲孤髻撐。
彌明何當出灰地。無計離餅罍。
彌明形模婦女笑。度量兒童輕。
彌明時於蚯蚓窟。微作蒼蠅鳴。
彌明寧依暖熟弊。不與寒涼并。
彌明全勝瑚璉貴。空有口傳名。

韓昌黎詩集終

白樂天詩集

白樂天詩集卷一

諷諭一

賀雨

皇帝嗣寶曆	元和三年冬	自冬及春暮	不雨旱熯熯	上心念下民	懼歲成災凶
遂下罪己詔	殷勤告萬邦	帝曰予一人	繼天承祖宗	憂勤不遑寧	夙夜心忡忡
元年誅劉闢	一舉靖巴邛	二年戮李錡	不戰安江東	願惟眇眇德	遽有巍巍功
或者天降沴	無乃傲予躬	上思答天戒	下思致時邕	莫如率其身	慈和與儉恭
乃命罷進獻	乃命賑飢窮	宥死降五刑	已責寬三農	宮女出宣徽	廐馬減飛龍
庶政靡不舉	皆出自宸衷	奔驕道路人	偃僕田野翁	歡呼相告報	感泣涕沾臍
順人人心悅	先天天意從	詔下纔七日	和氣生沖融	凝為油油雲	散作習習風
晝夜三日雨	淒淒復濛濛	萬心春熙熙	百穀青芄芃	人變愁為喜	歲易儉為豐
乃知王者心	憂樂與衆同	皇天與后土	所感無不通	冠珮何鏘鏘	將相及王公
蹈舞呼萬歲	列賀明庭中	小臣誠愚陋	職忝金鑾宮	稽首再三拜	一言獻天聰

君以明爲聖。臣以直爲忠。敢賀有其始。亦願有其終。

讀張籍古樂府

張君何爲者。業文三十春。尤工樂府詩。舉代少其倫。爲詩意如何。六義互鋪陳。風雅比興外。未嘗著空文。讀君學仙詩。可諷放佚君。讀君董公詩。可誨貪暴臣。讀君商女詩。可感悍婦仁。讀君勸齊詩。可勸薄夫敦。上可裨教化。舒之濟萬民。下可理情性。卷之善一身。始從青衿歲。迨此白髮新。日夜秉筆吟。心苦力亦勤。時無采詩官。委棄如泥塵。恐君百歲後。滅沒人不聞。願藏中祕書。百代不湮淪。願播內樂府。時得聞至尊。言者志之苗。行者文之根。所以讀君詩。亦知君爲人。如何欲五十。官小身賤貧。病眼街西住。無人行到門。

哭孔戡

洛陽誰不死。戡死聞長安。我是知戡者。聞之涕泫然。戡佐山東軍。非義不可干。拂衣向西來。其道直如絃。從事得如此。人人以爲難。人言明明代。合置在朝端。或望居諫司。有事戡必言。或望居憲府。有邪戡必彈。惜哉兩不諧。沒齒爲閒官。竟不得一日。蹇蹇立君前。形骸隨衆人。斂葬北邙山。平生剛腸內。直氣歸其閒。賢者爲生民。生死懸在天。謂天不愛人。胡爲生其賢。謂天果愛民。胡爲奮其年。

茫茫元化中。誰執如此權。

凶宅

長安多大宅。列在街西東。往往朱門內。房廊相對空。梟鳴松桂枝。狐藏蘭菊叢。蒼苔黃葉地。日暮多旋風。前主爲將相。得罪竄巴庸。後主爲公卿。寢疾歿其中。連延四五主。殃禍繼相鍾。自從十年來。不利主人翁。風雨壞簷隙。蛇鼠穿牆墉。人疑不敢買。日毀土木功。嗟嗟俗人心。甚矣其愚蒙。但恐災將至。不思禍所從。我今題此詩。欲悟迷者覺。凡爲大官人。年祿多高崇。權重持難久。位高勢易窮。驕者物之盈。老者數之終。四者如寇盜。日夜來相攻。假使居吉土。孰能保其躬。因小以明大。借家可諭邦。周秦宅嶠函。其宅非不同。一興八百年。一死望夷宮。寄語家與國。人凶非宅凶。

夢仙

人有夢仙者。夢身升上清。坐乘一白鶴。前引雙紅旌。羽衣忽飄飄。玉鸞俄錚錚。半空直下視。人世塵冥冥。漸失鄉國處。纔分山水形。東海一片白。列岳五點青。須臾羣仙來。相引朝玉京。安期羨門輩。列侍如公卿。仰謁玉皇帝。稽首前致誠。帝言汝仙才。努力勿自輕。卻後十五年。期汝不死庭。再拜受斯言。既寤喜且驚。

秘之不散泄。誓志居巖局。恩愛捨骨肉。飲食斷羶腥。朝飧雲母散。夜吸沆瀣精。空山三十載。日望輻輳迎。前期過已久。鸞鶴無來聲。齒髮日衰白。耳目減聰明。一朝同物化。身與糞壤并。神仙信有之。俗力非可營。苟無金骨相。不列丹臺名。徒傳辟穀法。虛受燒丹輕。只自取勤苦。百年終不成。悲哉夢仙人。一夢誤一生。

觀刈麥

時爲登屋縣尉

田家少閑月。五月人倍忙。夜來南風起。小麥覆隴黃。婦姑荷簞食。童稚攜壺漿。相隨餉田去。丁壯在南岡。足蒸暑土氣。背灼炎天光。力盡不知熱。但惜夏日長。復有貧婦人。抱子在其傍。右手秉遺穗。左臂懸弊筐。聽其相顧言。聞者爲悲傷。家田輸稅盡。拾此充飢腸。今我何功德。曾不事農桑。吏祿三百石。歲晏有餘糧。念此私自媿。盡日不能忘。

題海圖屏風

元和己丑年作

海水無風時。波濤安悠悠。鱗介無小大。遂性各沈浮。突兀海底鼉。首冠三神丘。釣網不能制。其來非一秋。或者不量力。謂茲鼉可求。最風牽不動。綸絕沈其鉤。一鼉既頓領。諸鼉齊掉頭。白濤與黑浪。呼吸繞咽喉。噴風激飛塵。鼓波怒陽侯。鯨鯢得其便。張口欲吞舟。萬里無活鱗。百川多倒流。遂使江漢水。朝宗意亦休。

蒼然屏風上。此畫良有由。

羸駿

驂驅失其主。羸餓無人牧。向風嘶一聲。莽蒼黃河曲。蹋冰水畔立。臥雪冢閒宿。歲暮田野空。寒草不滿腹。豈無市駿者。盡是凡人目。相馬失於瘦。遂遺千里足。村中何擾擾。有吏徵芻粟。淪彼軍廩中。化作駑駘肉。

廢琴

絲桐合爲琴。中有太古聲。古聲淡無味。不稱今日情。玉徽光彩滅。朱絃塵土生。廢棄來已久。遺音尚泠泠。不辭爲君彈。縱彈人不聽。何物使之然。羌笛與秦箏。

李都尉古劍

古劍寒黯黯。鑄來幾千秋。白光納日月。紫氣排斗牛。有客借一觀。愛之不敢求。湛然玉匣中。秋水澄不流。至寶有本性。精剛無與儔。可使寸寸折。不能繞指柔。願快直士心。將斷佞臣頭。不願報小怨。夜半刺私讎。勸君慎所用。無作神兵羞。

雲居寺孤桐

一株青玉立。千葉綠雲委。亭亭五丈餘。高意猶未已。山僧年九十。清淨老不死。自云手種時。一顆青桐子。直從萌芽拔。高自毫末始。四面無附枝。中心有通理。

寄言立身者。孤直當如此。

京兆府新栽蓮時為益州縣尉

汚溝貯濁水。水上葉田田。我來一長歎。知是東溪蓮。下有清泥汚。馨香無復全。上有紅塵撲。顏色不得鮮。物性猶如此。人事亦宜然。託根非其所。不如遭棄捐。昔在溪中日。花葉媚清漣。今來不得地。顛顛府門前。

月夜登閣避暑

早久炎氣甚。中人若燔燒。清風隱何處。草樹不動搖。何以避暑氣。無如出塵囂。行行都門外。佛閣正岩崿。清涼近高生。煩熱委靜銷。開襟當軒坐。神泰意飄飄。迴看歸路傍。禾黍盡枯焦。獨善誠有計。將何救旱苗。

初授拾遺

奉詔登左掖。東帶參朝議。何言初命卑。且脫風塵吏。杜甫陳子昂。才名括天地。當時非不遇。尚無過斯位。況予寒薄者。寵至不自意。驚近白日光。慙非青雲器。天子方從諫。朝廷無忌諱。豈不思匪躬。適遇時無事。受命已旬月。飽食隨班次。諫紙忽盈箱。對之終自媿。

贈元稹

自我從宦遊。七年在長安。所得惟元君。乃知定交難。豈無山上苗。徑寸無歲寒。豈無要津水。咫尺有波瀾。之子異於是。久要誓不諼。無波古井水。有節秋竹竿。一為同心友。三及芳歲蘭。花下鞍馬遊。雪中杯酒歡。衡門相逢迎。不具帶與冠。春風日高睡。秋月夜深看。不為同登科。不為同署官。所合在方寸。心源無異端。

哭劉敦質

小樹兩株柏。新土三尺墳。蒼蒼白露草。此地哭劉君。哭君豈無辭。辭云君子人。如何天不弔。窮悴至終身。愚者多貴壽。賢者獨賤進。龍亢彼無悔。螻屈此不伸。哭罷持此辭。吾將詰義文。

答友問

大圭廉不割。利劍用不缺。當其斬馬時。良玉不如鐵。置鐵在洪爐。鐵消易如雪。良玉同其中。三日燒不熱。君疑才與德。詠此知優劣。

雜興三首

楚王多內寵。傾國選嬪妃。又愛從禽樂。馳聘每相隨。錦鞵臂花隼。羅袂控金羈。遂習宮中女。皆如馬上兒。色禽合為荒。刑政兩已衰。雲夢春仍獵。章華夜不歸。東風二月天。春雁正離離。美人挾銀鑰。一發疊雙飛。飛鴻驚斷行。斂翅避蛾眉。

君王顧之笑。弓箭生光輝。迴眸語君曰。昔聞莊王時。有一愚夫人。其名曰樊姬。不有此遊樂。三載斷鮮肥。

【二】

越國政初荒。越天旱不已。風日燥水田。水涸塵飛起。國中新下令。官渠禁流水。流水不入田。墜入王宮裏。餘波養魚鳥。倒影浮樓雉。澹澹九折池。禁迴十餘里。四月芰荷發。越王日遊嬉。左右好風來。香動芙蓉藥。但愛芙蓉香。又種芙蓉子。不念閭門外。千里稻苗死。

【三】

吳王心日侈。服玩盡奇瓌。身臥翠羽帳。手持紅玉杯。冠垂明月珠。帶束通天犀。行動自矜顧。數步一徘徊。小人知所好。懷寶四方來。奸邪得藉手。從此倖門開。古稱國之寶。穀米與賢才。今看君王眼。視之如塵灰。伍員諫已死。浮屍去不迴。姑蘇臺下草。麋鹿暗生麇。

宿紫閣山北邨

晨遊紫閣峰。暮宿山下邨。邨老見予喜。為予開一尊。舉杯未及飲。暴卒來入門。紫衣挾刀斧。草草十餘人。奪我席上酒。掣我盤中殮。主人退後立。斂手反如賓。

中庭有奇樹。種來三十春。主人惜不得。持斧斷其根。口稱采造家。身屬神策軍。主人慎勿語。中尉正承恩。

讀漢書

禾黍與稂莠。雨來同日滋。桃李與荆棘。霜降同夜萎。草木既區別。榮枯那等夷。茫茫天地意。無乃太無私。小人與君子。用置各有宜。奈何西漢末。忠邪並信之。不然盡信忠。早絕邪臣窺。不然盡信邪。早使忠臣知。優游兩不斷。盛業日已衰。痛矣蕭京輩。終令陷禍機。每讀元成紀。憤憤令人悲。寄言為國者。不得學天時。

贈樊著作

陽城為諫議。以正事其君。其手如屈軼。舉必指佞臣。卒使不仁者。不得乘國鈞。元稹為御史。以直立其身。其心如肺石。動必達窮民。東川八十家。冤憤一言伸。劉闢肆亂心。殺人正紛紛。其嫂曰庚氏。棄絕不為親。從史萌逆節。隱心潛負恩。其佐曰孔戡。捨去不為賓。凡此士與女。其道天下聞。常恐國史上。但記鳳與麟。賢者不為名。名彰教乃敦。每惜若人輩。身死名亦淪。君為著作郎。職廢志空存。雖有良史才。直筆無所申。何不自著書。實錄彼善人。編為一家言。以備史闕文。

蜀路石婦

道傍一石婦，無記復無銘。傳是此鄉女，爲婦孝且貞。十五嫁邑人，十六夫征行。夫行二十載，婦獨守孤墳。其夫有父母，老病不安寧。其婦執婦道，一一如禮經。晨昏問起居，恭順發心誠。藥餌自調節，膳羞必甘馨。夫行竟不歸，婦德轉光明。後人高其節，刻石像婦形。儼然整衣巾，若立在閭庭。似見舅姑禮，如聞環珮聲。至今爲婦者，見此孝心生。不比山頭石，空有望夫名。

折劍頭

拾得折劍頭，不知折之由。一握青蛇尾，數寸碧峯頭。疑是斬鯨鯢，不然刺蛟虬。不然刺蛟虬，不然刺蛟虬。缺落泥土中，委棄無人收。我有鄙介性，好剛不好柔。勿輕直折劍，猶勝曲全鉤。

登樂遊園望

獨上樂遊園，四望天日曛。東北何靄靄，宮闕入煙雲。愛此高處立，忽如遺垢氛。耳目暫清曠，懷抱鬱不伸。下視十二街，綠樹閒紅塵。車馬徒滿眼，不見心所親。孔生死洛陽，元九謫荆門。可憐南北路，高蓋者何人。

酬元九對新栽竹有懷見寄

頃有贈元九詩云：有節秋竹竿，故感之。因重見寄。

昔我十年前，與君始相識。曾將秋竹竿，比君孤且直。中心一以合，外事紛無極。

共保秋竹心，風霜侵不得。始嫌梧桐樹，秋至先改色。不愛楊柳枝，春來軟無力。憐君別我後，見竹長相憶。常欲在眼前，故栽庭戶側。分首今何處，君南我在北。吟我贈君詩，對之心惻惻。

感鶴

鶴有不羣者，飛飛在野田。飢不啄腐鼠，渴不飲盜泉。貞姿自耿介，雜鳥何翩翾。同遊不同志，如此十餘年。一興嗜慾念，遂爲矰繳牽。委質小池內，爭食羣雞前。不惟懷稻粱，兼亦競腥羶。不惟戀主人，兼亦狎烏鳶。物心不可知，天性有時遷。一飽尙如此，況乘大夫軒。

春雪

元和歲在卯，六年春二月。月晦寒食天，天陰夜飛雪。連宵復竟日，浩浩殊未歇。大似落鵝毛，密如飄玉屑。寒銷春茫蒼，氣變風凜冽。上林草盡沒，曲江水復結。紅乾杏花死，綠凍楊枝折。所憐物性傷，非惜年芳絕。上天有時令，四序平分別。寒燠苟反常，物性皆天闕。我觀聖人意，魯史有其說。或記水不冰，或書霜不殺。上將儆政教，下以防災孽。茲雪今如何，信美非時節。

高僕射

富貴人所愛。聖人去其泰。所以致仕年。著在禮經內。玄元亦有訓。知止則不殆。二疏獨能行。遺跡東門外。清風久銷歇。追此向千載。斯人古亦稀。何況今之代。遑遑名利客。白首千百輩。唯有高僕射。七十懸車蓋。我年雖未老。歲月亦云邁。預恐老及時。貪榮不能退。中心私自傲。何以爲我戒。故作僕射詩。書之於大帶。

白牡丹 和劉學士作

城中看花客。旦暮走營營。素華人不顧。亦占牡丹名。開在深寺中。車馬無來聲。唯有錢學士。盡日遠叢行。憐此皓然質。無人自芳馨。衆嫌我獨賞。移植在中庭。留景夜不暝。迎光曙先明。對之心亦靜。虛白相向生。唐昌玉蘂花。攀翫衆所爭。折來比顏色。一種如瑤瓊。彼因稀見貴。此以多爲輕。始知無正色。愛惡隨人情。豈惟花獨爾。理與人事并。君看入眼者。紫豔與紅英。

贈內

生爲同室親。死爲同穴塵。他人尙相勉。而況我與君。黔婁固窮士。妻賢忘其貧。冀缺一農夫。妻敬儼如賓。陶潛不營生。翟氏自爨薪。梁鴻不肯仕。孟光甘布裙。君雖不讀書。此事耳亦聞。至此千載後。傳是何如人。人生未死閒。不能忘其身。所須者衣食。不過飽與溫。蔬食足充飢。何必膏粱珍。繪絮足禦寒。何必錦繡文。

君家有貽訓。清白遺子孫。我亦貞苦士。與君新結婚。庶保貧與素。偕老同欣欣。

寄唐生

賈誼哭時事。阮籍哭路岐。唐生今亦哭。異代同其悲。唐生者何人。五十寒且飢。不悲口無食。不悲身無衣。所悲忠與義。悲甚則哭之。太尉擊賊日。尙書叱盜時。大夫死兇寇。諫議謫蠻夷。每見如此事。聲發涕輒隨。往往聞其風。俗士猶或非。憐君頭半白。其志竟不衰。我亦君之徒。鬱鬱何所爲。不能發聲哭。轉作樂府詩。篇篇無空文。句句必盡規。功高虞人箴。痛甚騷人辭。非求宮律高。不務文字奇。惟歌生民病。願得天子知。未得天子知。甘受時人嗤。藥良氣味苦。琴淡音聲稀。不懼權豪怒。亦任親朋譏。人竟無奈何。呼作狂男兒。每逢羣盜息。或遇雲霧披。但自高聲歌。庶幾天聽卑。歌哭雖異名。所感則同歸。寄君三十章。與君爲哭詞。

傷唐衢二首

自我心存道。外物少能逼。常排傷心事。不爲長歎息。忽聞唐衢死。不覺動顏色。悲端從東來。觸我心惻惻。伊昔未相知。偶遊滑臺側。同宿李翺家。一言如舊識。酒酣出送我。風雪黃河北。日西竝馬頭。語別至昏黑。君歸向東鄭。我來遊上國。交心不交面。從此重相憶。憐君儒家子。不得詩書力。五十著青衫。試官無祿食。

遺文僅千首。六義無差忒。散在京洛閒。何人爲收拾。

【二】

憶昨元和初。忝備諫官位。是時兵革後。生民正憔悴。但傷民病痛。不識時忌諱。遂作秦中吟。一吟悲一事。貴人皆怪怒。閒人亦非譽。天高未及聞。荆棘生滿地。惟有唐衢見。知我平生志。一讀興歎嗟。再吟垂涕泗。因和三十韻。手題遠緘寄。致我陳杜閒。賞愛非常意。此人無復見。此詩猶可貴。今日開篋看。蠹魚損文字。不知何處葬。欲問先歎歎。終去哭墳前。還君一掬淚。

問友

種蘭不種艾。蘭生艾亦生。根荻相交長。莖葉相附榮。香莖與臭葉。日夜俱長大。鋤艾恐傷蘭。溉蘭恐滋艾。蘭亦未能溉。艾亦未能除。沈吟意不決。問君合何如。

悲哉行

悲哉爲儒者。力學不知疲。讀書眼欲昏。秉筆手生胝。十上方一第。成名常苦遲。縱有宦達者。兩鬢已成絲。可憐少壯日。適在窮賤時。丈夫老且病。焉用富貴爲。沈沈朱門宅。中有乳臭兒。狀貌如婦人。光明膏梁肌。手不把書卷。身不攬戎衣。二十襲封爵。門承勳戚資。春來日日出。服御何輕肥。朝從博徒飲。暮有娼樓期。

不封還酒債。堆金選娥眉。聲色狗馬外。其餘一無知。山苗與澗松。地勢隨高卑。古來無奈何。非獨君傷悲。

紫藤

藤花紫蒙茸。藤葉青扶疎。誰謂好顏色。而爲害有餘。下如蛇屈盤。上若蠅菜紆。可憐中閒樹。束縛成枯株。柔蔓不自勝。嫋嫋挂空虛。豈知纏樹木。千夫力不如。先柔後爲害。有似諛佞徒。附著君權勢。君迷不肯誅。又如妖婦人。綢繆蠱其夫。奇邪壞人室。夫惑不能除。寄言邦與家。所慎在其初。毫末不早辨。滋蔓信難圖。願以藤爲戒。銘之於座隅。

放鷹

十月鷹出籠。草枯雉兔肥。下鞞隨指顧。百擲無一遺。鷹翅疾如風。鷹爪利如錐。本爲鳥所設。今爲人所資。孰能使之然。有術甚易知。取其向背性。制在飢飽時。不可使長飽。不可使長飢。飢則力不足。飽則背人飛。乘飢縱搏擊。未飽須繫維。所以爪翅功。而人坐收之。聖明馭英雄。其術亦如斯。鄙語不可棄。吾聞諸獵師。

慈烏夜啼

慈烏失其母。啞啞吐哀音。晝夜不飛去。經年守故林。夜夜夜半啼。聞者爲沾襟。

聲中如告訴。未盡反哺心。百鳥豈無母。爾獨哀怨深。應是母慈重。使爾悲不任。昔有吳起者。母歿喪不臨。嗟哉斯徒輩。其心不如禽。慈烏復慈烏。烏中之曾參。

燕詩示劉叟

叟有雙子。背叟逃去。叟甚悲念之。叟少年時亦嘗如是。故作燕詩以喻之。

梁上有雙燕。翩翩雄與雌。唧泥兩椽閒。一巢生四兒。四兒日夜長。索食聲孜孜。青蟲不易捕。黃口無飽期。背爪雖欲疲。心力不知疲。須臾千來往。猶恐巢中飢。辛勤三十日。母瘦雛漸肥。喃喃教言語。一一刷毛衣。一旦羽翼成。引上庭樹枝。舉翅不回顧。隨風四散飛。雌雄空中鳴。聲盡呼不歸。卻入空巢裏。啾啾終夜悲。燕燕爾勿悲。爾當返自思。思爾為雛日。高飛背母時。當時父母念。今日爾應知。

采地黃者

麥死春不雨。禾損秋早霜。歲晏無口食。田中采地黃。采之將何用。持以易餼糧。凌晨荷鋤去。薄暮不盈筐。攜來朱門家。賣與白面郎。與君啖肥馬。可使照地光。願易馬殘粟。救此苦飢腸。

初入太行路

天冷日不光。太行峯蒼莽。嘗聞此中險。今我方獨往。馬蹄凍且滑。羊腸不可上。若比世路難。猶自平於掌。

鄧魴張徹落第

古琴無俗韻。奏罷無人聽。寒松無妖花。枝下無人行。春風十二街。軒騎不暫停。奔車看牡丹。走馬聽秦箏。衆目悅芳豔。松獨守其真。衆耳喜鄭衛。琴亦不改聲。懷哉二夫子。念此無自輕。

送王處士

王門豈無酒。侯門豈無肉。主人貴且驕。待客禮不足。望塵而拜者。朝夕走碌碌。王生獨拂衣。遐舉如雲鶴。寧歸白雲外。飲水臥空谷。不能隨衆人。斂手低眉目。扣門與我別。沽酒留君宿。好去采薇人。終南山正綠。

村居苦寒

八年十二月。五日雪紛紛。竹柏皆凍死。況彼無衣民。廻觀村閭閒。十室八九貧。北風利如劍。布絮不蔽身。唯燒蒿棘火。愁坐夜待晨。乃知大寒歲。農者猶苦辛。願我當此日。草堂深掩門。褐裘覆絁被。坐臥有餘溫。幸免飢凍苦。又無墮畝勸。念彼深可愧。自問是何人。

納粟

有吏夜叩門。高聲催納粟。家人不待曉。場上張燈燭。揚簸淨如珠。一車三十斛。